


Bibelgrundkurs

NIEET LEWEN MET JESUS

Baunt 1



E. H.

MANFRED RÖSELER

Broodahaunt-Medien

Bibelgrunkurs

NIEET LEWEN MET JESUS

Baunt 1

Manfred Röseler

Broodahaunt-Medien
Wienhausen

Dee *Bibelgrundkurs „Nieet Lewen met Jesus“*
besteit üt twee Bieekja met jiedatsmol 12 Lekzione

- Bibelgrundkurs „Nieet Lewen met Jesus“ –Baunt 1
- Bibelgrundkurs „Nieet Lewen met Jesus“ –Baunt 2

Dee *Bibelgrundkurs „Nieet Lewen met Jesus“ Deel 1 en 2* es 1989 em DIN-A4-Format met eenseln rütnemboare Siede rütjeft. 2019 wort dit ewaoarbeit en niee rütjeft. 2025 wort dit en Plautdietsch ewasat.

Dee Bibeltakjsten sent dee Plautdietsche-Ewasatunk Versioon 2023 rütjenomen: Copyright © 2000 Genfer Bibeljesalschoft. Wadajeft met frintlicha Frieheit. Aule Rajchte veabehoolen.

Bibeltakjsten met dem Vemuakjt P.B., es dee Ewasatunk – Nieet Tastament en Psalmen rütjenomen. Copyright © 2011 Genfer Bibeljesalschoft. Wadajeft met frintlicha Frieheit. Aule Rachte veabeholen.

Bibelerische Informatiounen von dee Dietsche Nazionalbibliotekj: Dee Dietsche Nazionalbibliotekj vetieekjent dise Bieekja en dee Nazionalbibliografie; jeneiw bibliografische Dote sent em Internet ewa <http://dnb.dnb.de> raufoteluden.

Titelbilt: © xijian - istockphoto.com

© 2020 by Missionswerk Bruderhand

Bestalunge aun:
Missionswerk Bruderhand
Am Hofe 2, 29342 Wienhausen, Deutschland
Telefon 05149 9891-0
E-Mail: info@bruderhand.de
Homepage: bruderhand.de/bibelgrundkurs


Best.-Nr. 662446
ISBN 978-3-944337-05-0

Aule Rachte veabehoolen.
2025 ewasat en Plautdietsch
Telefon: 0983769108 *Eh.*

Enhault

Lekzion 1:	Bekjierunk	15
Lekzion 2:	Wadajeburt	29
Lekzion 3:	Heilsjewessheit	39
Lekzion 4:	Stelle Tiet	49
Lekzion 5:	Jemeent	61
Lekzion 6:	Jebed	75
Lekzion 7:	Jehuarsom	89
Lekzion 8:	Aunfachtunge	101
Lekzion 9:	Gott kjanen en Leewen	113
Lekzion 10:	Jesus Christus	129
Lekzion 11:	Dee Heilja Jeist	143
Lekzion 12:	Daut siechrikje Lewen	157

Dee oppbü vom kursus



Dee *Bibelgrunkurs „Nieet Lewen met Jesus“* behandelt wichtje Teemasch fa ons nieet Lewen met Jesus:

Ons Christ senne fankt met dee Bekjierunk too Jesus Christus aun. Doaropphan schonk Gott ons derch dee Wadajeburt een nieet Lewen.

En dee foljende dree Teemasch jeft daut den Aunfank fa ons Lewen aus Christ :

1. **Bekjierunk**
2. **Wadajeburt**
3. **Heilsjewessheit**

Nodem dise jeistliche Gruntloag jelajcht wort, sull een Christ foljende Gruntsauza fa siene jeistliche Waustiet kjanenlieren:

4. **Gottes Wuat „Stelle Tiet“**
5. **Jemeent**

6. **Jebed**

7. **Jehuarsom**

En ons Lewen aus Christ jeit nich aules glaut. Dee Soton vesieekjt, ons vom rajchten Wajch auftobrinjen. Duaweajen behandelt dee neakjste Lekzion daut Teema:

8. **Aunfajchtunge**

Christ senne bediet en eene perseenliche Jemeeschoft met Gott to lewen. Am well wie en ons Lewen emma beta kjanenlieren. Ut dee Bibel erfua wie, wea Gott es. Duaweajen jeit daut en dee neakjste Lekzione om:

9. **Gott** (Ieejenschofte, Dree-eenichkjeit, Gott aus Voda)

10. **Jesus Christus**

11. **Den Heiljen Jeist**

En dee latste Lekzion woa wie ons duamet beschaftjen, woo wie een Lewen en dee Krauft vom Heiljen Jeist fieren kjennen:

12. **Daut Siechrikje Lewen**

Dee Oabeidswies

Dis Bibelkurs es fa daut Studium en eene Grupp, so aus uk fa dien Perseenlichet Bibelstudium jeieejent.

I. Daut Perseenliche Studium

Dis Kursus kaun aus een gaunz perseenlichet studium jedonen woaren. Doafea heet daut, daut jieda Lekzion jrindlich to lesen, en vele Bibelsteden no to schlönen bie dee Unjahoolungsfroagen, dee Auntwuaten aunhaunt dee Bibel rüttokjrien en opptoschriewen.

II. Dee Gruppenoabeit

Jieda Lekzion besteit üt eene jeneiwe Duastalunk en eene kortfotunk. Doaweajen kaun dee Kursus en eene Grupp, entweda aunhaunt dee jeneiwe kortfutunk, ooda aunhaunt dee Kortfutunk derchjeoabeit wuaren.

A. Dee Korte doastalunk ensaten

Dee Korte doastalunk enhelt jiedatsmol dee wichtichste Punkte von jieda Lekzion, eenje Bibelsteden en jeleajentlich eenje Froagen, dee en eene Grupp derchjeret wuaren kaun. Dise Oabeitswies es jeieejent, wan weinich Tiet fa dee Gruppenoabeit jeblewen es. Dee jeft dem Leida vel Frierüm fa dee Jestaultunk von dee Bibeloabeit. Dee Gruppenleida kaun dee Bibeloabeit aunhaunt von dee Lekzion jeneiwa vevolstenjen.

B. Dee jeneiwe doastalunk ensaten

Dee jeneiwe duastalunk bitt eene Oppdeelunk von dee Teemasch dee vel wichtje Bibelsteden en Unjahoolunksfroagen haft. Om aule aunjejewde Bibelsteden en Froagen en dee Grupp to behaundlen, rieekjt dee Tiet fa een Teema aun eenen Owent foaken nich üt. Dee Gruppenleida sull doahea Schwuapunkte saten en eenje Punkte en Froagen ewasprinjen. Wan et meajlich es, kjennen twee Owents fa eene Lekzion enjeplont woaren. Hauntierunk: Dee Gruppenleida kaun eenje Takjste von dee Lekzion vealesen ooda een Deelnema bedden, dee Takjste to lesen. Dee Leida nant dee Bibelsteden, dee jemeensom oppjeschloagen en behaundelt woaren. Bütadem stalt hee dee Froagen, dee en dee Gruppe beantwuat woaren. Hee leit dee unjahoolunk von dee Grupp.

Korte Enleidunk en dee Bibel

Soolang aus et dee Bibel jeft, haben Menschen eare Krauft, Ermootjunk en Troost Jekjreajen. Opp dee es to veloten, en es dee Motstock fa ons Gloowen en fa ons Lewen. Doaweajen sull wie dee Bibel nich bloos lesen en studieren, oba uk fa ons Lewen aanwenden.

I. Waut es dee Biebel?

Dee Bieekja, dee em Gottesdeenst von dee ieeschte Christen jebrukt worden, nande dee griechisch redende Christen „biblia“ (= Bieekja).

Ons Dietschet Woat „Bibel“ wort von „biblia“ aufgeleit en enn dee Eenzol jesat. Soomet wiest daut opp dee Eenheit vom Wuat Gottes han.

Dee Bibel es eene Saumlunk von 66 eenzelne Bieekja, dee en eene Tiet von ca. 1.500 Joa von ewa 40 verschiedne Schriewasch jeschrewen worden. Dee es vom Heiljen Jeist enjejeft, en jeft met jettliche Macht dee Bootschoft Gottes aun ons Menschen wieda. Dee Bibel es wichtich fa onse Jemeenschoft met Gott en fa ons Lewen aus Christen.

II. Dee endeelunk von dee Bibel

Dee Bibel besteit üt twee Deelen met aules topp 66 verschiedne Bieekja:

- Oolet Tastament (OT): 39 Bieekja
- Nieet Tastament (NT): 27 Bieekja

Soo aus daut Oole aus uk daut Niee Tastament es enjedeilt worden en:

- Jeschichtsbieekja
- Liabieekja
- Profeetische Bieekja (em NT bloos een profeetischet Buak)

Dee vondoagsche Endeilunk von dee Kapitels worde von Langton, dem Oppsechta von Canterbury (1227 n. Chr.), en dee vondoagsche Varschendeelunk von R. Stefanus, een Buakdrekja (1551 n. Chr.), veajenomen.

Wist dü ...

... daut dee Bibel 1.189 Kapitels haft?

... daut et 80 bat 100 Stunden brukt, om dee Bibel eenmol derchtolesen?

... daut dü en een Joa derch dee Bibel kjemst, wan dü auledach veea Kapitels lest?

DE BIBEL					
Daut Oole Tastament			Daut Niese Tastament		
Jeschichts- bieekja	Liabieekja	Profeetische Bieekja	Jeschichts- bieekja	Liabieekja	Profeetische Buak
1. Mose	Hiob	Jesaja	Mateus	Reema	Openboa- runk
2. Mose	Psalmen	Jeremia	Markus	1. Korinta	
3. Mose	Spricha	Kloageleeda	Lukas	2. Korinta	
4. Mose	Liera	Hesekiel	Johanes	Galata	
5. Mose	Daut Leet	Daniel	Apostel- jeschicht	Efeesa	
				Filippa	
Josua		Hosea		Kolossa	
Rechta		Joel		1. Tessa- lonicha	
Rut		Amos		2. Tessa- lonicha	
1. Samuel		Obadja		1. Timoteus	
2. Samuel		Jona		2. Timoteus	
1. Kjenn- ichs		Micha		Titus	
2. Kjenn- ichs		Nahum		Filemon	
1. Chronik		Habakuk		1. Petrus	
2. Chronik		Zefanja		2. Petrus	
Esra		Hagai		1. Johanes	
Nehemia		Sacharja		2. Johanes	
Ester		Maleachi		3. Johanes	
				Hebrea	
				Jakobus	
				Judas	

III. Woo es dee Bibel entstonen?

A. Dee Schriewa von dee Bibel

Dee Bibel es eenmolich Jejrint worden. Dee wort opp weinichste von 40 Schriewasch jeschrewen. Doarunja wiere Kjennichs, Rejierungsmana, Jeliiede, Dichta, Hoad en Fescha. See schreewen aun veschiedne Steden, t.B. em Jefenkjinis, em Paulaut en opp Reisen. See befungen sikj opp dree veschiedne Kontinenten (Afrika, Asien, Europa), komen üt veschiedne Jesalschofte en schriewen en dree veschiedne Sproaken, en (Hebreisch, Arameisch, Griechisch). Emanoch bilt dee Bibel eene wundaboare Eenheit.

B. Dee Biebel derch den Jeist jejeft

Eene enscheidende Bediedunk es, daut dee Bibel von Menschen unja dee Leidunk vom Heiljen Jeist jejeft jeschrewen wort. Eare ieejne Perseenlichkjeit wort doabie nich büta Acht jeloten. Dee Auntwuat es, daut dee Bibel eene volkomne Bootschoft Gottes aun ons Menschen es. Dee Bibel es Gottes Wuat, en es woarhaftich opp to veloten.

Psalm 119, 160

Dien Wuat es sest nuscht aus Woarheit.

Diene jerajchte Jesazen sent aula ewich

2. Petrus 1,20-21

Ieeschtens mott jie daut vestonen, daut kjeene schrefliche Profeetie waut es, daut eena sikj selfst ütlaycht. 21 Wiels Profeetie es nich waut, daut een Mensch sikj selfst ütdenkjt; daut wiewa dee Heilja Jeist en dise Menschen, dee an jeef, waut see von Gott reden sullen.

Aun 3.808 Steden em Oolen Tastament jeft daut Ütsajen t.B. „Soo ret dee HARR“. Doamet woat dee Werkjlichkjeit betoont, daut daut Oole Tastament Gottes Bootschoft aun ons es.

Em Nieren Tastament see wie, daut den Apostel bewust wort, daut see Gottes Bootschoft predjen:

2. Korinta 2,17

Wie sent nich soo aus vele, dee met Gott sien Wuat Schacha driewen en duamet waut vedeenen wellen. Soo aus von Gott jeschekjt, sent wie iernst bie dee Sach en reden en siene Jaajenwuat aus Christus siene deena.

C. Veaschreften von dee Bibel

Bat to een niea ütfunk dee Drekjschreft, wort dee Bibel bloos Hauntschreftlich wieda jeft. Doa bie wort dee met eene soo groote veasecht aunvetrüt, soos kjeen aundret Buak. Daut jeft opp weinichste 15.000 Hauntschrefte, dee de Bibel met dee help von Aufschriewfela faustjestalt worden kjennen. Kjeen Takjst von dee Oole Tiet, kaun vondoag soo secha belajcht wuaren, soo aus dee Takjste von dee Bibel.

IV. Woo studiea ekj dee Bibel met Jewenn?

Den Rikjtum von dee Bibel entdakj wie, wan wie doano growen.
Wie sullen ons nich met een schlopmetzjet Lesen von dee Bibel tofred senne.

A: Dee Bibel met eene Jebetsjesennunk lesen.

Psalm 119,18

**Moak mie dee Uagen op, daut ekj dee
Wunda en dien Jesaz seene kaun!**

Wiels dee Bibel ewa jeistliche Teemasch ret, mott wie uk jeistliche Meddel ensaten, om dee rechtich to vestonen. Gott well ons Vestendnis bedachen, doamet wie am en sienen Wellen beta vestonen. Wie lesen dee Bibel doawejen met eene Hoatensjesennunk vom Jebed en reed to sennen, ons derch dee veendren to loten.

B. Dee Toopfotunk betrachten

Den Toophank, dee en dem Takjst steit, mott wie beachten, om dee Bediedunk vom Takjst rechtich to vestonen. Bie Bibeltakjste, dee üt dem Toophank jenomen woat, kaun dee Bediedunk velorengonen.

- Wie motten bie dee ütla junk dee Bibel beachten, daut dee en eene aundre Tiet, en in eene aundre jeajent en aundre Lied toopjestalt es.
- Biltliche Sproak mott aus sont, erkjant enn aunjediet woaren.
- Bie dee Erkjlearunk von eenen schwuaren Varsch es et behelplich, wiedre paussende Bibelsteden notoschlönen. Uk Hauntbieekja ooda een Lekjsikoon, en auntuaten to dee Bibel, kjenne seea behelplich sennen.

C. Bibelvarsch ütwendich lieren

Spricha 7,2-3

**Doo waut ekj die jesajcht hab, dan wuasch dü Lewen.
Bewoa miene Lia soo aus den Kjikja em Uag. Binj
die dee aum Finja en hool dee em Hoat, aus wan dee
doljeschrewen sent!**

Gott mucht, daut wie sien Wuat kjanen. Wan wie Bibelvarsch ütwendich lieren, kjenn wie to aulatiet doaewa nodenkjen en dee en jieda Omstaunt aunwande. En schwuare Tieden woat daut enjepreajde Wuat Gottes ons een Trost sennen. Dee Bibelvarsch wuaren ons uk halpen, wan wie aundre daut Evangelium wiedasajen.



© Image Source - istockphoto.com

„Daut es schwua to erkjlearen.
Oba en mie es waut Nieet enstonen ,
daut wuare eewje Lewen.“

Bekjierunk

En dee aunftang von een Nieet Lewen

Herbert Henggi erlewd eene Bekjierunk en Wadajeburt, woadersch sien Lewen gaunz Bütajeweenlich veendat wort. Indem foljende berecht schrift hee von siene Erfoarunk:

Ekj wia junk en haud kjeene Tiet to velieren. Foaken wia ekj ewamote beschaffticht. Miene ütbuildunk haud sullt meea wieet sennen. Oba fa mie wia dee eene nebensach. Waut mie werkjlich beschaftecht, wieren miene Hobbys tiet vewielen.

Aus Dea wajchta von een Jeschaft, musst ekj hoat oabeiden om nich aus een Ersatsdeenst rütjesat to wuaren. Ekj haud een grooten Ewanemungsjeist. En dee Sommapaus speld ekj met groote Bejeistrunk Footbaul. Ekj muss kuasch en sportlich bliewen. Oppgrunt miene Gowen wort ekj tem Veteidjungsspela. Oba befredicht wia ekj nich!

Ekj bejeef mie en eene dredde gaunz enscheidende en bestemmde Liedenschoft, dee Musik. Aus Jetuaspela sad ekj aules enn. Wie jeneeten daut em dachet Licht to spelen en bewundat to wuaren, besondasch von dee Frües.

Ekj wist nich, woo ekj met aul dee termiene trajchtkomen sull. Oba no aul mien Erfolg funk ekj mie en eene deepe Sennloosichkeit wada. Ekj feeld mie eensam en ladich. Ekj wia veenjst en onruich.

In dise tiet wort ekj opp aundre Wieed, oppmoakjsom jemoakt. Toieescht derch miene Hüsweietsche. See bewees sikj aus eene bewuste Christin en oabeid moodich en eene Jemeent met. Jo, ekj kaun disen Jesus, von dem see emma red gootheten. Oba ekj hab nusch met am to doonen. Dan dreiden miene jedanken emma foakna om dee Froag, no dem senn vom Lewen, en waut dee Doot bediet.

Een Dach haud miene Hüsweietsche Jast von eenem jungen Christ. Wiels ekj nich aule Dach to errieekjen wia, wia dis Maun daut doch werkjlich goodjenuach, mie medden enne Nacht opptowakjen. Hee sad sikj aun mien Bad, en funk aun met mie ewa Jesus en mien Lewen to reden.

Hee behaupt, en Jesus Christus dem senn von Lewen jefungen te han. Jesus haft sien Lewen gaunz veendat. En dan erkjlead hee mie, daut miene Schuld mie von Gott trand. Ekj bruckt Vejewunk von miene Sinde en dee Jewessheit, en dee Radunk derch Jesus.

Ekj ewaled: Pausende Jettabilda hab ekj jo jenuch. Oba dee Sechaheit en Frieheit en dise Maunschoft, kjand ekj nich. Hee saut ver mie en behaupt, hee wist dee Auntwuat fa miene Froag. Jesus Christus. Ekj twieweld. Sull ekj am rütschmieten, ooda siene Wieed aunnemen?

Aus Sportla en Musika wia ekj daut jewant, jefoaren entogonen. To velieren es dua nuscht, büta mien ütseenen. En soo wia ekj reed, daut met disen Jesus to vesieekjen. Wie spruaken jemeesom een Jebed, daut ojjefta soo aus dit wia.

„Harr Jesus, ekj muak die dee Dea op to mien Lewen. Vejeff mie miene Sinden, miene Ongloowen, miene gaunze Schuld. Ekj nem die nü aus mien Rada en Harr opp. Ewanemm dü dee Harrschoff en mien Lewen. Veenda mie soo, aus dü mie haben west. Ekj dank die, daut dü uk fa miene Schuld aum Kjriez jestorwen best. Dankscheen daut dü mie nü vejeft hast, en en mien Lewen jekomen best. Amen.“

Dit eenfache Jebed erhieed Gott. Daut es schwierig to erkjlearen. Oba en mie es waut gaunz Nieet passieet, daut wuare, eewje Lewen. Ekj wort een Nieea Mensch. Derch dit Jebed trock Jesus en mien Lewen nenn. En dise Nacht wort mie daut toom ieeschtemol kloa, daut Jesus mie iernst nemt. Ekj erkjand, daut Gott een Plon fa mien Lewen haud. Nü sie ekj nich meea zielloss en onruich. Ekj hab den senn von mien Lewen jefungen. Ver aulem oba weet ekj, daut Gott mie miene Schuld vejeft haft.

In dee Bibel steit (1. Johanes 1,9) *Wan wie oba onse Sinden bekjanen, dan es hee trü en jerajcht, en vejeft ons dee Sinden en reinicht ons von aule*

Ojjerachtichkjeit. In Johanes 1,12 Steit.

Oba aul dee, dee am (Jesus) oppneemen, en aun sienen Nomen jleewen, jeef hee dee Macht, Gott sien Kjinja to woaren.

Vele meenen, daut es eene jefoa, Jesus oppnemen. Ekj kaun sajen, daut es dee wichtichste Entscheidunk en mien Lewen jewast:

Disen berecht hab ekj jeschrewen, wiels ekj weet daut jie dee selwje Erfuarunk met Jesus Christus moaken kjennen, wan jie jünt am aunvetrüen. En daut wensch ekj jünt!

Dis Berecht von Herbert Henggi, es aus Vedeelschreft *rütjeft* (Best.-Nr. 2-0) em Missionswoakj Broodahaunt.

I. Wea es een Christ ?

Opp dee Froag „Wea es een Christ? “ woaren unjascheedliche Auntwuaten jejeft.

► **Froag 1:** Kjriez opp dee foljende List aun, woone ütsaj dü fa rechtich heltst.

Een Christ es, wea ...

- ☐ en een Christlichet Launt left.
- ☐ aus Kjint jedeept worden es .
- ☐ een ordenlichen Lewenswaundel fiet.
- ☐ to eene Christliche Kjuakj jehiet.
- ☐ eene Enscheidunk fa Jesus jetroffen haft.
- ☐ pinklich en dee Bibel lest.
- ☐ Chrislich ertroken es.
- ☐ siene Relijion iernst nemmt.

Om dee rajchte Bediedunk fa daut Wuat „Christ“ to finjen, besee wie dee Bibelstede, wua daut Wuat tem ieeschten Mol vea kjemt.

Aposteljeschicht 11,26

Dee Jinja worden daut ieeschte en Antiochia Christen jenant.

► **Froag 2:** Woonen Nomen wort fa dee Christen in Antiochia aunfenklich jebrukt (*Aposteljeschicht 11,26*)?

► **Froag 3:** Wuaderch worden dee Jleewende en Antiochia Christen jenant (*Aposteljeschicht 11,21*)?

Üt dem berecht ewa dee ieeschte Christen in Antiochia see wie, daut deejanje dee een Christ es, dee tem Gloowen aun Jesus jekomen es. Hee haft sikj bekjeet en folcht Jesus no.

Waut sent, Nomes Christen?

Daut jeft Menschen, dee sikj Christen nanen, wan dee ok kjeene perseenliche jemeenschoft to Jesus haben. Jesus haft bloos daut enhoolen von reajlen, en relijeese haunlungen, schoap kjritisieet.

Markus 7,6-7

Hee sed to an: Jie Heichla! Dee Profeet Jesaja haft von jünt gaunz rajcht verüt jesajcht, soo aus jeschrewen steit: Dit Volkj iet mie met dee Leppen, sajcht Gott; oba em Hoat sent see wiet auf von mie.⁷ See deenen mie vejefs, wiels see lieren sest nuscht aus Menschen Veaschreften"


- **Froag 4.** En waut fa stekje, veendat eene niee oppschreft, den enhault von eene Doos? Wuaweajen kaun dee betieekjnunk Christ, daut Hoat von een Mensch veendren?

II. Waut bediet, Bekjierunk?

Aposteljeschicht 26,17-18 Ekj well die von dien Volkj uk von dee Nichjüden bewuaren, wua ekj die hanschekjen woa, 18 an dee Uagen optomoaken, daut see sikj vom diestren tom Licht en üt Soton sien Jewault no Gott dreien, en Vejewunk fa eare Sinden kjrieen, daut see met dee toop oawen, dee derch den Gloowen aun mie, Jehelicht sent!

A. Dee Wuatbediedunk

Dee Bekjierunk es eene bütajeweenliche, eenmolje Omkjierunk von Menschen to Gott derch Jeus Christus aus Auntwuat opp sienen Roop.




Bekjierunk es dee eensja Wajch, Vejewunk von dee Sinde to kjriejen, en von dem jerecht Gottes wajchtekomen.

1. Tessalonicha 1,9 Aulaweajen sajen see ons, waut fa goodet daut jedonen haft, daut wie bie jünt wieren. See vetalen ons woo jie jünt to Gott bekjieet haben, en jüne Jetta veloten haben, en woo jie nü dem woaren en Lewenjen Gott deenen..

- **Froag 5:** Woone faulsche veastalunge hant vele Menschen, wan see daut Wuat „Bekjierunk“ hieren?

B. Bekjierunk es dee Menschliche Sied fa dee Radunk

Gaunz enlich, soo aus een Jeldstekj twee Sieden haft, haft dee Radunk twee Sieden: eene menschliche en eene Jettliche.



1. Dee Menschliche Sied

Dee Bekjierunk: Es daut, waut een Mensch doonen mott, om jerat to wuaren: Hee mott dee Enscheidunk traffen, daut hee to Gott omkjieren en met Jesus lewen well. Dee Bekjierunk es doatoo, dee Menschliche sied dee Radunk (*Aposteljeschicht 14,15*).

2. Dee Jettliche Sied

Dee Wadajeburt: Es daut, waut Gott deit. Hee schenkjt dee Menschen direkjt opp siene Bekjierunk han, een nieet eewjet Lewen derch dee Wadajeburt. Duamet es dee Wadajeburt dee Jettliche Sied dee Radunk: (*Johanes 3,3*).

Bekjierunk dee menschliche Sied	Wadajeburt dee jettliche Sied
dee Oppgow von dee Menschen dee mensch mott sikj bekjieren	dee Oppgow Gottes Gott schenkjt een nieet Lewen

► **Froag 6:** Folcht opp eene ajchte Bekjierunk emma dee Wadajeburt (*Johanes 1,12; 1. Johanes 5,1*)?

C. Wichtje Bibelsteden

Em **Oolen Tastament** (OT) kjemt daut Wuat „omkjieren/bekjieren“ ca. 1.050 Mol vea. Daut woat auljemeen em Senn von *omkjieren* ooda *triggjonen jebrukt*.

Em Senn von „Trigjkomen to dem lewenjen Gott“ woat dit Wuat em OT ca. 120-mol jebrukt. Eenje wichtje Bibelsteden üt dem OT sent:

1. Samuel 7,3

En Samuel sed to dee Israeliten: Wan jie met jün gaunzet Hoat trigj no dem Harrn komen wellen, dan riemt opp met dee framde Jetta dee jie haben, en sat jün gaunzet vetrüen opp dem Harrn en deent bloos am. Dan woat hee jünt üt dee Filista eare Macht raden.!

Jesaja 59,20

Hesekiel 18,23

Hesekiel 33,11

Uk em **Nieen Tastamen** (NT) woren dee griechische Wied fa „bekjieren“ aun eenje Steden em auljemeenen Senn von „trigjkomen, (opp eenem Wajch)“ jebrukt. Oba von onjefa 70 aundre steden worden see em senn von Omkjieren to dem Lewenjen Gott jebrukt.

Daut jeft em griechischen Grunttakjst em Nieen Tastament **twoe Wieda** fa daut dietsche Wuat „Bekjierunk“:

„**epistrophä/epistrépho**“ = Bekjierunk, Omkjiea Trigjkomen Omwenjen.

Aposteljeschicht 11,21

En den Harrn siene kjaftje Haunt wia met an, en een groot deel Menschen jleewden en Bekjieden sikj toom Harrn.

Aposteljeschicht 26,20

En predijd daut ieeschte to dee en Damaskus en dan en Jerusalem en in gaunz Judea en uk to dee Nichjüden daut see endren sullen en sikj to Gott oppmoaken, en daut dan met eare Woakjen bewiesen

Mateus 18,3; Lukas 1,16; 22,32; Aposteljeschicht 3,19; 11,21; 14,15; 26,18; 1. Tessalonicha 1,9; 1. Petrus 2,25

„**metánoia**“ = Bekjierunk, Omkjia, Omdenkjen, Sennesenderunk, Busse

Mateus 4,17

Von dee Tiet aun funk Jesus aun to predjen en to sajen: Kjieet om, wiels daut Himmelrikk es dich bie !

Mateus 11,20; Markus 1,15; Lukas 5,32; 13,3; 15,7; 24,47; Aposteljeschicht 2,38; 11,18; 17,30; 2. Petrus 3,9

► **Froag 7:** Dee ütdruck „**Leetsennen, Bekjanen, Jesus oppnemen, jleewen**“ hant vel metenaunda to doone.
Waut bedieden dee? Wua es dee Unjascheed?

III. Wuarom Bekjieren?

A. Wiels Gott daut jebeeden deit

Gott sitt woo dee Menschen earen ieejnen Wajch gonen, en nich no am froagen. Hee mucht, daut see earen senn endren en to am omkjieren (*vjl. Mateus 4,17*)

Aposteljeschicht 3,19 Dan schlot nü en jünt en moakt jünt opp, daut jünt dee Sinden vejett woaren, soo daut vom Harrn eene fresche Belewungstiet ewa jünt komen kaun

► **Froag 8:** Waut wuaren Menschen erfoaren, dee den wellen Gottes folgen (*Johanes 7,16-17*)?

B. Wiels wie Sinda sent

Dee Biebel lieet, daut jieda Mensch een Sinda es. Jieda von ons haft sikj jeajen Gott jelent, en siene Jebooten ewatreden.

Reema 3,22 b-23 Dua es kjeen Unjascheet: Aulemaun haft jesindicht en kjemt doarenn too kort, waut hee bie Gott sennen saul.

Psalms 51,7 Dee Sind wia en mie aus ekj em Muttalief aansad, en wia en mie aus ekj jebuaren wia.

► **Froag 9:** Waut es Sind (*Jesaja 53,6; 1. Johanes 3,4; vjl. 1. Korinta 6,9-10*)?

► **Froag 10:** Waut bewirkjt dee Sind en onse Jemeenschoft to Gott (*Jesaja 59,1-2*)?

► **Froagt 11:** Waut wacht opp dee Menschen, dee one Jesus stoawen (*Hebrea 9,27; Reema 6,23; vjl. Openboarunk 21,8*)?

C. Wiels Jesus dee eensja Rada es

Johanes 14,6

Jesus sed to am: Ekj sie dee Wajch, dee Woarheit, en daut Lewen, kjeena kjemt nom Voda büta derch mie!

Es Jesus dee eensja Rada, den daut jeft? Jo, wiels kjeena, büta hee es one Sind. Jieda, dee Sindicht, brukt eenen Rada, en es duahea nich emstaun, aundre to Raden. Wan ekj selfst ok so huage schuld hab, daut ekj dee nich tregitolen kaun, kaun ekj onmeajlich fa dee Schuld eene aundre Persoon jlik stonen.

Jesus auleen wiaa one Sind. Hee sindicht kjeen eenzjet mol, en brukt von doahea kjeenen, dee fa siene Schuld oppkjemt. Siene Sindlosichkjeit es em staun, onse Sind stalvetredent opp sikj to nemen.

2. Korinta 5,21


Jesus wiaa nich bloos **emstaun**, onse Schuld opp sikj to nemen, oba hee wiaa uk duato **reed**, en storf fa onse Sinde aum Kjriez opp Golgata. Doawejen jeef daut kjeen aundra Rada aus am (*Aposteljeschicht 4,12*).

► **Froag 12:** Es daut mejlich, derch eenen aunstenjen Lewenswaundel derch goode Wuakjen ooda derch Fromheit, Fred met Gott to finjen (*Efeesa 2,8-9; Reema 4,4-5*)?

D. Wiels wie jerat woaren motten

Mensche, dee one Jesus lewen, befinjen sikj opp dem Wajch, dee en dee Vedaumnis fiet. See brucken dee Radunk derch Jesus Christus.

No *Mateus 7,13-14* kaun dee gaunze Menschheit en twee Gruppen jedeelt wuaren (besea dit Bilt unjen: Den breeden en den schmaulen Wajch).



► **Froag 13:** Les *Mateus 7,13-14* en beantwuat dee dree foljende Froagen:

- Wuahan fieet dee breeda Wajch?
- Wuahan fieet dee Schmaula Wajch?
- Waut mott en Mensch doonen, om von dem breeden Wajch opp den schmaulen Wajch to wakjslen (*vjl. Johanes 10,9*)?


Om vom breeden opp den schmaulen Wajch to wakjslen, mott een Mensch no Jesus komen. *Hee brinjt am em jebed en vejeft am siene Sinde, en nemt Jesus aus Harr en sien Lewen opp (= Bekjierunk).* Gott schenkjt am duarophan een **nieet Lewen** (= *Wadajeburt*). Hee es to een Kjint Gottes geworden en befinjt sik nü opp den Schmaulen Wajch, dee nom Himmel fieet.

Opp woonen Wajch befinjt dü die?

Daut jeft bloos twee Mejlichkeiten:

entweda	ooda	Bibelsteden
– open breeden Wajch	– open schmaulen Wajch	<i>Mateus 7,13-14</i>
– veloaren	– jerat	<i>Johanes 3,13</i>
– eewje Vedaumnis	– eewjet Lewen	<i>2. Tessonicha 1,9</i>
– Lewen en dee Distanis	– Lewen em Licht	<i>Aposteljeschicht 26,18</i>

IV. Woo Passieet dee Bekjierunk?



A. Erkjan en Bekjan diene Sinde

Doamet jeemaunt om Vejewunk siene Sinde bedden kaun, mott hee ieescht erkjant han, daut hee ver Gott Schuldich jeworden es. Wan hee dan met siene Schuld no Jesus kjemt, nemt hee am dee jieren auf.

Lukas 18,13

Oba dee Takskollakjta stunt wieda auf en wull nich eemol nom Himmel kjikjen, oba schluach sikj opp dee Brost en sed: Gott, hab Metleet met mie Sinda!

Lukas 15,21

1. Johanes 1,9

B. Nemm Jesus Christus en dien Lewen opp en Jleew aun am.

Om eene ajchte Bekjierunk to erlewen, mott wie **Jesus en ons Lewen oppnemen**. Duato bedd wie am, en ons Lewen to komen, en dee fierunk en ons Lewen to ewanemen en ons **Harr** to wuaren.

Johanes 1,12

Oba aul dee, dee am oppneemen, en aun sienen Nomen jleewen, jeef hee dee Macht Gott siene Kjina to woarn.

Openbuarunk 3,20

Om jerat towuaren, mott wie bütadem dee Veheetunge üt dem Wuat Gottes em **Gloowen** enaunspruch nemen, en ons **Vetrüen** gaunz opp Jesus Christus saten. Ajchta Gloowen bediet nich „Jefeelsmesjet Hopen“ ooda eene Tautsach bloos fa woa to hoolen, oba bloos „**vetrüen**“.

Johanes 1,12

Oba aul dee, dee am oppneemen, en aun sienen Nomen jleewen, jeef hee dee Macht: Gott siene Kjina to woaren.

Johanes 3,16

Gott siene Leew fa dise Welt es soo groot, daut hee sienen eensjen Sehn jeef, daut aul dee, dee aun am jleewen, nich veloaren gonon, oba daut eewje Lewen haben.

Johanes 3,36

Hebrea 11,6

Johanes 5,13

C. Dankscheen fa dee Radunk

Dee Radunk es een Grootet Jeschenkj, en brinjt groote Freid. Doawea-
jen sull wie ons Dank, Jesus jeajenewa emawada toom Ütdruck brinjen.

1. Petrus 1,3

Loft Gott, onsen Harrn Jesus Christus sien Voda,
wiels sien Metlieden wia soo groot, daut hee ons
niejebuaren haft to eene lewendje Hopninj, doa-
derch daut hee Jesus Christus vom Doot oppwuak.

Efeesa 5,20

En dankt en aules emma Gott, den Voda, fa aules en
Jesus Christus onsen Harrn sienen Nomen

Psalm 103,1-3

Lukas 17,15-16

D: Praktische Schred

Reema 10,13

Wiels „weaemma den Harrnen sien Nomen
aunroopt, woat seelich woaren“.

Wea sikj Bekjieren well, mott sikj aun Jesus Christus wanden.
Jesus es dee Wajch no Gott dem Voda. Hee haft vesproaken, onse
Jebeda to erhieren (*Johanes 14,13-14*).

Saj am, ...

- ... daut dü nü no am komen west.
- ... daut dü erkjant hast, daut hee dee eenzja Wajch nom Voda es.
- .. daut dü bat nü one am jeleft hast.
- ... daut dü ver Gott schuldich jeworden best.
- ... daut die diene Sinden leet doone.
- ... daut dü Jesus nü en dien Lewen oppnemen west.
- ... daut dü dem Diewel aufsajchs en am nich meea deene west.
- ...daut dü aun Jesus Christus jleews.
- ... daut dü am jehieren en am folgen west.
- ... daut dü dankbua best fa diene Radunk.

Wan een Mensch toom Gloowen aun Jesus jekomen es, doaft hee
dee Jewessheit han, een Gotteskjint to senne.

► **Froag 14:** Opp waut es dee Jewessheit von onse Radunk jejrint
(*Mateus 24,35*)?

Bekjierunk

Een Christ es, wea...


- ☐ en een Christlichet Laund left.
- ☐ aus Kjint jedeept worden es.
- ☐ een jescheiden Lewenswaukel fieet
- ☐ to eene Christliche Kjuakj jehieet.
- ☐ eene Entscheidunk to Jesus jetroffe haft.
- ☐ reajmessich enne Bibel lest.
- ☐ Christlich ertrocken worden es.
- ☐ siene Relijion iernst nemt.

- Woon Nomen wort fa dee Christen en Antiochia aunkenklich jebuckt (*Aposteljeschicht 11,26*)?
- Wuadurch worden dee Jleewende en Antiochia to Christen (*Aposteljeschicht 11,21*)?

Bekjierunk

Waut bediet "Bekjierunk"?

1. **Wajchdreien von dee Sinde**
Aposteljeschicht 26,17-18
2. **Handreien no Gott**
1. *Tessalonicha 1,9*
3. **Dee menschliche Sied dee Radunk**
Aposteljeschicht 14,15




Wuarom Bekjierunk?

1. **Wiels Gott daut aundeent**
Aposteleschichte 3,19
2. **Wiels wie Sinda sennt** *Johanes 14,6*
3. **Wiels Jesus dee eenzja Rada es**
2 Korinta 5,21
4. **Wiels wie jerat wuaren motten**
Mateus 7,13-14

Dee Breeda en dee Schmaula Wajch

- Wua fieet dee breeda Wajch han?
Wua fieet dee Schmaula Wajch han?
- Es daut meajlich, derch eenen aunstendjen Lewenswaukel, derch goode Wuakjen ooda derch Fromheit Fred met Gott to finjen (*Reema 4,4-5; Efeesa 2,8-9*)?
- Waut mott een Mensch doone, om von dem breeden Wajch opp den schmaulen Wajch to wakjslen (*vjl. Johanes 10,9*)?

Woo passieet dee Bekjierunk?



Deep denkjende Froagen

1. Schriew üdwendich opp: *Aposteljeschicht 3,19*
2. Wuaderch worden dee Christen in Antiochia to Christen?
3. Waut bediet daut Wuat „Bekjierunk“?
4. Nan dree Bibelsteden, en dee daut Wuat „Bekjierunk“ veakjemt.
5. Wuarom es dee Bekjierunk soo drinjend needich?
6. In woone twee Gruppen kaun dee gaunze Menschheit enjedeelt wuaren?
7. Waut bewirkt dee Sind en onse Jemeeschoft to Gott?
8. Wea es en dee Loag, ons von dee Sind en von dee eewje Vedaumnis Frie to muaken? Jeff diene Auntwuat met eene Bibelsted!
9. Jeemaund meent, wan wie eenen aunstendjen Lewenswaundel fieren, mott Gott aul met ons tofred senne. Waut wurscht dü am fa eene auntwuat jewen?
10. Wo passieet dee Bekjierunk werkjlich?



© Constantini - stockphoto.com

**Bie dee Wadajeburt wua wie derch den Heiljen
Jeist en dee Famielje Gottes nenjeburen.**

Wadajeburt

En dee Aunfank von een Nieet Lewen

Jieda Mensch haft een Jeburtsdach, den Dach, aun dem hee derch siene Mutta in dise Welt nenjeburen wort. Met dee Jeburt funk ons Mensch sennen aun.

Dee Bibel ret duavon, daut een Mensch een tweedet Mol jebuaren wuaren kaun. Bie disen Veagonen es dee Aulmajchtja Gott, sien Voda en derch den Heiljen Jeist woat hee in dee jettliche Famielje nenjeburen. Daut es dee Wadajeburt. Leni Furrer belewd aun den 29. Aprel eare perseenliche Bekjierunk en Wadajeburt. See berecht duavon.

Een pua Duag verhea wia ekj en eene Evangelisazion jewast, dua ekj mie gaunz perseenlich fa Jesus enscheiden mott. Toieescht jleewd ekj daut nich. Ekj? Ekj, dee ekj von Christliche Elren ertrucken worden wia en ekj jetauft en aunerkjant wia en wist, waut sikj jehieed? Aus Kjint haud ekj woll danenwan eene Sensucht no Gott. Oba dan wort ekj ela, wia jlekjlich en haud Befredjunk en miene velsiedje Beschäftjunk en eene Autofuaschool.

Oba nü word mie daut dietlich jesajcht: „*Leni, dü motst die bekjieren, sest jeist dü veloren!*“ No aunfenklichem Stutzen, meist oajalich, wull ekj daut doch doonen. Oba woo? Ekj wull nich fromm wuaren. Ekj wia doch junk en wull doch Lewen! Dan kaum een veea Duagscha jewaultja Kaumpf. Ekj kaum mie vea, soo aus tweschen twee Schtrenj, von dee jieda mie wull opp siene Sied trafen. Oba dan bruak ekj toop ver Gott.

Unja vel Tronen jeef ekj jieda Wadastaunt jeajen Gott opp. Ekj brocht am miene gaunze Schult. Am led ekj mien gaunzet Lewen, mien gaunza Unjahault en aules, waut ekj leewd. Dan sed ekj: „*Harr Jesus, hia sie ekj! Nemm mie aun! Moak dü met mie, waut dü west!*“ Dan passieed platzlich waut Ewarauschendet. Mien Hoat erfeld sikj met Fred, Freid en eene groote Dankbuakjeit. Platzlich wist ekj: Gott haft mie aunjenomen! Aulet Tranendet tweschen Gott en mie es wajch! Ekj jehia am! Jesus es nü mien gaunz Perseelicha Heilant. Staunent feeld ekj dise Leew en tojlikj eene Lindrunk, so aus wan mie wea eene schwuare Laust von miene Schulren jenomen haud.

Dise Stund wia dee Aunfank von een nieet Lewen. Dee Aunfank to vele niee Erfoarungen met Gott. Nü es Jesus mien perseenliche Frint Liera en Fieera, met dem ekj ewa aules Reden kaun.

Met Grooten hunga funk ekj aun dee Bibel to lesen, en jinkj en eene Jemeent bie, waut uk Wadajebuarne Christen wieren. Uk spead ekj eene niee Leew en Veantwuatunk fa miene Metmensen. Von don sie ekj jlekjlich, en to dee groote Schoa Menschen to jehieren, dee witt en schaftich en bezeicht, daut et sikj loont, met Jesus to Lewen.

Nü vesto jie, wuaron ekj tweemol Jeburtsdach fieren kaun: Aum 8ten Jaunewua, wiels ekj een Menschenkjint wort, en aum 29. Aprel wiels ekj een Gotteskjint woaren durf"

Dee Takjst wort dee Vedeelschreft No. 6 von Leni Furrer, „2 x jeburen“, rütjeft, Missioonswuakj Broodahaunt rütjnomen.

► **Froag 1: Woo hast dü diene perseenliche Wadajeburt beleft?**

I. Waut bediet „Wadajeburt“?

1. Petrus 1,3

Loft Gott, onsen Harrn Jesus Christus, sien Voda, wiels sien Metlieden wia soo groot, daut hee ons niejebuar-en haft to eene lewendje Hopninj, doaderch daut hee Jesus Christus vom Doot oppwuak.

► **Froag 2:** Woone Missvestendnisse kjenne enstonen, wan wie daut Wuat „*Wadajeburt*“ em Jesprech brucken?

A. Dee Wuatbedidunk

Met daut Wuat „*Wadajeburt*“ ooda, *wadajebuaren woaren*“ betieekjent daut Niese Tastament daut Veagonen, derch den Gott dee Menschen em jeistlichen senn lewendich en to een Kjint Gottes moakt. Dee Wadajeburt es daut Haundlen Gottes aun een Mensch, dee sikj to am bekjeet.

► **Froag 3:** Woo erkjleat Jesus dem Farisea Nikodemus dee Needichkjeit von dee Wadajeburt? Waut vestunt Nikodemus toieescht faulsch (*Johanes 3,1-7*)?

Wichtje Bibelsteden

Johanes 1,12-13

Oba aul dee, dee am oppneemen, en aun sienen Nomen jleewen, jeef hee dee Macht, Gott siene Kjinja to woaren.¹³ Dee sent nich derch Bloot, uk nich derch fleescheljet velangen, uk nich derch irjent eenem Maun sienen Wellen jebuaren, ne, dee sent von Gott jebuaren.

Johanes 3,1-7; Titus 3,5; 1. Petrus 1,3.23; 1. Johanes 2,29; 3,9; 4,7; 5,1.4.18; Jakobus 1,18

Daut jeft em griechischen grunttakjst em Nieen Tastament miere Wieeda, dee von dee Wadajeburt reden :

- *anagennán:* wadajbueren , nieejebuaren (1. Petrus 1,3.23)
- *gennásthai ánothen:* von bowen ooda von nieen jeburen woaren (Joh. 3,3-7)
- *palingenesía:* Wadajeburt (Titus 3,5)

B. Daut jeschenkj von een nieet Lewen

Dee Wadajeburt kjenn wie nich auleen bewirkjen. Wie kjennen dee nich ütoabeiden en uk nich vedeenen. Dee es daut Jeschenkj von een nieet Lewen von Gott.

- Derch dee Wadajeburt woa wie Kjinja Gottes (*Johanes 1,12-13*). Wie woaren en dee Famielje Gottes nenjebuaren en jrieen Aundeel aun dee jettliche Natua

2. Petrus 1,4

En derch deeseljwe Krauft haft hee ons aul dee aundre rikje, wundavolle Seajnungen vesproaken, derch dee wie von daut vekomne Lewen kjennen looskomen, wuaraun wie derch dee Liedenschoften en dise Welt jebungen sent en aun Gott siene Natua Aundeel haben kunnen.

- Aus Kjinja Gottes sent wie uk **oawen** Gottes (*Galata 4,7*).
- Aules waut een Mensch to doonen haft es, met sien oolet sinjet Lewen no Jesus to komen en sikj am volstendich aunvetrüen (*Efeesa 2,8-9*).

Bekjierunk	Wadajeburt
Dee Mensch mott sikj Bekjieren	Gott schenktj dee Wadajeburt
= dee menschliche Sied dee Radunk	= dee jettliche Sied dee Radunk

► **Froag 4:** Woo vehelt sikj jeemaunt, dee een Jeschenkj jekjreaen haft, dem jewa jeajenewa (*1. Petrus 1,3*)?

II. Wuarom Wadajeburt?

A. Om en daut Rikj Gottes to komen

Johanes 3,5

Jesus sed: Ekj saj die dee Wuarheit: Wea nich derch Wota en Jeist jebuaren wuat, kaun nich en daut Gottesrikj nenn komen!

Daut es nich meajlich, en daut Rikj Gottes to komen, one Wadajeburen to sennen (*Johanes 3,3*).

- Derch dee Natieedliche jeburt word wie Birja fa dise Welt.
- Derch dee Wadajeburt word wie Birja fa den Himmel.

► **Froag 5:** Wea kaun nich en daut Rikj Gottes nenn

(*1. Korinta 6,9-10*)?

Woo woat daut niee Lewen en *Varsch 11* beschrewen?

B. Om een nieet Lewen von Gott to kjrieen.

2. Korinta 5,17

Doaweajen, wan wea en Christus es, dan es hee een niea Mensch. Daut waut hee verhea wia, es nich meea: hee es nü waut nieet jewuarden !

Jeemaund, dee onen Jesus Christus left, es Doot en siene Sinde. Hee folcht den beesen Liedenschoften en VesiEEKjungen siene sindje Natua, en es dem Oaja Gottes ütjeleewat (*Efeesa 2,1-3*). Onen eene Wadajeburt jehiet dee nich toom Volkj Gottes en left onen Hoppninj en onen Gott en dise Welt (*Efeesa 2,12*).

► **Froag 6:** Waut haft Gott ons jeschonken? Woo wuat daut niee Lewen beschrewen, waut wie derch Jesus haben (*Efeesa 2,4-6*)?

C. Om to Famielje Gottes to jehieren

Galata 4,6-7

En wiels jie nü Gott siene Sehns sent, haft hee ons sienen Sehn sien Jeist en daut Hoat jejeft, dee am aunropt Voda, leewa Voda. Doaweajen sent jie nich meea Sklowen, oba Sehns, en wan een Sehn, dan uk een Oaw, wiels Gott jünt doatoo jemoakt haft.

Derch dee Wadajeburt wua wie to Kjinja Gottes (*Johanes 1,12-13*).

Duahea sent wie ...

- Jlieda siene Famielje (*Hebrea 2,11*).
- een Deel „sien Kjarpa“, dee Jemeent (*1. Korinta 12,27*).
- Metbirja dee Heilje en Gottes Famielje (*Efeesa 2,19*).
- een kjennichlichet Priestatum en een heiljet Volkj (*1. Petrus 2,9*).

► **Froag 7:** Waut bediet daut fa ons gaunz en werkjlichkheit, Jlieda aum Kjarpa Christi to senne (*1. Korinta 12,26*)?

III. Woo passieet dee Wadajeburt?

A. Gott roopt to Omkja

Üt Leew haft Gott sienen Sehn en dise Welt jeschekjt en well nü, daut aula toom Gloowen aun am komen (*1. Timoteus 2,4*). Wiels Gott jieda Mensch Leeft, roopt hee jiedren to dee omkja.

Johanes 6,44

Kjeena kaun no mie komen, wan dee Voda,
dee mie jeschekjt haft, am nich trakjen deit.
En ekj woa am aumlatsten Dach oppwakjen

Gott brukt jeweenlich sien Wuat ooda Menschen, om Veloarne to Omkja to Roopen. Maunchet mol benuzt Gott duato uk Schreften, TV ooda Radio Programme, besondasch Omstenden esw.

2. Korinta 5,20

Doaweajen sent wie nü Christus, siene Vetreda fa dise
Bootschaft, soo aus wan Gott selfst jünt derch ons
aunreden wudd. Soo pracha wie jünt en Cristus
siene Sted: Lot jünt met Gott veseenen!

► **Froag 8:** Woo haft Gott dee Menschen en Jerusalem toom Omkjieren jeroopt (*Aposteljeschicht 2,38-40*)?

B. Wie motten ons bekjieren

Aposteljeschicht 2,41

En dee sien Wuat met Freiden aunneemen, leeten
sikj deepen, en aun den Dach wieren doa 3.000 Seelen
toopjekomen

Nodem daut Gott eenem jeroopt haft, mott deejanja opp sienen Ropp auntwuaten. Daut bediet: Hee mott sikj bekjieren.
(*Aposteljeschicht 26,17-18*).

Dee Bekjierunk kaun uk met aundre Wieed beschrewen wuaren, toom biespel „Jesus oppnemen“ ooda „toom gloowen aun Jesus komen“.

- **Froag 9:** Woone Entscheidunk habe vele en Antiochia jetrofen, aus see dee goode Norecht von Jesus hieden (*Aposteljeschicht 11,20-21*)?

C. Gott schenkjt dee Wadajeburt

Dee Wadajeburt es eene friewelje Entscheidunk von dee Menschen. Wan wea Jesus Oppnemt, schenkjt Gott am een nieet Lewen derch dee Wadajeburt. Dise Wadajeburt passieet

1. Derch den Wellen Gottes

Johanes 1,13 **Dee sent nich derch Bloot, uk nich derch Fleescheljet verlangen, uk nich derch irjent eenem Maun sienen Wellen jebuaren, ne dee sent von Gott jebuaren.**

Gott haft ons een nieet Lewen jejeft, wiels hee daut ütdrekjlich so wull. (*Jakobus 1,18*).

2. Derch den Heiljen Jeist

Johanes 3,5-6 **Jesus sed: Ekj saj die dee Woarheit: Wea nich derch Wuta en Jeist jebuaren woat, kaun nich en daut Gottesrikkj nenn komen. Waut vom Fleesch jebuaren woat, es Fleesch, en waut vom Jeist jebuaren woat, es Jeist.**

Dee Heilja Jeist es aun onse Wadajeburt bedeelicht. One den kaun kjeen Mensch Wadajeburen wuaren.

3. Derch daut Wuat Gottes

1. Petrus 1,23 **Daut niee Lewen daut jie nü haben, hab jie nich von jüne Elren jekjreajen, daut Lewen daut dee jünt jeewen, daut vejeit. Ditt niee Lewen woat ewich bliewen, wiels daut kjemt von Christus, derch Gott sien ewich lewendjet Wuat.**

Daut Wuat Gottes es emma jeltich en werkjlich tooveloten. Gott benuzt daut aus Meddel, om dee Wadajeburt en ons veatobrinjen.

- **Froag 10:** Wuarom kjenn wie secha senne, daut wie een nieet Lewen kjriejen, wan wie Jesus oppnemen (*Johanes 17,17*)?

IV. Daut Niece Lewen

Opp den Tietpunkt von dee Wadajeburt haft fa ons een nieet Lewen aunjefunken. Maunche veendanise sent fuaz to spearen, en to seenen, aundre sent ieescht eenje tiet lota dietlich ewadel.

A. Een Velange no Gottes Wuat

1. Petrus 2,2

Soo aus niejeburne Kjinja no reine Malkj schriejen, sell jie een velangen no Jeisliche Noarunk haben, daut jie duaderch waussen en toonemen.

Dee Bibel, daut Wuat Gottes, es dee Nuarunk fa ons Jeistlichet Lewen. Wie sullen duahea stendich een ennalichet Velangen no daut Wuat Gottes haben.

► **Froag 11:** Woon „Broot“, daut jieda von ons brukt, es fa vele Menschen onbekaunt. (Mateus 4,4)?

B. Een Velangen, jeracht to lewen

1. Johanes 2,29 Wan jie weeten, daut Gott jeracht es, weet jie uk, daut wea daut rachjte deit, dee es von Gott jebuieren en es sien Kjint

Wiels Gott jeracht es, sull wie uk jeracht lewen. Daut sull dee Wunsch von een jieda Christ sennen, een jerachtet Lewen to fieren.

► **Froag 12:** Wuahea kjrie wie dee Krauft, om den siech ewa aules to jewennen, waut sikj en dise Welt jeajen Gott stalt (1. Johanes 5,4)?

C. Eene Leew fa aundre Menschen

1. Johanes 4,7

Leewe Frind, well wie ons unjarenaunda goot sennen wiels Leew staumt von Gott. Wea dua Leew haft, es von Gott jebuieren en kjant Gott.

Dee Leew es daut wichtichste Kjantieekjen von een Christ. Wiels Gott Leew es, sull wie ons uk unjarenaunda goot sennen (1. Johanes 5,1).

► **Froag 13:** Woone Jemeenschoft jeft daut no dem 1. Johanes 5,1 onse Leew to Gott en onse Leew toom Neakjsten?

Wadajeburt

Waut bediet „Wadajeburt“?

Dee Wuatbediedunk

Johanes 3,1-7

Met dem Wuat „Wadajeburt“ betiekjent daut Nee Tastament, den Biblischen Wajch derch den Gott eenen Menschen em Jeislichen senn een Lewenjet Kjint Gottes moakt

- Woone Missvestentnise kjenne oppkomen, wan wie daut Wuat „Wadajeburt“ em Jesprech bruken?

Daut Jeschenkj een nieet Lewen

Johanes 1,12-13

- Woo vehelt sikj jeemaunt dee een jeschenkj jekjreaen haft, den jewa jejenewa. (1. Petrus 1,3)?
- Wuarom kjenn wie secha sennen, daut wie een Nieet Lewen kjrieen, wan wie Jesus oppnemen. (Johanes 17,17)?

Wuarom Wadajeburt?

Om en daut Rikj Gottes to komen

Johanes 3,5

Om een nieet Lewen von Gott to kjrieen

2. Korinta 5,17

Om enne Famielje Gottes to jehieren

Efeesa 2,19

Woo Passieet dee „Wadajeburt“?

A. Gott roppt to Omkjia

Johanes 6,44

B. Wie motten ons bekjieren

Aposteljeschicht 2,41

C. Gott schenktj dee Wadajeburt

1. Derch den Wellen Gottes
Johanes 1,13
2. Derch den Heiljen Jeist *Johanes 3,5-6*
3. Derch daut Wuat Gottes
1. Petrus 1,23

Daut Nee Lewen

A. Een Velangen no Gottes Wuat

1. Petrus 2,2

B. Een Velangen, jerajcht to Lewen

1. Johanes 2,29

- Wuahea kjrie wie dee Krauft,

om den Siech ewa aules to jewennen, waut en disa Welt jeajen Gott es (1. Johanes 5,4)?

C. Eene Leew fa aundre Menschen

1. Johanes 4,7

- Waut haft sikj derch dee Wadajeburt en mien Lewen veendat?

Deep Denkjende Froagen

1. Schriew ütwendich opp: *Johanes 3,3*
2. Waut bediet „Wadajeburt“?
3. Aun waut unjascheet sikj dee Wadajeburt von dee Bekjierunk?
4. Nan dree wichtje Bibelsteden, dee sikj von dee Wadajeburt haundlen!
5. Wuarom es dee Wadajeburt so drinjent needich?
6. Aunjenomen jeemaunt meent, om jerat to wuaren, es daut nich needich, Wadajebuieren to sennen. Waut wurscht dü am auntuaten?
7. Waut mott een Mensch doonen, om Wadajebuieren to wuaren?
8. Wuaderch bewirkt Gott dee Wadajeburt?
9. Waut passieet en ons, wan wie Wadajebuieren woaren?
10. Met woone Veendrunge en mien Lewen doaf ekj reakjnen, nodem ekj Christ jeworden sie?



Photo by Efe Kumazon on Unsplash

Heilsjewessheit kaun bloos dee janja
haben, dee eene Bekjierunk en
Wadajeburt beleft haft.

Heilsjewessheit

Daut jeft nuscht Scheenret, aus met Jesus Christus to Lewen. Wie kjenne oba ieescht dan een froet en friet Gloowenslewen fieren, wan wie weeten, daut ons veheltnis met Gott en Ordning es. Soolang wie bloos hopen, een Kjint Gottes to sennen, wua wie dee Angst, Sorjen en Onsechaheit, nich loos.

„Dit hab ekj jünt jeschrewen, dee jie jleewen aun den Nomen vom Sehn Gottes, duamet jie weeten, daut jie eewjet Lewen haben, en daut jie uk wiedahans aun den Nomen vom Sehn Gottes jleewen „ 1 Johanes 5, 13.“

I. Waut bediet „Heilsjewessheit“?

A. Dee Wuatbediedung

Met daut Wuat „**Heil**“ es dee Erleesunk jemeent, dee Jesus derch sien Lewen sien Doot en sien Oppstonen ons mejlich jemoakt haft. Wea dise Erleesung aunemt, es jerrat.

Dee „**Heilsjewessheit**“ es eene fauste ennaliche Hopninj en Jewessheit, een Kjint Gottes to senne, Vejewunk dee Sinde to haben en eenmol bie Jesus en dee eewje Harrlichkeit to senne.

► **Froag 1:** Aunjenome jeemaunt sajcht: „*Ekj hool daut fa eene Enbildnis to sajen, daut wie Heilsjewessheit haben kjennen.*“ Waut wurscht dü am auntuaten?

B. Wichtje Bibelsteden

Ok wan dee Bibel daut Wuat „Heisjewessheit“ nich brukt, ret dee oba doch opp vele steden von dee jewessheit, dee wie aus Christen haben sellen

Johanes 3,36

Wea aun den Sehn jleeft, haft daut eewje Lewen. En wea dem Sehn nich jehorcht, woat daut Lewen nich seenen, oba blift unja Gott sienen Oaja.

Reema 8,16

Dee Jeist selfst jeft onsen Jeist daut Zeichnis,
daut wie Gott siene Kjinja sent.

Reema 8,38-39

1. Johanes 5,11-13

- **Froag 2:** Met Woone Jewessheit en Ewazeijunk lewd dee Apostel Paulus (2. Timoteus 1,12)?

C. Dee Bediedunk dee Heilsjewessheit fa dee Tokunft

Daut Heil, daut Jesus ons jebrocht haft, haft nich bloos eene Bediedunk fa dee Jeajenwuatlische Tiet, oba uk fa dee Tookunft.

Daut Heil	
Dee Jeajenwuat Bediedunk: Daut Heil, daut ekj reed hab	Dee Tookjinfjtje Bediedunk: Daut Heil, daut ekj eenst haben wua
Johanes 3,36: Wea aun den Sehn jleeft, dee haft eewjet Lewen. En wea dem Sehn nich jehorcht, dee woat daut Lewen nich seenen, oba blift unja Gott sienen Oaja. 1. Johanes 3,14: Wie weeten, daut wie vom Doot toom Lewen jekomen sent, wiels wie Leew fa dee Breeda haben. Wea den neakjsten nich waut reakjnen kaun, es noch Doot. 1. Johanes 5,13: Dit schriew ekj jünt, dee jie aun Gott sienen Sehn jleewen, daut jie weiten, daut jie daut eewje Lewen haben	Johanes 3,36 : Wea aun den Sehn jleeft, dee haft eewjet Lewen. En wea den Sehn nich jehorcht, dee woat daut Lewen nich seenen, oba blift unja Gott sienen Oaja. Reema 8,23-24: [...] En nich bloos dee Kjreatua, oba wie selfst, dee Gott aul sienen Jeist jeschonken haft, luaren duano, daut Gott ons aus siene Sehns oppnemen en von onsen vejenkjlichen Kjarpa friemoken saul. 24 En Hopninj word wie jerat. Oba eene Hopninj dee eena seenen kaun, es kjeene Hopninj. Wuarom sull eena opp waut hopen, daut eena sitt?

- **Froag 3:** Met wautvone Veendrunge derw wie reakjnen, wan wie eenst bie Jesus sent, en daut Heil en sienen gaunzen Rikjtm erleben waren (Openboarunk 21,3-4)?

Nochhab wie daut Heil nich en sienen gaunzen Rikjtum erfuaren. Noch erlew wie Aunfajchtunge von Sinden, en kjampfen met dee Schwakheiten en ons Kjarpa. Oba, wan wie bie Jesus em Himmel sent, wua wie uk duavon frie sennen.

II Wea kaun Heilsjewessheit haben?


Heilsjewessheit kaun bloos deejanja haben, dee eene ajchte Bekjierunk en eene Wadajeburt erleft haft. Jeemaunt, dee wadajeburen es, haft daut Heil (dee Radunk) von Gott jeschonken jekjreaen.

Dee Bibel deelt dee gaunze Menschheit en twee Gruppen en. Om Heilsjewessheit haben to kjennen, mott wie weeten, to woone Grupp wie jehieren.

Kolossa 1,13

Hee haft ons üt dee Jewault vonne diestre Macht rüt jerat, en haft ons nenn jesat en daut Rikj von sienen Sehn Jesus Christus.

Twoe unjascheetliche Gruppen von Menschen:



► **Froag 4:** Woo wuaren dise twee Gruppen en *Aposteljeschicht* (26,18 betieekjent?)

Dise twee Kullasch stalen daut Rikj von dee Diestanis, en daut Rikj vom Licht dua. Een Christ wuat derch Jesus üt dem Rikj von dee Diestanis, en daut Rikj vom Licht nenvesat, wua Jesus harscht.

Stal die dee Froag:

„To woone Grupp jehia ekj? Woon Kulla stalt mien Lewen dua?“

	Entweda	Ooda
<i>Johanes 3,16</i>	Best dü veloaren?	Best dü jerat?
<i>Mateus 7,13-14</i>	Best dü oop dem breeden Wajch?	Best dü oop dem schmaulen Wajch?
<i>Aposteljeschicht 26,18</i>	Lefst dü en dee Diestanis?	Lefst dü em Rikj vom Licht?
Auntwuat:	eewich Veluaren	eewjet Lewen

Wan dee rajchta Kulla (daut Rikj vom Licht) dien Lewen doastalt, duaftst dü jewess sennen, daut dü een Kjint Gottes best en daut eewje Lewen hast!

III. Bestedjunk fa dee Heilsjewessheit

Wan jeemaunt Jesus Christus aus sienen perseenlichen Rada aunnemt, wat hee jerat en een Christ, en haft een nieet Lewen. Jeft daut eene Bestedjunk fa dee Radunk?

Dee Werkjlichkjeit von dee Radunk wat en ons Hoat bestedicht derch ...

A. Den Gloowen

Daut Vetrüen opp Gott en siene Toosaj es ombedinjt needich, om Heilsjewessheit to haben. Gott haft bloos aun dee Menschen een Jefaulen, dee am faust vetrüen (*Hebrea 11,6*).

Hebrea 11,1

Dee Gloowen es dee Jewessheit, daut wie daut kjriien woaren, opp waut wie hopen, en es een nich twiewlen aun daut, waut wie nich seenen.

► **Froag 5:** Woo lang wacht Gott no ons Gloowen (*Galata 2,20*)?

B. Daut Wat Gottes

Daut Wat Gottes es werkjlich dee Wuarheit. Dee Schriewasch von dee Bibel worden von Gottes Jeist jeleit (2. *Petrus 1,21*). Duaweajen sell wie daut Wat vetrüen soo aus een Steen, dee nich ducket.

1. Petrus 1,23

Daut niee Lewen daut jie nü haben, hab jie nich von jüne Elren jekjreajen, daut Lewen daut dee jünt jeewen, daut vejeit. Dit niee Lewen woat eewich bliewen, wiels daut kjemt von Christus, derch Gott sien eewich lewenjet wat.

► **Froag 6:** Woon Bibelvarsch es fa die eene Ermootjunk, om duaropp dee Jewessheit diene Radunk den fundament to büen?

C. Dee Heilja Jeist

Dee Heilja Jeist schenkt ons dee ennaliche Jewessheit een Kjint Gottes to sennen. Duabie haundelt sikj daut om eenen deepen, ennalichen Fred, en eene Freid duarewa, jerat to senne.

Reema 8,16

Efeesa 1,13

*Dee Jeist selfst jeft onsen Jeist daut Zeichnis,
daut wie Gott siene Kjinja sent.*

Froag 7: Waut von meddel brukt dee Heilja Jeist, om ons to dee Heilsjewessheit to fieren (*Efeesa 6,17*)?

IV. Daut Wuat Gottes – Dee Grundloag fa onse Heilsjewessheit

Wuahea kjenn wie weeten, daut wie jerat sent en eewjet Lewen haben? Dee woarhaaftje Gruntloag fa onse Heilsjewessheit es daut Wuat Gottes.

Mateus 24,35

*Himmel en Ieed wuaren vegonen, oba miene
Wieed wuaren nich vegonen.*

Wie derwe onse Heilsjewessheit nich opp eene faulsche Grundluag büen. Duato jehiet, t.B. besondere Erfuarunk ooda Jefeale. Wan sikj jeemaunt opp siene Jefeale velat, wuat siene Heilsjewessheit schwind em twiewel brinjen

► **Froag 8:** Wuarom derw wie onse Heilsjewessheit nich opp een aundren Fundament aus dee Bibel jrinden (*Efeesa 4,14*)?

Dee foljende Tautsachen bestedjen dee Bediedunk vom Wuat Gottes:

- Daut Wuat Gottes haft Krauft, ons von dee Sinde to ewafieeren.
Aposteljeschicht 2,37
- Daut Wuat Gottes haft Krauft, dee Wadajeburt en ons vea tobringen.
1. Petrus 1,23
- Daut Wuat Gottes haft dee Krauft, en ons den Gloowen to wirkjen.
Reema 10,17
- Daut Wuat Gottes schenkt ons Freid.
Psalm 119,162
- Daut Wuat Gottes haft Krauft, ons Lewen to veendren.
Johanes 17,17

Beacht dee wundabuare Toosaj üt daut Wuat Gottes ewa daut eewje Lewen, dee Vejewunk von dee Sinde fa dee Gotteskjintschoft!

A. Eewjet Lewen

Johanes 3,16

Gott siene Leew fa diese Welt es soo groot, daut hee sienen eensjen Sehn jeef, daut aul dee, dee aun am jleewen, nich veloaren gonen, oba daut eewje Lewen haben.

Johanes 3,36

B. Vejewunk dee Sinde

Mateus 26,28

Wiels ditt es mien Bloot en den nieen Bunt, daut fa vele vegoten woat, daut an kjennen de Sinden vejeft woaren.

Kolossa 2,13-14

C. Gotteskjintschoft

Johanes 1,12

Oba aul dee, dee am oppneemen, en aun sienen Nomen jleewen, jeef hee dee Macht, Gott siene Kjinja to woaren.

► **Froag 9:** Waut waut ons en *Galata 4,6-7*
ewa den vearacht jesajcht, den wie en Jesus Christus haben?

V. Waut sent dee Unjascheede von dee Heilsjewessheit?

Oppgrunt onse Bekjierunk en Wadajeburt haft sikj velet en ons Lewen veendat.

A. Eene niee Jemeenschoft to Gott

Aus Nichtchristen haud wie kjeene Jemeenschoft met Gott. Oba Jesus haft fa ons den Wajch to Gott en daut „*Heilichtum*“ ooda. „*Aulaheilichste*“ frie jemoakt. Jesus haft ons den Wajch frie jemoakt, dee no Gott fieet. Dee „*Gardien*“, dee ons vom „*Aulaheilichsten*“ jetrant haud, wort vereten (vgl. *Markus 15,38*).

Hebrea 10,19-20

Doaweajen, leewe Breeda, wie haben nü derch daut Bloot von Jesus dee frieheit jekjreajen, derch den Veahank en daut Aulaheilichste nenn to gonen. Jesus selft haft ons derch daut Opfa von sien Kjarpa disen nieen Wajch no Gott han opjemoakt.

- **Froag 10:** Met woone bennaschte Enstalunk sell wie no Gott komen (*Hebrea 10,22*)?

Een Mensch, dee Jesus Christus leeft, wuat nich von dee Sind beharrscht. (*Reema 6,12*). Daut bediet oba nich, daut een Christ kjeenmol wada sindicht.

- **Froag 11:** Waut passieet, wan een Christ en Sind fellet? Woo kjricht hee wada Vejewunk von dee Sind (*1. Johanes 1,9*)?

B. Eene niee Jemeenschoft to dee Jemeent

Onse Leew to aundre Christen es meajlich, wiels wie Gottes Leew selfst erfoaren haben. Wie sent derch Jesus met aundre Jeschwista em Gloowen vebungen.

1. Johanes 3,14

Wie weeten, daut wie vom Doot toom Lewen jekomen sent, wiels wie Leew fa dee Breeda haben. Wea den neakjsten nich waut reakjnen kaun, es noch doot.

- **Froag 12:** Wuarom es dee Leew to dee Jleewende unjarenaunda so wichtich (*Johanes 13,34-35*)?

C. Eene niee Jemeeschoft to dee Welt

Dee Leew, dee Gott en ons nenjelacht haft, talt fa aule Menschen. Wie sellen oba nich dee „Welt“, ooda nich Christliche Ordunk, en dise Welt leewen (*1. Johanes 2,15*).

Reema.5,5

Hopninj lat ons nich toschaund woaren, wiels ons derch den Heiljen Jeist, dee ons jejeft es, Gott siene Leew en onse Hoaten jegoten es.

- **Froag 13:** Waut haft sikj fa Petrus en Johanes en eare Jemeenschoft to dee Welt veendat (*Aposteljeschicht 4,20*)?

Heilsjewessheit

Bediedunk von dee Heilsjewessheit

Dee vondoagsche Bediedunk

Dee „Heilsjewessheit“ es eene fauste enaliche Toovesecht en Jewessheit, een Kjint Gottes to sennen, Vejewunk dee Sinden to haben en eenmol bie Jesus en dee eewje Harlichkjet to sennen.

Johanes 3,36

Reema 8,16

Reema 8,38-39

Dee tookjinfte Bediedunk

Daut Heil, daut Jesus ons jebrocht haft, haft uk eene Bediedunk fa dee Tookunft.


Johanes 3,36

Reema 8,23-25

- Met woone Veendanise derw wie reakjnen, wan wie wuaren bie Jesus sennen, en daut Heil Ewajenuach belewen woaren (*Openboarunk 21,3-4*)?

Wea kaun Heilsjewessheit haben?

- En woone twee Gruppen kaun dee gaunze Menschheit enjedeelt woaren (*Kolossa 1,13; Aposteljeschicht 26,18*)?
- Opp woone Gruntloag jrind wie onse Heilsjewessheit (*Mateus 24,35*)?



Bestedjunk fa dee Heilsjewessheit

Dee Gloowen

Hebrea 11,1

Daut Wuat Gottes

1. Petrus 1,23

Dee Heilja Jeist

Reema 8,16

Wirkjunk von dee Heilsjewessheit

Eene niee Jemeeschoft to Gott

Hebrea 10,19-20

Eene niee Jemeeschoft to dee Jemeent

1. Johanes 3,14

Eene niee Jemeeschoft to dee Welt

Reema 5,5

Deep denkjende Froagen

1. Schriew ütwendich opp: *1. Johanen 5,12-13*
2. Waut bediet daut Wuat „*Heilsjewessheit*“?
3. Wea kaun Heilsjewessheit haben?
4. En woone twee Gruppen deelt dee Bibel dee gaunze Menschheit enn?
5. Nan dree Weaj, ooda Meddel, dee Gott bruckt, om een Mensch to dee Heilsjewessheit to fieren!
6. Aunjenomen, jeemaunt sajcht: *„Ekj hab aul eenje Jebetserhierunk beleft, doaweajen wua ekj wool en den Himmel komen.“* Waut wurscht dü duato auntwuaten?
7. Waut es dee rechtje Gruntloag fa eene ajchte Heilsjewessheit?
8. Nan eene Bibelsted, en dee ons eene Veheetunk fa daut eewje Lewen, en dee Vejewunk dee Sinde, ooda dee Gotteskjintschoft jejeft wuat!
9. Waut sent dee Folgen von dee Heilsjewessheit?
10. Waut haft sikj derch dee Heilsjewessheit en dien Lewen veendat?



Photo by Aaron Burden on Unsplash

**Daut Wuat Gottes es onse Jeistliche Noarunk.
Wie brucken daut fa eene jesunde Waustiet
em Gloowen.**

Stelle Tiet

Gottes Wuat Lesen En met Gott Reden

Aule Menschen, dee Gott en besondra Wies brucken kaun, sent Menschen, dee een opprechtjet en lewendje Jemeeschoft to Gott haben. Dee Stelle Tiet drachjt duato bie, onse Jemeeschoft met Gott deepa to moaken.

Met dem Ütdruck „Stelle Tiet“ meen wie eene faustjesade Tiet vom Dach, dee wie auleen met Gott vebrinjen. Daut es aulsoo eene Tiet toom Stell senne. Den Ütdruck „Stelle Tiet“ finj wie nich en dee Bibel. Wie haben oba vele Bibelsteden, dee ons opp dee Bediedunk vom WuatGottes en von Jebeda en ons Lewen hanwiesen.

„HARR, tiedich zemorjes wuasch dü miene Stemm hieren; doaweajen laj ekj die miene Sach vea, en reakjen met eene Auntwuat, wan dee Sonn oppjeit.“ – Psalm 5,4

I. Wuarom es dee Stelle Tiet soo Wichtich?

A. Dee es wichtich fa onse jeisliche waustiet

Fa een Bebe es daut wichtich, jesundet Eten to kjrieen. Daut saul wausen en sikj goot entwekjlen. Wan daut nich waust, kunn wie gooden Grunt haben besorcht to sennen.

► **Froag 1:** Wuano haft een niejeburnet Kjint een Velangen? Wuano sell wie een Velangen haben (1. Petrus 2,2)?

Gott well, daut wie em Gloowen wausen!

Efeesa 4,15

Wie motten en eenem leeftoljen Jeist dee Woarheit vebreeden. En wie motten en aules oppwaussen en Christus enlich woaren, dee ons Haupt es.

- **Froag 2:** Met woone Auntwuat derw wie reakjnen, wan wie en ons jeistlichet Lewen wausen (*Efeesa 4,14*)?

Jesus betieekjent siene Nofolja uk foaken aus siene „Jinja“ (*Lukas 6,17*). Daut Jriechische Wuat fa „Jinja“ bediet „Schiela“. Een Schiela ooda Lialinkj mott niee Dinja lieren ooda eewen. Wiels wie weajen onse Bekjierunk en Wadajeburt to Jinja Jesu jeworden sent, well wie krakjt soo von am lieren. Doatoo leist dee Stelle Tiet eene gaunz wichtjen Biedrach.

B. Dee es wichtich fa een jesundet jeislichet Lewen

Onse jeisliche Nuarunk, daut Wuat Gottes, bruck wie nich bloos fa onse jeistliche Waustiet, oba uk fa ons Deachlichet jeislichet Lewen. Daut toonemen aun jeistliche Nuarunk, passieet meist emma en dee Stelle Tiet.

Mateus 4,4

**Jesus oba auntwuat: Daut steit jeschrewen:
Dee Mensch left nich bloos von Broot, oba
von aule Wieed, dee Gott jeret haft!**

En ons **natieedeljet Lewen** jeft daut deachlich Jewanheiten. Ons bütret veabiltlichet aunseenen henjt wiet meea duavon auf, auswie jefleacht ooda vewoaloost sent.

Krakjt soo jeft daut fa ons **jeistlichet Lewen** deachliche jewanheiten. Uk fa onsen bennaschten Mensch brukt wie eene jesunde Fleaj. En doano es uk ons jeistlichet Lewen, jefleacht ooda vewoaloost.

- **Froag 3:** Waut passieet met ons, wan wie ons nich meea fleajen en jesunt ernearen? Waut passieet met een Christ, dee de reajelmesje jeistliche Noarunk tochtjeloten haft (*Hebrea 5,12-13*)?

C. Dee es en ütdruck fa onse Leew to Gott

Onse Jemeeschoft to Gott kaun aus eene entwekjelnde Leew betieekjent wuaren. Gott haft siene Leew to ons fein erkjleat en bewesen (*Johanes 3,16; 1. Johanes 4,19*).

Wie motten dise Leew erkjlearen en aun aundre wieda jewen.

Woo kaun daut passieeren?

- Wea siene Jemeeschoft to Gott deepa moaken mucht, mott sikj Tiet fa am nemen.

- Daut Jesprech es fa jieda Jemeenschoft needich. Daut jelt uk fa onse Jemeeschoft to Gott: „*Beden es Reden met Gott en opp am Horchen*“.
 - Daut es wichtich, dem Harrn dankent en lowent to sajen, daut wie am leewen.
 - Uk werend em Dach sull wie emma wada kort to Rü komen en met Gott reden.
 - Üt dem Wuat Gottes erfoa wie, waut Gott von ons well. Doarom sell wie ons Tiet nemen, om Gottes Wellen üt dee Bibel to erfoaren.
- **Froag 4:** Wuaraun wuat daut no *Johanes 14,15* dietlich, auf wie Gott werkjlich leewen (*vjl. 1. Johanes 5,3*)?

II. Waneea moak wie stelle Tiet?

A. Dee Probleme met dee stelle Tiet

Dee stelle Tiet brinkjt foaken **twoe Probleme** met sikj:

- Toieescht mucht daut ewahaupt schwua sennen, **Tiet** duafea to finjen. Doaweajen mott wie ons eenfach Tiet doafea nemen! Onse Lewensjewanheiten fieren ons duato, dee Stelle Tiet aum Enj vom Dach wajchtschüwen. Wie sullen duaweajen dee Stelle Tiet en onse Doagesoabeit faust nenplone.
- En onse orrüje Tiet es daut „**Stelle**“ opplatst een noch jeratret Problem aus dee Tiet. Wan wie hieren wellen, waut Gott ons sajen well, mott wie uk Stellwuaren.

Psalm 37,7

Sie ruich em Harrn en lua jeduldich no am!

Psalm 46,11

Siet stell en seet en, daut ekj Gott sie. Ekj wua manke Velkja jeieet woaren. Ekj woa oppe Ieed Aunerkanunk haben.

- **Froag 5:** Aun waut kaun daut ligjen, wan wie kjeene Tiet fa daut Bibel lesen en Beden finjen?
- **Froag 6:** Woone Vespreakjunge haft Gott dee janje jejeft, dee stell ver am sent, Rü holle, en am vetrüen (*Jesaja 30,15*)?

B. Dee stelle Tiet aum Zemorjes

Vele Christen haben faustjestalt, daut dee Stelle Tiet aum Zemorjes to Gott aum basten jeieejent es. Fa daut Jesprech met dem Kjennich von aule Kjennichs sull wie dee baste Tiet aum Dach haben.

Psalm 88,14

Ekj oba schrie om Help, oo Harr. Zemorjes kjemt mien Jebed ver die.

Psalm 119,147

Ekj sto noch bie Diesta opp en schrie no Help, wiels ekj velot mie opp dien Wuat.

Jesaja 50,4

Uk **Jesus** stunt tiedich Zemorjes opp, om Tiet met sien Voda em Himmel to vebrinjen.

Markus 1,35

En neakjsten Morjen tiedich bie diesta stunt Jesus opp, veleet daut Hüs en jinkj no eene eesome Sted toom beden.

Watchman Nee (1903-1972) wia een Chineesischa Predja, dee weajen sien Gloowen, 20 Joa em Jefenjniss wia. Hee led grooten Wieet oop eene Stelletiet aum Zemorjes. Hee betoond, daut wie jieda Dach tiedech üt ons Bad oppstonen motten. Dee Wieed von Miss Groves, dee hee em Jua 1921 hieed, wia fa am eene groote Bejeistrunk:

„Dee ieeschte en dee basta Bewies duavon es, woo vel leew ekj fa mien Harrn hab, es dee Wol tweschen mien Bad en dem Harrn. Wea daut Bad meea leeft, schlapt lenja; wea den Harrn meea leeft, wuat en bet tieja oppstonen.“

Toom aum Zemorjes fresch en ütjereift Stelle Tiet moaken to kjenen, es daut wichtich, zeowes tiedich schlupentogonen. Dee Stelle Tiet aum Zemorjes, sull aul aum Owend verhea jeplont sennen.

► **Froag 7:** Woone besondre Veadeele bitt dee Stelle Tiet aum Zemorjes?

► **Froag 8:** Woone Tiet aum Dach, es fa die aum basten fa dee Stelle Tiet to Gott jeieejent?

C. Wiedre Stelle Tiet

Aufjeseene von dee Stelle Tiet aum Zemorjes jeft daut aundre Tieden aum Dach, dee goot fa daut Stelle ver Gott jeieejent sent.

1. Stelle Tiet em Dach

Daniel 6,11

En Daniel sien Hüs wieren Bowastowen met Fenstren, dee no Jerusalem kjikjen. Dua jinkj hee emma dree mol den Dach sikj kjneenen, om Gott aunto-beden en to danken. Aus hee nü den Kjennich-lichen Befel hieed, jinkj hee duawejen krakjt soo biem opnen Fensta beden aus emma.

Den gaunzen Dach derch derw wie met Gott Jemeenschoft haben. Wie denkjen emma wada aun am, en beden stell en ons Hoat. Doarewa kjenn wie veleicht uk bieaun mol een Leed sinjen, ooda een Jebetsspaziagank moaken.

- **Froag 9:** En 1. Tessalonicha 5,17 (vgl. Efeesa 6,18; Kolossa 4,2) wua wie oppjefoddat, aunnoolent to beden. Woo kaun dise stendje Jebets oat praktisch ütseenen?

2. Dee Stella Owent

Psalms 63,7

Wan ekj to Bad go, denkj ekj an die, en wan ekj de Nacht waka legj, denkj ekj aun die.

Aum Owent kjenn wie opp dee Fierungen Gottes trigj kjikjen en am duafea danken. Wan wie ons met dem Wuat Gottes oba bloos aum Owent beschaftjen, kjikj wie opp eenen velewden Dach trigj, aun dem wie nusch meea endren kjennen.

Wie kjennen uk jeleajentlich een besondren Owent fa daut Stelle met dem Harrn enplonen, om besondre Wies Jemeenschoft met am to haben.

- **Froag 10:** Woo kaun een „Stella Owent“ jeplont wuaren?

3. Daut „Stelle vom Dach“

Daut es oba uk meajlich, dan en wan een „Stella Dach“ entorechten, om besondasch vel Tiet met Gott vebrinjen to kjennen. Doatoo sull wie dan eene Sted welen, aun dem wie Rü haben en onjestieet sent.

- **Froag 11:** Woo kaun een „Stella Dach“ jeplont wuaren?

III. Wua moak wie onse Stelle Tiet?

Daut es wichtig, wua wie fa dee Stelle Tiet ütwelen. Duamet Gott derch sien Wuat to ons reden kaun, sull wie een Plauz ütwelen, aun dem wie jenuach Rü haben, am gaunz toohorchen to kjennen.

Woone Stede sent fa dee Stelle Tiet jeieejent?

Mateus 6,6

Jesus sacht: Oba wan dü beden deist, dan go en diene Stow en moak dee Dea too en bed to dienen Voda em Jeheemen. En dien Voda, dee doa sitt waut em Jeheemen veajeit, woat die doafea loonen .

Daniel 6,11

Markus 1,35

Wie roden jünt – eenen rüjen Plauz, dee frie von Unjabreakjungen es.
– eene Sted, aun dem wie jeduldich sennen kjennen.

Wan dü kjeen soo een Plauz reed hast, vesekj die opp Gott en sien Wuat to horchen, en uk wan aundre Auflenkjungen om die rom sent.

► **Froag 12:** Woone Sted jleichst dü fa diene Stelle Tiet?

IV. Woo lang dieet dee Stelle Tiet?

Dise Froag kaun secha nich fa aulen Beauntwuat wuaren. Woo lang onse Stelle Tiet es, en woo veschiedne Omstenden, t.B. woo vel Tiet fa ons reed steit, en uk von onse Leew tom Harrn es.

Jeremia 15,16

Dü jeefst mie diene Wieed, en ekj eet dee opp; dien Wuat jeef mie Freid bat deep em Hoat. Ekj woart en dienen Nomen jeroopt, Harr, Gott, dee aules rejieet.

Daut es wichtig, daut wie daut Wuat Gottes aus onse jeistliche Noarunk aunseenen (1. Petrus 2,2). Daut halpt ons doabie, opp onse Froag no dee Stelle Tiet eene Auntwuat to finjen. Dee Israelite eare Noarunk met Manna en dee Wiltnes es een nitzeljet Bilt fa onse jeistliche Nuarunk (2. Mose 16,1-18).

► **Froag 13:** Woovel Manna saumelden dee Israeliten aum Dach (2.Mose 16,4.16)?

- **Froag 14:** Woovel aun natieedelje Nuarunk bruck wie auledach?
Woovel aun jeistlichet Eten bruck wie auledach?

V. Woo Jestault wie dee Stelle Tiet?

Daut jeft kjeen fausten Plon, no dem wie onse Stelle Tiet jestaulten sullen.
Dee foljende Punkte sullen oba aus Biespel deenen:

A. Beden

Psalm 119,18

**Moak mie dee Uagen op, daut ekj dee Wunda
en dien Jesaz seenen kaun!**

Daut es fein, dee Stelle Tiet met een Jebed aunfangen. Dankscheen Gott, daut dü nü no mie komen west. Bedd am uk duarom, daut hee derch den Bibeltakjst, den dü nü lesen west, to die ret. Bedenkj daut, dee Jeheemnise üt Gottes Wuat fa vele Menschen vedakjt sent (*1.Korinta 2,14; 2.Korinta 3,14*). Wie brucken den Heiljen Jeist, daut dee ons vestentlich moakt.

- **Froag 15:** Met woon Velangen fangst dü diene Stelle Tiet aun
(*vjl. 1. Samuel 3, 10*)?

B. Les

Aposteljeschicht 17,11 **Dee Menschen doa wieren aunstendja aus dee en
Tessalonich; dee neemen daut Wuat gaunz wellech
opp, en forschten aule Dach en dee Schreft, om to
seenen auf daut soo wia, aus see seden.**

Josua 1,8

Dan lest een bestemden Aufschnett üt dee Bibel. Wie sullen nich bloos ons Lieblingstakjste lesen, oba dee gaunze Bibel. Daut es rotsom, dee Bibel no een bestemden Plon, ooda einfach emma to lesen. Niebekjiede wudd wie veaschlönen, ieescht met daut Níee Tastament auntofangen. Daut es uk goot, eene Bibeawasatunk to brucken, dee vestendlich to lesen es.

- **Froag 16:** Woo welst dü den Bibeltakjst üt, den dü en dee Stelle Tiet lesen west?

C. Denkjen

Daut Wuat Gottes well wie nich schlupmetzich lesen, oba no den Schauz en dit Wuat growen en doano sieekjen aus no Selwa.

Spricha 2,1-5

Mien Kjint, nemm miene Lia aun, en hool miene Jebooten aus eenen Schauz en die. 2 Horch goot, no waut weis es, en bemieej die daut to vestonen. 3 Wan dü no Ensecht frajchst, en om Vestentnis betst, 4 wan dü doano sieekjst aus no Selwa, en doano romforschst aus no eenen vestoaknen Schauz, 5 dan woascht dü lieren dem Harrn to ferchten en woascht Gotteserkjantis finjen

► **Froag 17:** Wuato wua wie en *Spricha 2,1-5* oppjefoddat?

Met woone Erkjantnise derw wie reakjne?

Daut es behelplich, eenje Froagen aun den Bibeltakjst to rechten en een wichtja Jedanken en een Notietzbuak fausttohoolen. Duatoo kjenn wie foljende Froagen brucken:

- Jeft daut eene **Sind**, dee ekj auflajen saul?
- Jeft daut eene **Veheetunk**, dee ekj en Aunspruch nemen saul?
- Jeft daut een **Biespell**, dem ekj folgen saul?
- Jeft daut eene **Woarnunk**, dee ekj beachten saul?
- Jeft daut eene niee **Wuarheit ewa Gott**?
- Jeft daut waut, daut ekj **doone ooda en Ordnunk brinje** saul?

Aun dise Sted saul uk daut ütwendich lieren von Bibelvarsch toojerot woaren. Daut es goot, sikj emma wada een Bibelvarsch entoprejaen. Duatoo kaun jiedatsmol üt den jelesnen Takjst een Varsch ütjewelt wuaren (*vjl. 5. Mose 6,6-9*).

Psaln 119,11

Ekj hool dien Wuat em Hoat, daut ekj nich jeajen die sindje woa..

► **Froag 18:** Wuarom es daut sennvoll, no dem Bibellesen een Stoot... ewa den jelesenen aufschnett notodenken (*Psaln 1,1-3*)?

D. Beden

Daut Jesprech met Gott passieet aul, werend wie ewa daut Wuat Gottes nodenkjen. Wie lesen aulso bedent!

Wie kjennen onse Jebetstiet met dee Aunbedunk Gottes anfangen. Dan kjenn wie wiedagonen met dem Bekjantnis von Sinden, Dankscheen sajen, en fa aundre Menschen beden.

1. *Timoteus 2,1-2*

**Ieeschtens, rod ekj jünt nü, daut jie drinjent beden.
Bet uk fa aundre en dankt fa aule Menschen, fa dee
Kjennichs en aule dee huach aunjestalt sent,
daut wie en Gottesforcht en Opprechtichkeit rüich
lewen kjennen.**

Aus Hells fa daut Jebed es set rodsom, eene Jebetslist to fieren:

Dotem	Jebetsaunligjen	Auntwuat

- Droak en dee ieeschte Spault daut Dotem nenn, wan dü dise Jebetsaunligjen oppjenomen hast.
- Beschriew en dee tweede Spault daut Jebetsaunligjen kort.
- Droak en dee dredde Spault daut Dotem von dee Jebetserhierunk enn.
- Daut es uk meajlich, oppoat eene Spault fa Bemoakjunge entorechten (nich erhieede Jebeda t.b. Jebeda dee aundasch beantwuat sent).

Dü woascht daut ermootjent finjen, emma wada Jebetserhierungen oppschriewen to kjennen.

E. Haandel

Gott haft to ons en dee Stelle Tiet jeret. Daut saul een Unjascheet enn ons Lewen haben. Daut rieekjt nich, daut Wuat Gottes bloos to kjanen. Wie motten daut uk en Wuakjen omsaten (*Jakobus 1,22*).

Johanes 13,17

**Wan jie dit nü weeten, dan sent jie seelich,
wan jie daut uk doonen.**

- **Froag 19:** Met wem vejlikjt Jesus dee Menschen, dee sien Wuat nich bloos hieet, oba sikj uk duano rechten deit (*Lukas 6,49*)?

Dee Stelle Tiet

Wuarom es dee Stelle Tiet wichtich?

Fa onse jeistliche Waustiet

Efeesa 4,15

Fa een jesundet jeistlichet Lewen

Mateus 4,4

Een Ütdruck onse Leew to Gott

Johanes 14,15

Waneea moak wie Stelle Tiet?

A. Dee Probleme met dee Stelle Tiet Wan
wie hieren wellen, waut Gott ons sajen well,
bruk wie uk eene Stelle Tiet. *Psalm 37,7*

B. Dee Stelle Tiet aum Zemorjes

Psalm 88,14

Markus 1,35

C. Wiedre Stelle Tiede

Daniel 6,11

Psalm 63,7

- Woone besondre Veadeele bitt dee Stelle Tiet
aum Zemorjes (*vjl. Jesaja 50,4*)?

Wo moak wie Stelle Tiet?

Een Stella Plauz

Mateus 6,6 Markus 1,35

Wo Lang diiet dee Stelle Tiet?

Daut Wuat Gottes es onse Jeistliche
Nuarunk (*1. Petrus 2,2*).

Jeremia 15,16

- Woovel Manna saumelde dee
Israeliten auledach (*2. Mose 16,4.16*)?

A. Bed

Psalm 119,18

B. Les

Aposteljeschicht 17,11

Woo Jestault wie dee Stelle Tiet?

C. Denkj

Spricha 2,1

D. Bed

1. Timoteus 2,1-2

E. Haundel

Johanes 13,17

Deep denkjende Froagen

1. Schriew ütwendich oop: *Mateus 6,6*
2. Waut bediet „*Stelle Tiet*“?
3. Wurom es dee Stelle Tiet fa ons soo wichtich?
4. Woone Veheetunk haft Gott deejanje jejeft, dee stell ver am sent, Rü hoolen en am vetrüen (*Jesaja 30,15*)?
5. Wonne Stelle Tiet aum Dach es fa Gott besondasch goot jeieejent?
6. Woo lang saul dee Stelle Tiet dieren?
7. Woo kaun daut Probleem „*to weinich Tiet*“ jeleest woaren?
8. Woone Sted es fa dee Stelle Tiet besondasch jeieejent?
9. Aunjenomen jeemaunt sajcht: „*Ekj weet nich, woo ekj miene Stelle Tiet intresaunt jestaulte kaun*“. Waut wurscht dü am roden?
10. Met woone Erkjantnis derw wie reakjnen, wan wie eene jereajelde Stelle Tiet enhoolen?



Gott brukt dee Jemeend aus sien Speldinkj
fa dee Evangelisazion dee Welt.

Jemeent

Wan jeemaunt Christ woat, jewennt hee jeweenlich vel niee Frind. Opp dee aundre Sied es et uk meajlich, daut hee eenje von siene oole Frind velist.

Fa dee niee Jemeenschoft dee Christen brukt dee Bibel daut Wuat „Jemeent“ ooda „Vesaumlunk“. Daut jeit doabie em biblischen Senn, nich om dee polietische Lokal jemeent, oba om een besondret Volkj. Daut sent Menschen, dee Jesus Christus erleest haft en nü to am jehieren. Doarom heet daut en *Titus 2,14*:

[Jesus Christus], dee sikj selfst fa ons hanjejeft haft, om ons von aule Jesazlosichkjeit to erlesen en fa sikj selfst een Volkj toom besondren ieejantum to reinjen, daut iewrich es, en goode Woakjen to doonen.

I. Waut bediet „Jemeent“?

Daut Griechesche Wuat fa Jemeent heet „ekklesia“, en bediet „dee Rütjeroopne“.

Daut Wuat „ekklesia“ kjemt 114-mol em Nienen Tastament vea en woat foaken met „Jemeent“ ewasat. Daut wort ieeschtemma uk em auljemeen Senn fa Vesaumlungen en Predichdeenst jebrukt.

Mateus 16,18

En ekj saj die, dü best Petrus, en opp disen Steen woa ekj miene Jemeent büen, ewa dee de Doodesjewault niemols woat dee ewahaunt kjrieen.

Soo vestunden sikj uk dee ieeschte Christen aus dee „Rütjeroopte“.

► **Froag 1:** Von wem en wuato worden Jesu Jinja jeroopt (*Mateus 11,28*)?

- Em **Oolen Tastament** es met dee Jemeent, aun daut Volkj Israel jedocht (*t.B. 2. Mose 12,3; Psalm 74,2*).
- Em **Nienen Tastament** woat dit Wuat hauptsechlich fa dee Jemeenschoft dee Christen jebrukt.

Too Jemeenten Jesu jehieren bloos soone Menschen,
 – dee bekjieet (*Aposteljeschicht 26,18*),
 – wadajeburen (*1. Petrus 1,3*)
 en soo derch Jesus Christus jerat sent (*Aposteljeschicht 2,47*).

Wie kjennen bie dee Jemeenten unjascheeden tweschen
 – dee auljemeene Jemeenten en
 – dee Lokale Jemeent.

A. Dee Weltwiede Jemeent

Dee *weltwiede Jemeent* kaun uk aus dee „*Auljemeenejemeent*“ betieekjent woaren. Doatoo jehieren aule Jleewende aule Tieden. Dee Bibel ret aun eenje Steden von dee Jemeenten, waut aule Jleewende betrafft:

Kolossa 1,18

Dee Jemeent es sien Kjarpa, en hee es sien Kopp (daut Haupt). Von am kjemt daud Lewen, en hee es dee Ieeschtjebuarna von dee Doodes, daud hee en aules den ieeschten Plauz haft.

Efeesa 5,25

Mana, siet jüne Frües jrod soo goot, aus Christus siene Jemeent goot wia, en sikj selfst fa ar hanjeweende.

Jieda Wadajeburna jehiet weltwiet to dee Jemeent Jesu. Daut sull fa am uk selfstvestendlich senne, sikj eene lokale Jemeent auntoschlüten.

► **Froag 2:** Wuahea kjemt daud, daud Christen üt veschiedne Jemeenten en Lenda schwind eene woamhoatje Jemeenschoft oppbüen kjennen, selfst wan see sikj verhea noch nich kjanen (*Efeesa 2,19-20*)?

B. Dee Uatjemeent

Dee *Uatjemeent* kjenn wie uk aus dee „*Lokalejemeent*“ betieekjnen. Daut es dee organisieede Grupp von Jleewende aun eenem Uat.

1. Korinta 1,2

Aun Gott siene Jemeent en Korint, aun aul dee, dee derch Christus Jesus jehelicht en aunjestalt sent, Gott siene heilje to sennen. ...

2. Korinta 11,28

Un büta aul disem noch dee dachdeachelje Oabeitslaust en dee Sorj om dee Jemeent

Jieda Uatjemeent es Poat aun dee weltwiede Jemeenten Jesu. Dee es dee Plauz, wua dee Jleewende sikj toopfinjen, Jemeenschoft metenaunda

to haben, jemeensom en dee Bibel lesen en beden, sikj unjarenaunda Moot toospreaken en em Gloowen jestoakt wuaren.

► **Froag 3:** Waut betieekjent daut Lewen von dee ieeschte Christen en Jerusalem? Waut kjenn wie von ea Veabilt lieren (Aposteljeschicht 2,42-47)?

II. Sennbilda fa dee Jemeent

Dee Jemeent woat uk aus ne Head, aus Brüt en aus Kjarpa Christi soo aus en Hüs Gottes betieekjent. Dise Sennbilda erkjlearen ons dee Bediedunk von dee Jemeent.

A. Dee Head

En dee Bibel woat dee Jemeent Jesu met eene Head vejlikjt, dee Jesus derch sien ieejnet Bloot jekoft haft (*Aposteljeschicht 20,28*). Dee Leidasch von dee Jemeenten sorjen fa eare Headen, wuabie dee bowaschte Hoad von dee Jemeenten Jesus Christus selfst es (*Psalm 23; 1. Petrus 5,4*).

1. Petrus 5,2

**Sorcht fa Gott siene Head, ewa dee hee jünt
jesat haft, nich jedwungen, doot daut jieren,
nich üt Jewensucht, oba leefstolich aus een
Deenst fa den Harrn.**

► **Froag 4:** Waut deit Jesus, dee Hoad, fa siene Schop (*Johanes 10,15.28*)?

► **Froag 5:** Woo vehoolen sikj dee Schop Jesus, dem Hoad, jejenewa (*Johanes 10,4.27*)?

B. Dee Brüt

Openboarunk 19,7

**Dan well wie ons nü freien en froo sennen en am dee
Iea jewen, wiels fa daut Laum es dee Tiet jekomen Kjust
tomoaken, en siene Brüt haft sikj dootoo reedjemoakt.**

Daut Veheltnis von Christus too siene Jemeent, kaun met eene Leewveheltnis vejlikjt wuaren. Bie dee „Kjust von Laum (Jesus)“ finjt dee Ve-eenjunk von dee Jemeent (=Brüt) met Jesus Christus (=dem Briegaum) Staut (*1.Tessalonicha 4,17*). Dise Tiet, bat daut passieet deent to dee Veabereedunk fa dee Jemeenten.

► **Froag 6:** Waut haft Jesus, dee Briegaum, fa siene Brütjemeent jedonen (*Efeesa 5,25-27*)?

C. Dee Kjarpa

En 1. Korinta 12 woat deeKjarpa aus een Bilt jebrukt, om daut Veheltnis tweschen Christus en deeJemeentsoo aus dee eenselne Jemeentenjlida unjarenaunda doa to stalen.

Reema 12,5

Soo sent wie vele, een Kjarpa en Christus, en uk unjarenaunda sent wie Jleda aun eenen Kjarpa.

Doabie es

- dee **Jemeent** dee Kjarpa (1. Korinta 12,27).
- **Christus** daut Haupt vom Kjarpa (Efeesa 5,23; Kolossa 1,18).

Dee eenselne Jemeentenjlida haben unjascheetliche Gowen en Oppgowen:

1. Korinta 12,18

Oba nü haft Gott daut met dee Jleda aum Kjarpa soo toopjestalt aus hee daut fa goot befulgen haft.

Oba trotz eare Unjascheedlichkeit bilden see aula eene wundaboare Eenheit:

1. Korinta 12,13

Wie sent aula derch eenen Jeist en eenen Kjarpa nenn jedeept, auf Jüden ooda Jriechen, auf Sklowen ooda Frieen, en wie haben aula den selwen Jeist to drinkjen jekjreajen.

- **Froag 7:** Woo kjenne sikj dee eenselne Jlida in dee Jemeent daut vevolstendjen (1. Korinta 12,26-27)?

Daut Hüs Gottes

1. Timoteus. 3,15

... soo daut wan mie doa sull waut mank komen, daut dü dan weetst, waut dü en Gott sienen Hüshault to doonen hast. Daut es den lewendjen Gott siene Jemeent, wuaropp dee Woarheit steit en uk jestett woat.

En disem „Hüs“ es Jesus Christus dee „Akjsteen“ (Efeesa 2,19-22).

Wie sent dee „lewendje Steena“, dee opp disem Gruntsteen oppjebüt sent. Jieda Jliet enne Jemeent doaf sienen Plauz en disem „Hüs“ ütfellen.

- **Froag 8:** Waut woat duamet errieekjt, wan sikj dee Jleewende aus lewenje Steena en dit jeistliche Hüs oppnemen loten (1. Petrus 2,5)?

III. Dee Needichkheit von dee Jemeent

Jeemaunt sad eene Bie unja een Dinkjen vesorjd dee met Loft en Noaruk. Oba no twee Doag wia dee doot. Ar feld daut Volkj. Gaunz enlich soo aus dee Bie ea Volkj brukt, so brukt een Christ dee Jemeent.

A. Wie bruken dee Jemeent, om fa den Deenst reed to woaren

Efeesa 4,11-12

Siene Gowen wieren dise: Daut hee eenje aus Apostel, eenje aus Profeeten, eenje aus Evangelisten, eenje aus Hoad en eenje aus Lierasch aunstalen deed. 12 Dit deed hee om aul Gott siene Kjinja tom Christendeenst reedtomaken, wuaderch Christus sien Kjarpa (daut es dee Jemeent) jebüt woat.

Gott haft dee eenselne Jlieda en dee Jemeent veschiedne Gowen jejeft, om eenaunda to deenen. Derch disen Deenst sullen dee eenselne Jleewende erbüt woaren (*1. Korinta 14,26*).

► **Froag 9:** Woato deent daut reedmoaken von dee Jemeentenjlieda (*Efeesa 4,12-14*)?

B. Wie bruken dee Jemeent, om een jratret Zeichnis en dee Welt to haben

Gott brukt dee Jemeent aus sien Speldinkj fa dee Evangelisatstjoon en dee Welt (*Aposteljeschicht 13,1-5*). Doabie es dee Leew, dee Gott derch den Heiljen Jeist enn ons nenjelajcht haft, een jewaultjet Zeichnis fa Christus ver dee Welt (*Reema 5,5*).

► **Froag 10:** Woonen Enfluss haft ons Omgank aus Christen metenaunda opp onsen missionoarischen Deenst (*Johanes 13,35; vjl. Aposteljeschicht 2,47*)?

C. Wie bruken dee Jemeent, om eena fa den aundren doa senne to kjennen

Wie jehieren toop en bruken ons unjarnaunda, wiels wie Jlieda to een Kjarpa sent.

Reema 12,5

Soo sent wie vele, een Kjarpa en Christus, en uk unjarenaunda sent wie Jleda aun eenen Kjarpa.

► **Froag 11:** Woato sull wie ons jeajensiedich ermootjen en soogoa aunspornen (*Hebrea 10,24-25*)?

- **Froag 12:** Wuatoo ermooticht Barnabas dee Jleewende en Antiochia (*Aposteljeschicht 11,23*)?

Daut griechische Wuat fa Jemeenschoft heet „*koinonia*“ en bediet „*jemeensom deelen*“. En dee Jemeent kjenn wie onse Noot, oba uk onse Freid metenaunda deelen.

D. Wua finj wie Jemeenschoft?

Dee paussensda Trafpunkt fa dee Christen es dee Gottesdeenst enn dee Jemeent. Aul en dee tiedje Christenheit trofen sikj dee Jemeenten aum ieeschten Dach dee Weakj (= *Sendach*) toom Gottes deenst, wiels Jesus aum ieeschten Dach von dee Weakj von de Dooje oppjestonen es.

Aposteljeschicht 20, 7


Aus dee Jinja den ieeschten Dach en dee Weakj toopkjeemen, daut Broot to breakjen, en wiels Paulus den neakjsten Dach reakjend wieda to reisen red hee bat meden en dee Nacht.

- **Froag 13:** Woone Hauptsach jehiet to daut Toopkomen von dee Jemeent (*Aposteljeschicht 2,42, 14,27; Kolossa 3,16*)?

IV. Dee oppdrach von dee Jemeent

Ons Oppdrach aus Jemeent es een dreefachet. Daut recht sikj

- no bowen: Gott veharliche.
- no bennen: dee Jemeent büen.
- no büten: dee Welt evangelisieren.



A. Gott veharrlichen

Derch dee gaunze Bibel derch finj wie Aunwiesunge to dee Veharrlichunk Gottes.

1. Chronik 16,28-29

Moakt jünt opp nom Harrn, jie Velkja! Bewiest dem Harrn, daut jie am ieren, en unjaordnet jünt siene Macht! 29 Brinjt dem Harrn dee Iea, waut sienen Nomen tragt, brinjt am jüne Opfagowen! Doot jünt ver am han schmieten, wan hee sikj en siene Heil-ichkjeit openboat!

Efeesa 3,21

► **Froag 14:** Met woone bennaschte Jesennunk sull wie Gott aunbeden (Johanes 4,24; Reema 15,5-6)?

B. Dee Jemeent büen

1. Petrus 2,5

En lot von jünt, soo aus von lewenje Steena, een jeislichen Tempel jebüt woaren, daut jie een heiljet Priestatum woaren, derch Jesus Christus jeislische opfa to brinjen, aun dee Gott een Jefaulen haft

Enn dee Jemeent, daut jeistliche Hüs, es Jesus Christus dee Akjsteen (Efeesa 2,19-22), daut Fondament (1. Korinta 3,11), oba uk dee Bümeista (Mateus 16,18). Doarewa haft Jesus vel Metoabeida, dee aun disen Bü bedeelicht sent (1. Korinta 3,9).

► **Froag 15:** Waut kjenn wie doato biedroagen, doamet jieda en dee Jemeent een jeistlichet Tüs finjt (Reema 15,7; Galata 6,2)?

C. Dee Welt Evangelisieren

Dee Evangelisazion von dee Welt es dee jazta Optrach, den Jesus siene Jinja fa dise Tiet jejeft haft.

Mateus 28,18-20

En Jesus sed to an: Mie es aule jewault jejeft em Himmel uk oppe leed. 19 Dan got nü no dee Velkja von dee Welt en moakt an to Lieelinja en deept an en den Nomen von dem Voda, von dem Sehn en von dem Heiljen Jeist. 20 Lieet an aules to doonen, waut ekj jünt befolen hab. En velot jünt doaroop, ekj sie emma bie jünt, batem Enj von dee Welt.

► **Froag 16:** En waut besteit daut groote, ooda een Hoatlichetvelangen von Apostel Paulus (Aposteljeschicht 20,24)? Waut kjenn wie duato biedroagen, om den Evangelisazions-opptrach to erfellen?

V. Veautwuatliche fa dee Jemeent

En dee Jemeent- dem Kjarpa Christi- haft jieda Jemeentenjliet sien Plauz en siene Oppgowen. Aundeejanjen, dee Leitungsoppgowen ewanemen, waren besondasch bedinjunge jestalt.

A. Jesus Christus es daut Haupt von dee Jemeent

Dee Jemeent es Gottes Ieejantum en Jesus es daut Haupt fa dee Jemeent. Duaweajen dracht hee dee Hauptveautwuatunk fa dee. Hee auleen haft ons derch sien Bloot met Gott veseent en ons den Fred met Gott veholpen (*Kolossa 1,18-20*).

Kolossa 1,18

Dee Jemeent es sien Kjarpa, en hee es dee Kopp (daut Haupt). Von am kjemt daut Lewen, en hee es dee Ieestjebuarna von dee Doodes, daut hee en aules den ieeschten Plautz haft.

Ût dee Bibel erfoa wie, woo wie ons rechtich en dee Jemeent veholen sellen.

1. Timoteus 3,15

soo daut wan mie doa sull waut mank komen, daut dü dan weets, waut dü en Gott sienen Hüshault to doonen hast. Daut es den lewendjen Gott siene Jemeent, wuaroop dee Woarheit steit en uk jestett woat.

► **Froag 17:** Wuaweajen es daut dee Woarheit, daut Jesus daut Haupt fa dee Jemeent es, eene Bediedunk fa mien Omgank met dee Jemeent?

B. Leidasch

Aposteljeschicht 20,28

Soo woakt ewa jünt selfst en uk ewa dee Head, ewa dee de Heilja Jeist jünt aus Oppsechta jestalt haft, een Hoad ewa Gott siene Jemeent to senen, dee hee sikj met sien ieejnen Sehn sien Bloot jekoft haft.

Fa dee Jemeent Jesus stonen „Eltesta“ „Oppsechta“ „Hoad ooda „Bischofe“ (*1. Timoteus 3,1*) jenannt Vea. See unjastonen Jesus, dem bowaschten Hoad, jenannt (*1. Petrus 5,4*).

Met dem Ûtdruck „Eltesta“ sent nich dee janje jemeent, dee aul de Joare no Eltestasch sent. Daut sent soone Mana, dee jeistisch Rieep sent en fa dee Leidungsdeenst oppwiesen en fa disen Deenst enjesat sent.

To den Oppdrach von dee Leidasch jehiet daut, dee Jemeent to leiden en to lieren. Derch earen Lewenswaundel sellen see goode Veabilda fa dee Headen sennen (1. Timoteus 5,17; 1. Petrus 5,1-4).

Dee Leidasch sent nich dee Ütjelieede, dee aule Oabeit auleen doonen sellen, oba see moaken dee Jemeentenjlida reed, to dem Woakj tem Deene.

- **Froag 18:** Nan eenje von dee Oppgowen, dee een Leida erfellen sull (1. Timoteus 3,1-7; vjl. Titus 1,5-9)?

C. Diakone

Filippa 1,1

Paulus en Timoteus, Christus Jesus siene Deena, schriewen no aule heilje en Christus Jesus en Filippi, en uk no dee Jemeentenleida en Diakonen.

Bütadem to den Leida, worden en dee Jemeent Diakone enjesat, dee krakjt soo eene groote Veautwoatunk fa dee Jemeent droagen.

- Dee Ütdruck „Diakon“ bediet „Deena“.
- Daut Lewen Jesu wia een Lewen von Deene (Markus 10,45)

Daut Lewen von jieda Christ saul krakjt soo jetieekjent senne (1. Petrus 4,10-11).

Wuatoo jeft daut Diakone?

- Leidasch droagen dee Veautwoatunk fa dee jeistliche Aunjeleajenheiten fa dee Jemeent (1. Petrus 5,1-4).
- Diakone droage eene besondere Veautwuatunk fa dee paussende Aunjeleajenheite en dee Jemeent. Doch see sent – t.B. Filippus. (Aposteljeschicht 8,5) uk aun jeistliche Deenste bedeelicht.

Wiels Diakone eene groote Veautwuatunk fa dee Jemeent droagen, woaren uk aun ent huage Fodrungen jestalt (1. Timoteus 3,8-12).

- **Froag 19:** Woone Oppgowen erfellden dee Diakone, von dee wie en Aposteljeschicht 6,1-7 lesen?

D. Veschiedne Metoabeida

En Efeesa 4,11 woaren wiedre fief besondere Oppgowen en dee Jemeent jenant:

Efeesa 4,11

Daut hee eenje aus Apostel, eenje aus Profeeten, eenje aus Evagelisten, eenje aus Hoad en eenje aus Lierasch aunstalen deed.

1. Apostel

„Apostel“ bediet „Jeschekjta“. Wie vestonen doarunja jemeenlich een Missionoa, dee en een vom Evangelium nich errieekjte Jeajent jeschekjt woat, om Menschen fa Jesus to jewennen. Hee es en dee Loag, eene Jemeent ooda een nieet Woakj fa den Harrn to jrinden en to leiden.

2. Profeeten

Een Profeet es jeemaunt, dee daut Wuat von Gott kjricht, en wieda-jeft. Hee es soomet een Vekjindja vom Evangelium en nich ombedinjt jeemaunt, dee de Tokunft sajcht. Hee es en dee Loag, daut Wuat Gottes rechtich en dee Jemeente nentobrinjen.

3. Evangelisten

Een Evangelist es jeemaunt, dee de Gowen haft, daut Evangelium aun dee Rauntmenschen vestendlich to erkjlearen en eant to dee Entscheidung fa Jesus to fieren.

4. Hoad

Een Hoad en dee Jemeent es jeemaunt, dee eenee besondren Blekj fa daut Scheengonen von eenzelne Jemeentenjlieda haft. Hee vesteit daut, opp eene rechtje Wies to ermonen, to ermootjen en to fieren.

5. Lierasch

Een Liera es jeemaunt, dee daut vesteit, biblische Wuarheiten eenfach doa to stalen, en aundren biem lieren behelplich sennen. Am es daut een Aunligjen, opp eene jesunde Lia en dee Jemeent to achten.

E. Daut eenselne Jemeentenjliet

Dee Jemeent woat nich bloos von eenje Jeliiede jeleit. Jieda Jemeentenjliet brinjt sikj met siene Gowen enn en dracht doamet uk Veauntwoatunk.

1. Petrus 4,10

Een jiedra saul siene Gow, dee hee jekjreajen haft, bruken den neakjsten toom gooden to deenen, aus een Vewaulta, dee met Gott siene Jnodengowen trü omjeit

En dee Jemeent jeft daut vel Oppgowen, dee jedonen woaren motten, t. B. Beden - Krankebesieekjen - Ordnungsdeens - Plauzaunwiesen Aufhloldeens Perseenliche - Evangeliesazion Musikj Kjinjaoabeit en Vekjindjunk

► **Froag 20:** Woone Oppgowen wuaren en *Reema 12,6-8* jenant?

Dee Meajlichkjeiten tom Metoabeiden sent groot. Wan jeemaunt reed es, sikj entobrinjen, woat hee sienen Plauz en dee Jemeent entdakjen.

Eene wichtje Bedinjunk fa dee Metoabeit woat en *1.Korinta 4,2* jenant: „*Em Ewajen woat von eenem Hüsvesorja bloos velangt, daut hee trü befüngen woat.*“

► **Froag 21:** Woone wiedre Deenstmajlichkjeiten jeft daut en eene Jemeent?

VI. Dee Wol woone Jemeent

En maunche Steden jeft daut eene groote Aunzol veschiedne Jemeenten. Dan stalt sikj dee Froag: „*Woone Jemeent saul ekj mie aanschlüten?*“

Vemeid daut

- eene „vollkomne“ Jemeent to sieekjen.
- stendich von Jemeent to Jemeent to wakjslen.
- die von Bütalichen, t.B. schmoken Rüm, leiden to loten.

Wuaroop es bie dee Wol von dee Jemeent to achten?

- Bed doarom, daut Gott die den rechtjen Plauz wiest.
- Sie reed, die mootich entobringen.
- Stal die een poa Froagen:
 - Woaat dee gaunze Bibel aus daut Wuat Gottes aunerkjant?
 - Woaat daut Evangelium kloa vekjindicht?
 - Es daut eene missionorische Jemeent?

► **Froag 22:** Woone Ieejenschoften helst dü bie dee Wol enne Jemeent fa besondasch wichtich?

Sat die doa enn, wua dü den Endruk hast, daut dit dee Plauz es, aun dem Gott die haben well. Selfst Nodeelen kjennen doato aanspornen, fa aundre to beden en metoabeiden.

Jemeent

Waut Bediet „Jemeent“?

Daut griechische Woat fa Jemeent „ekklesia“ (ek = doarüt, kaleo = roopen) bediet „dee Rütjeroopte“ (Mateus 16,18).

- A. **Dee weltwiede Jemeent**
Kolossa 1,18
- B. **Dee Lokaljemeent**
1. Korinta 1,2
 - Wuavon wia daut Lewen von dee ieeschte Christen en Jerusalem jetieekjent (Aposteljeschicht 2,42-47)?

Sennbillda fa dee Jemeent

- A. **Dee Head** *1. Petrus 5,2*
- B. **Dee Brüt** *Openbarunk 19,7*
- C. **Dee Kjarpa** *1. Korinta 12,18*
- D. **Hüs Gottes** *1. Timoteus 3,15*
 - Waut woat doamet errieekjt, wan sikj dee Jleewende aus lewenje Steena en dit jeistlichet Hüs obnemen loten (1. Petrus 2,5)?

Dee Needichkjet von dee Jemeent

Om fa den Deenst reedjemoakt to woaren
Efeesa 4,11-12

Om een grootet Zeichnis en dee Welt to haben
Aposteljeschicht 13,1-5

Om fa eenaunda doa senne to kjennen
Reema 12,5

1. Gott veharrlichen
Efeesa 3,21

2. Dee Jemeent büen
1. Petrus 2,5

Dee Oppdrach von Dee Jemeent

3. Dee Welt evangelisieren
Mateus 28,18-20

Dee Jemeent Leiden

- A. **Jesus Christus** *Kolossa 1,18*
- B. **Leida** *1. Timoteus 5,17*
- C. **Diakone** *1. Timoteus 3,8-12*
- D. **Metoabeida** *Efeesa 4,11*
- E. **Jemeentejlida** *1. Petrus 4,10*

Eene Jemeent Welen

- Beden om den rechtjen Plauz.
- Sie reed, die moodich entobrinjen.
- Stal die een poa Froagen:
 - Woat dee gaunze Bibel aus daut Wuat Gottes aunerkjant?
 - Woat daut Evangeliom kloa vekjindicht?
 - Es daut eene Missionorische Jemeent?

Deep denkjende Froagen

1. Schriew ütwendich opp: *Aposteljeschicht 2,41-42*
2. Waut bediet „*Lokaljemeent*“?
3. Wea jehieet to dee Jemeent Jesu?
4. Aunjenomen jeemaunt sacht: „*Jieda Christ jehieet to dee Jemeent Jesu. Doarom bruk ekj mie kjeene Lokalejemeent aanschlüten*“. Waut wurscht dü am sajen?
5. Woo haben Christen Jemeenschoft metenaunda?
6. Woonen Zwakj haft dee Jemeenschoft von dee Christen?
7. Dee Bibel kjant verschiedene Sennbilda fa dee Jemeent. Nan dree doavon met dee aunjewewde Bibelsteden !
8. Wie kjenne sajen, daut dee Jemeent Jesu eenen dreefachen Oppdrach haft. Wuarenn besteit dee?
9. Wea leit dee Jemeent Jesu?
10. Jieda eenzelnet Jemeentenjliet es metveauntwuatlich fa dee Entwekjunk en dee Jemeent. Woone Meajlichkjeiten sitz dü fa die, en dee Jemeent mettohalpen?



Photo by Jose Aragones on Unsplash

Em Jebed doaf ekj aules met Gott bereden, ekj
saj am miene bennaschte jefeelen. Ekj red froo
met am ewa miene Freid, erleest to senne.

Jebed

Daut Jebed sull eent vone baste Beschäftjungen to een Christ jehieren. Em Jebed brinj wie onse Vebindschoft met dem Harrn en besondre Wies tom Ütdruck. Wie gonen deepa en onse Jemeenschoft met Gott, en ons Gloowe woat fausta.

Jesus wort eenmol von eenem siene Jinja jefroacht (*Lukas 11,1*): „Harr, lia ons beden, soos uk Johanes siene Jinja lied“. Uk ons Wunsch sull senne, noch vel meea ewa daut Jebed to erfoaren.

- **Froag 1:** Woone Bediedunk haft daut Jebed vondoag fa die, wan dü dit met dee tiet vejlikjst, eea dü tom Gloowen aun Jesus Christus jeemst?

I. Waut Bediet „Jebed“?

Filippa 4,6

Sorcht jünt om nuscht. Lot Gott met beden en prachen en dankscheen sajen aules weeten waut jünt felt

Jebed bediet: *met Gott reden en opp am hieren*. Em Jebed doaf ekj aules met Gott bereden. Ekj saj am miene bennaschte Jefeelen. Ekj vetal met am ewa miene Freid jerat to senne, en ewa mien Veheltnis to aundre Menschen. Ekj brinj miene Dankboakjeit tom Ütdruck en red met am ewa miene Sorjen en miene besondre Oppgowen aus Christ en dise Welt. Doabie kjemt daut nich opp goot jeformde wiede aun, oba opp een opprechtjet Hoat.

II. Wuarom Bed wie?

Wie sullen von dee Needichkeit fa daut Jebed ewazeicht sennen. Bloos dan woa wie een hanjewdwet bejierich en aunjoolendet Jebetslewen fieren. Wuarom es daut Jebed soo needich? Wuarom sull wie vel en bestendich beden?

A. Onse Jemeenschoft met Gott woat deepa

Gott haft ons jeschaufen, om Jemeenschoft met am to haben. Hee bangt sikj no ons. Wan wie beden, doo wie daut, wuato wie bestemt sent.

Tojlikjatiet dracht daut Jebed doato bie, ons Velangen no Gott to stellen.

Psalm 42 2-3

Soo aus een Ree een velangen no freschet Wota haft, soo haft miene Seel een velangen no die, oo Gott. Miene Seel darscht no Gott, no den lewenjen Gott. Waneea woa ekj bat dua komen, daut ekj ver Gott stonen kaun?

► **Froag 2:** Woo kaun ons bennaschtet Velangen no Gott jestellt woaren (*Psalm 63,1-5*)?

B. Wie jewennen Trubbels

1. Petrus 5,7

Schmiet aul jüne Sorjen opp am; hee sorcht fa jünt.

Jieda Christ sull sikj derch eenen ennalichen Fred en een leichtfoadjen Lewesunjahault oppwiesen, soo aus een Nichchrist nich kjant.

► **Froag 3:** Woo go wie aus Christen rechtich met Sorjen om? Wuamet derw wie reakjnen (*Mateus 7,7-8*)?

C. Wie komen to eene volstendje Freid

Johanes 16,24

Bat nü hab jie om nuscht en miene Nomen jefroacht. Froacht, en jie woaren kjrieen, daut jünt daut aun kjeene Freid felt.

Christen sullen schaftje Menschen sennen. Gott well ons stendich doaderch volkomne Freid moaken, daut hee onse Jebeda erhieet en onse needichkjeiten erfelt.

Stal wie ons een Kjint vea, daut een leewendjen Voda haft. Hee woat daut velangen von sien Kjint no Meajlichkeit jieren erfelen. Daut kaun oba senne, daut een Wunsch nich goot fa sien Kjint es, dan woat hee secha nich doaropp engonen. Daut Kjint oba haft dee Meajlichkeit emma, jlekjlich em Elrenhüs to senne.

► **Froag 4:** Hast dü daut beleft, daut dü froo jeworden best, wiels Gott dien Jebed erhieet haft?

1. D. Wie halpen aundre Menschen

Nodem Petrus em Jefenkjnis jeschmeten woart, kunn dee Jemeent nuscht aundret fa am doone, aus fa am to beden (*Aposteljeschicht 12,1-10*).

Aposteljeschicht 12,5 Petrus wort em Jefenkjnis jehoolen; oba dee Jemeent bed iernstlich fa am to Gott.

- **Froag 5:** Woone Wirkjunk haft daut Jebed von dee Jemeent (*Aposteljeschicht 12,7-10*)?
- **Froag 6:** Opp woone Oat von Unjastettunk lajcht Paulus en sien Deenst besondasch grooten Wieet (*Efeesa 6,18-19*)?

E. Wie kjrieen Krauft

Aposteljeschicht 4,31 En aus see jebet hauden, scheddad dee Plauz, wua see toopjekomen wieren; en see wieren aula voll vom Heiljen Jeist, en predijden brow Gott sien Wuat.

Doamet wie een siechrikjet Lewen fieren kjennen, bruk wie dee ütrestunk met dee Krauft vom Heiljen Jeist. Daut Jebed es een Wajch, om met dise Krauft erfelt to woaren (*vjl. 2. Tessalonicha 1,11*).

- **Froag 7:** En woone Lewensloag sent wie aunjewesen opp dee Krauft vom Heiljen Jeist (*Aposteljeschicht 4,33; 9,22; 10,38*)?

III. Dee enhault vom Jebed

Em Jebed derw wie met Gott ewa aules reden. Doarom finj wie en dee Bibel uk veschiedne Formen vom Jebed. Wie sullen dee kjanen en in ons Jebetslewen aanwenden.

A. Aunbedunk

1. **Mose 24,26-27** Dee Maun kjneed sikj ver dem Harrn en sed: Ekj preis dem Harrn, mienen Wieet Abraham sien Gott, dee nich met siene trühoatje Leew oppjehieet haft, en dee emma trü to mienen Wieet es. Dee Harr haft mie den Wajch jewesen no daut Hüs von mienen Wieet sien Frintschoft.

Aunbedunk es eene staunende en lowende Betrachtunk vom Wesen Gottes. Doabie kom wie nich bloos met onse Bedd aun Gott, oba lowen

Gott fa siene Aulmacht, Grootheit, Leew, Jnod, Metliedent en Trü.
Hee es dee eenzja, dee dise Aunbedunk wiet es (*Mateus 4,10*).

► **Froag 8:** Wuafea kjenn wie Gott lowen (*Psalm 145,1-21*)?

B. Sindebekjantnis

1. Johanes 1,9

**Wan wie onse Sinden bekjanen, dan es hee
trü en jerajcht, en vejeft ons dee Sinden en
reinicht ons von aule Ojjerajchtichkeit.**

Je noda wie en dee Jeajenwuat Gottes kome, soovel dietelja erkjan wie onse Sinde. Je dacha daut Licht schient, soovel dietelja see wie daut Schwiensche. Wan Gott ons jewesen haft, waut en ons Lewen nich en Ordunk es, sull wie dee Sachen soo schwind aus meajlich en Ordunk bringen en uk Jesus om Vejewunk bedden. Hee vejeft ons jiern!

► **Froag 9:** Woon Vespreakjen haft Gott deejanje jejeft, dee eare Schuld bekjanen (*2. Chronik 7,14; Spricha 28,13*)?

C. Dank

Efeesa 5,20

**En dankt en aules emma Gott, den Voda, fa aules en
Jesus Christus onsen Harrn sienen Nomen.**

Wie hant von Gott soo vel Goodet jeschonken jejreajen, doaweajen sull daut fa ons selfstvestendlich senne, daut wie ons duafea uk bedanken.

► **Froag 10:** Ewalaj eenmol, wuafea dü auledach danken kaust (*1. Tesalonicha 5,17-18*)!

D. Bedd

Psalm 55,23

**Laj diene Laust opp dem Harrn; dee wuat fa die sorjen
en hee woat den jerajchten niemols faulen loten**

Besied Dank, Aunbedunk en Sindebekjantnis, derw wie dem Harrn aul onse Wensche, Aunlijen en Noot brinjen. Hee jeit jiern doaropp enn, wiels hee sorcht fa ons (*vjl. 1. Petrus 5,7*).

► **Froag 11:** Wuaraun licht daut, wan ons jeistlichet Lewen oam es (*Jakobus 4,2*)?

E. Fa aundre beden

1. *Timoteus 2,1-2* Ieeschtens, rod ekj jünt nü, daut jie drinjent beden. Bet uk fa aundre en dankt fa aule Menschen, 2. Fa dee Kjennichs en aule dee huach aunjestalt sent, daut wie en Gottesforcht en Oprechtichkeit ruich lewen kjennen.

„Fa aundre beden“. Wie brinjen nich bloos onse ieejne, oba uk daut Aunligjen aundre Menschen ver Gottes Troon.

- **Froag 12:** Fa woon Aunligjen sull wie werkjlich beden (*Mateus 9,38; Efeesa 3,16; Kolossa 4,3; 2. Tesalonicha 3,1-2; Jakobus 5,16*)?

IV. Waneea bed wie?

A. En dee Noot

- Psalm 50,15* Roop mie wan dü en Noot kjemst. Ekj woa die raden, en dü woascht mie ieren.

Jrod fa dee Tieden en dee Noot haft Gott ons besondere Vespreakjungen jejeft. Wie brucken met onse Probleemen nich auleen to bliewen (*vjl. Psalm 107,19-22*).

- **Froag 13:** Wuatoo lot Jesus deejanje enn, dee met Probleemen beluden sent en von dee meist doljedrekjt woaren (*Mateus 11,28*)?

B. En dee perseenliche Jebetstiet

- Mateus 6,6* Oba wan dü beden deist, dan go en diene Stow, en moak dee Dea too en bed to dienen Voda em Jeheemen. En dien Voda, dee dua sitt waut em Jeheemen veajeit, woat die doafea loonen.

Daut es goot, eene reajelmesje Stelle Tiet fa daut Jebed to haben, daut wie auledach auleen met Gott vebrinjen (*vjl. Daniel 6,11*). Wan wie dee Bibel lesen, ret Gott doaderch to ons. Em Jebed red wie met am en sajen am onse gaunz perseenliche Noot en Velangen.

- **Froag 14:** Woon Tietplon es fa die besondasch goot fa dee perseenliche Jebetstiet jeieejent?

C. En dee Jemeenschoft

Mateus 18,19

En ekj saj jünt uk dit: Wan twee von jünt sikj hia oppe leed eenich woaren, dan woat mien Voda em Himmel jünt daut jewen

Gott haft eene besondre Veheetunk opp daut Jebed von Christen jelajcht, dee sikj eenich woaren, om fa een bestemd det Aunligjen to beden.

Wan jeemaunt en eene Jebetsjemeenschoft lüd bet, dan beden dee aundre stell em Hoaten met. Daut es meajlich, daut Jebed met dem Wuat „Amen“ auftoschlüten, waut soovel bediet aus: „Daut saul passieeren“. Doamet stemm wie aula em Jebed doamet bie, en moaken daut soomet to ons ieejnet Jebed. Biespels fa daut jemeensome Jebed finj wie en *Psalm 26,12; Aposteljeschicht 1,14 en 12,5*.

- **Froag 15:** Wuavon wia dee Jebetsjemeenschoft von dee Christen en Jerusalem jetieekjent, eea see dee Frielotunk von Petrus en Johanen üt dem Jefenkjn is erleft hauden? Waut wia dee Auntwuat von eare jebeda (*Aposteljeschicht 4,24.31*)?

D. Ver dee Moltiet

Markus 6,41

Hee neem dee fief Broot en dee twee Fesch en kijkt nopp no dem Himmel en dankt duafea en bruak daut Broot. Dan jeef hee dee Jinja daut, daut see dee Menschen daut jeewen. Hee vedeeld dee twee Fesch uk mank an aula .

Daut es goot, Gott, em Jebed dee aule Gowen jeft, ver dem Eten to danken.

1. Korinta 10,31

Auf jie eten ooda drinkjen ooda waut jie doonen, doot aules om Gott to ieren.

Daut Volkj Israel wort oppjefodat, dem Harn no dem Eten to danken (*5. Mose 8,10*). Daut jeft vele Biespels doato, daut Jesus ver dem Eten dankt (*Mateus 14,19; 15,36; Markus 8,6; Lukas 24,30; Johanen 6,11*). Uk Paulus dankt ver dem Eten (*Aposteljeschicht 27,35*). Fa dee ieeschte Christen wia daut Jebed verdem Eten mood (*Reema 14,6; 1. Timoteus 4,3-5*). Dannoeh derw wie daut Deschjebed nich aus eene flicht vestonen. Wie finjen en dee Bibel uk Biespels, en dee kjeen Dankjebed ver dem Eten erwent woat. (*Lukas 24,42-43; Johanen 21,13*).

- **Froag 16:** Met waut fa ne Jesennunk sull wie dee Gowen to ons nemen, dee Gott ons jeschenkt haft (*1. Timoteus 4,3*)? Es een effentlichet Dankjebed biejedda Moltiet flicht. Met woone ennaliche Jesennunk eew wie daut Deschjebed (*Mateus 6,5.7*)?

E. Stendich

1. *Tessalonicha 5,17* **Hooft aum met beden!**

2. *Tessalonicha 1,11* **Wiels dit soo es, bed wie to aule Tiet fa jünt, daut Gott jünt den Wieet jeben mucht, wuatoo hee jünt ütjewelt haft. En daut hee derch siene Krauft jünt volkomne Freid aum goodet doonen jeft, en aules jelinjen lat waut jie em Gloowen doonen.**

„Jebed one unjaloten“ bediet, daut wie aulatiet en ewaraul met Gott vebungen sent en met am en ons Hoat reden kjennen. Daut Jebed es eene Jesennunk, dee ons gaunzet Lewen derchdrenjt.

► **Froag 17:** Woo kaun een stendjet Jebetslewen werkjlich ütseenen (*Efeesa 6,18*)?

V. Velangen fa erhielichet Beden

Doamet wie kjrieen, om waut wie en ons Jebed beden, mott wie ons aun dee bedinjunen fa erhielichet Beden hoolen. Woone bedinjunen jeft daut?

A. Rajcht Beden

Markus 10,51

Jesus fruach am waut hee fa am doonen sull. Dee blinja Maun sed: Meista, ekj well seenen kjenen.

Wan jeemaunt meent, daut Gott sien Jebed nich erhiet, sull hee ieescht, proowen auf hee dem Harrn rajcht jesacht haft, waut hee von am well. Veleicht fieren maunche Christen doawejen een oamseeljset Christen-lewen, wiels see bloos seea auljemeen beden. Gott well, daut wie am onse Bedd gaunz jeneiw nanen (*Jakobus 4,2*).

► **Froag 18:** Wuafea prachad Elia gaunz werkjlich? Waut belewd hee oppgrund sien Jebed (*Jakobus 5,17-18*)?

B. Em Gloowen Beden

Hebrea 11,6

Oba onen Gloowen es daut ommeajlich, Gott to jefaulen. Wea no Gott komen well, mott jleewen, daut hee es, en daut hee dee beloont, dee am ierenslich sieekjen.

Gott well, daut wie am ons Vetrüen schenkjen. Hee well ons dan daut jewen, om waut wie am bedden (*Markus 11,22-24*).

► **Froag 19:** Waut belewd dee kananeische Frü, dee Jesus om Erboarmen fa eare besetne Dochta prachad? Woone Bedinjunk erfeld dise Frü (*Mateus 15,28*)?

► **Froag 20:** Wuaropp jrind sikj ajchta Gloowen (*Mateus 24,35; vjl. 1. Johanes 5,14-15*)?

C. Em Nomen Jesu Beden

Johanes 14,13-14 En waut jie en mienen Nomen beden woaren, daut woa ekj doonen, daut dee Voda derch den Sehn jeieet woat. 14 Waut jie en mienen Nomen beden woaren, woa ekj doonen.

Em Nomen Jesu beden bediet, met dem Rajchten bewies no Gott to komen, den Jesus biem Voda haft. Daut kjemt doabie nich soo seea opp onse Form em Jebed aun, oba doaropp, daut ons Aunligjen dem Wellen Gottes pausent es (*1. Johanes 5,14-15*).

Wie bedden nich bloos Gott, den Voda, oba wie danken am uk em Nomen von onsen Harrn Jesus Christus (*Efeesa 5,20*).

► **Froag 21:** Met woone Erkjantnis derw wie reakjnen, wan wie em Nomen Jesu beden (*Johanes 15,16; 16,24*)?

D. bestendich Beden

1. Tesalonicha 5,17 **Beden one unjaloten**

Gott jeft ons nich emma fuaz, om waut wie bedden. Wan wie Aunhoolent fa eene Sach beden, bewies wie, daut wie daut werkjlich iernst meenen. Jesus erkjleat ons em Jlikjnis von dee beddende Wetfrü, daut wie aule tiet beden en doaren nich noloten sullen (*Lukas 18,1-8*).

► **Froag 22:** Wuahea kjemmt daut, daut wie eenjemol to tiedich opphieren, fa eene bestemme Sach to beden? Waut kaun ermootjen, aunhoolent to beden?

E. Em Jehuarsom lewen

1. Johanes 3,22

Wie woaren daut kjrien, wuano wie froagen,
wiels wie siene Jebooten hoolen en doonen,
waut am jefelt.

One Jehuarsom Gott jeajenewa sent wie nich en dee Loag,
met siene Gowen rechtich omtogonen. Wie derwen kjeene
bewuste Sinde en ons Lewen tochloten.

► **Froag 23:** Woone Bediedunk haft daut, dee Jeboote Gottes hoolen
fa onse jemeenschoft to Gott (*Johanes 15,10*)?

VI. Dee Hindanise fa erhieedet Beden

Wan Gott onse Jebeda nich erhiet, froag wie ons, aun waut daut licht. Uk
wan onse Froagen foaken onen auntwuat bliewen, kjenn wie oba doch
froage, auf doa Hindanise en onsem perseenlichen Lewen jeft, dee de
Erhierunk em Weaj stonen, en wajchjenomen woaren motten.


A. Ongloowen

Jakobus 1,6-7:

Lot am oba em Gloowen froagen, en
nich twiewlen. Een Twiewla es soo aus
eene Wal oppen Mea, dee vom Wint han
en hea jedrewen woat. 7 Wea twiewelt
saul nich meenen, daut hee von Gott
waut kjrieen woat.

Fa onse Jemeenschoft to Gott es dee
Gloowen notwandich. Daut jelt uk fa
daut Jebed. Besenn wie ons aun dise
Sted, daut sikj ons Gloowen nich
opp bestemde Jefeele jrint, oba opp
daut toovelesje Wuat Gottes.

► **Froag 24:** Woo kjenn wie em
Gloowen faust woaren
(*Hebrea 10,23-24; Efeesa 4,14*)?



B. Onjehuarsom

Spricha 28,9

Wan een Maun nich well Gott sien Jesaz hieren, well Gott dem siene Jebeda uk nich hieren..

Wuarom sull Gott onse Jebeda erhieren, wan wie ons derch Onjehuarsom von Gott wachdreien? Sacharja halpt sien Volkj denkjen, daut dee Harr to eene Tiet nich opp daut Roppen vom Volkj hieed, wiels daut nich opp Gottes Jesaz hieren wullen en see eare Hoaten soo hoat aus een Diamant jemoakt hauden (*Sacharja 7,12-13*).

- **Froag 25:** Waut wieren dee Folgen von Sauls Onjehuarsom? Aun waut haud Gott een Jefaulen (*1. Samuel 15,20-23*)?

C. Onvezeiliche Sinde

Jesaja 59,2

Dua es waut tweschen jünt en Gott jekomen, waut jie selfst verschulcht haben; jüne Sinden haben am duatoo jebrocht, sikj wajchtodreien en nich no jünt to hochen

Dee Sind betrieht en vestieet ons Veheltnis to Gott. Wan wie trotz onvezeiliche Sinde, Gott met ons prachren ewaheagonen, wuat hee wajchkijkjen (*Jesaja 1,15*).

- **Froag 26:** Woo kaun dee Sind jereinicht woaren (*Jesaja 1,16; 1. Johanen 1,9*)?

D. Trubbels met dem Neakjsten

Markus 11,25

En wan jie stonen en beden, en jeajen wem waut haben, dan sell jie dem daut vejewen, daut jün Voda em Himmel jünt jüne Felasch uk vejewen kaun.

Wan wie nich reed sent, onse Jemeenschoft to onse Metmenschen en Ordunk to brinjen, wuat onse Jemeenschoft to Gott duadech betrieht (*1. Petrus 3,7*).

- **Froag 27:** Woone Vespreakjunk haft Jesus deejanje jejeft, dee sikj eenich woaren, om fa irjent eene Sach to beden (*Mateus 18,19*)?

E. Nosikj senen

Jakobus 4,3

Jie beden en kjriejen daut nich, wiels jie met faulsche Aufsechten beden. Jie prachren om Sachen, jüne ieejne Lost to befredjen

Selftsechtje üasoak finj wie en daut Jliknis von dem velornen Sehn. Dee jinjsta Sehn leed sikj sien Oafgoot üttolen, veleet sienen Voda en reisd em Ütlaunt. Doa gonn hee sikj, waut ema hee wull en vekwosd sien Jelt (*Lukas 15,13*).

Woo sitt daut bie ons üt? Kjenn wie nich uk selftsechtje Wenschen haben, dee eenen Kjrigh jeajen daut fiet, waut Gott von ons haben well (*Jakobus 4,1*)?

► **Froag 28:** Woo kjenn wie dee Vesieekjunk to dee selftsucht wadastonen (*Jakobus 4,6-7*)?

VII. Dee Auntwuat vom Jebed

Psalm 145,19

Hee stalt dee tofred, dee am ferchten. Hee hieet wan see schrieen en halbt an.

1. Petrus 3,12

Wie derwen weeten, daut Gott jieda onse Jebeda hieet, uk wan hee nich aul onse Bedden erfellt. Gott auntwuat entweda met „Jo“, „Ne“ ooda met „Wachte“.

Wan wie beden

- kjenn wie Gott aules sajen, waut ons beweacht.
- hab wie Jemeenschoft met Gott.

Wan wie Gott aunbeden

- woat onse Jemeenschoft to Gott deepa.
- wua wie am enelja
- Ieren wie Gott.



Wan wie Gott danken

- erkjan wie, woo goot hee to ons es.
- brinj wie onse Freid ewa Gottes Gowen tom Ütdruck.
- Low wie am.

Wan wie Gott bedden

- erfoa wie Entlaustunk von onse Sorjen.
- kjenn wie aundre en eare Noot halpen.
- erfoa wie, woo Gott en ons Lewen oabeit.

Jebed



Wanee Bed Wie?

- **En dee Noot**
Psalm 50,15
- **En dee perseenliche Jebetstiet**
Mateus 6,6
- **En dee Jemeenschoft**
Mateus 18,19
- **Ver dee Moltieden**
Markus 6,41
- **Emma**
1. Tesalonicha 5,17

Erhieedet Jebed

Bedinjunge

- | | |
|------------------------|---------------------|
| A. Racht beden | Markus 10,51 |
| B. Em Gloowen beden | Hebrea 11,6 |
| C. Em Nomen Jesu beden | Johanes 14,13-14 |
| D. Bestendich beden | 1. Tesalonicha 5,17 |
| E. Im Jehuarsom lewen | 1. Johanes 3,22 |

Hindanise

- | | |
|---------------|---------------|
| A. Ongloowen | Jakobus 1,6-7 |
| B. Ojehuarsom | Spricha 28,9 |
| C. Sinde | Jesaja 59,2 |
| D. Trubbels | Markus 11,25 |
| E. Selftsucht | Jakobus 4,3 |

Deep denkjende Froagen

1. Schriew ütwendich opp: 1. *Timoteus* 2,1-2
2. Waut bediet „*Jebed*“?
3. Wuarom es daut soo wichtich, daut wie beden?
4. Waut bediet „*Aunbedunk*“?
5. Woon Poat jehiet to ein ütjelijkjet Jebetslewen?
6. Bie woone jeleajenheite es daut besondasch aunebrocht to beden?
7. Waut bediet daut Wuat „*Amen*“?
8. Woo mott ekj beden, om to kjriien, wuano ekj jebet hab?
9. Wuaderch wuat dee Erhierung von mien Jebed vehindat?
10. Met woone Foljen vom Jebed doaf ekj reakjnen?



© monkeybusinessimages - istockphoto.com

Wea Jesus leeft,
recht sikj jieren no dem, waut hee jesacht haft.

Jehuarsom

Dee Jehuarsom, den Gott von ons velangt, kjemt von eene friewelje Entscheidunk en passieet üt Leew. Jieda, dee sikj fa den Jehuarsom Gott jeajenewa entscheit, wuat rütfinjen, daut dit dee sennvollste Meajlichkkeit es, sien Lewen to jestaulten.

*„En hee es duaweajen fa aule jestorwen, doamet dee, woone lewen, nich meea fa sikj selfst lewen, oba fa dee, dee fa eant jestorwen en oppjestonen es.“
2. Korinta 5,15*

Froag 1: Daut Wuat „Jehuarsom“ es nich besondasch beleeft. Wuahea kjemt daut, daut wie leicht een bennaschten Wadastaunt jeajen dit Teema dulden?

I. Waut es „Jehuarsom“?

Unjaordnunk unja eene Macht

Jehuarsom es daut Unjaordnen von sien ieejnen Wellen, unja den Wellen von een aundren, en wiest sikj em Befolgen von Jebooten ooda Veboden. Daut Wuat „Jehuarsom“ es eene Aufleidunk von „hieren“ ooda „hanhieren“. Doamet Jehuarsom tostaund kjemt mott eene Macht tojeajen senne, opp dee jeemaunt hiet en sikj unjaordnet en jehorcht.

Hebrea 11,8

Derch den Gloowen wia Abraham jehuarsom aus hee jeroopt wort, en een Launt nenn to trakjen, daut hee nohea oawen sull. Hee trock loos onen to weeten, wua hee han sull.

Jakobus 4,7a

Aulsoo, unjastalt jünt Gott. Stalt jünt jeajen den beesen Fient, dan woat hee von jünt verschwinjen.

Jesus es ons em Jehuarsom een Veabilt. Hee haft sikj dem Wellen Gottes, vom Voda, volstendich unjastalt (*Lukas 22,42*).

B. Eene friewellje Entscheidunk

Jehuarsom, den Gott jefelt, passieet nich unja Druck. Daut es dee Folj eene ennaliche Entscheidunk en kjemt vom Hoaten.

Reema 6,17

Oba Gott sie jedankt, daut wan jie uk aun dee Sind veskloft wieren, soo sent jie von Hoaten jehuarsom jewoarden, jünt aun dee Lia to hoolen dee jie jünt hanjeft haben.

- **Froag 2:** *Woo woat dee Jemeenschoft von dee Tessalonicha to Gott en 1. Tessalonicha 1,9 beschrewen?*
- **Froag 3:** Jesus nannt ons en *Johanes 15,14-15* nich „Kjnachte“, oba „Frind“. Wuarenn besteit dee Unjascheet? Paulus betrakjt sikj selfst dannoch aus „Knacht Jesu Christi“ (*Reema 1,1*). Daut Wuat „Knacht“ kaun uk met „Sklow“ ewasat wuaren. Woo paust dise Jemeenschoft met dem ütdruck „Frint“ toop, den Jesus bruckt?

C. Eene bennaschte Enstalunk

Psaln 40,9

Mie es daut eene Freid dien Wellen to doonen, mien Gott, en dien Jesaz hab ekj em Hoat.

Nodem jeemaunt Christ jeworden es, haft hee von Gott een nieet Hoat jekjr-eajen en een ennalichet Velangen, Gottes Wellen to doonen (*Hebrea 10,16*).

- **Froag 4:** Waut vesprakjt Jesus deejanje, dee siene Jeboote *hoolen* (*Johanes 15,10-11*)?
- **Froag 5:** Gott velangt von ons kjeenen jedwungnen Jehuarsom. Wea bemott Menschen duato, Jehuarsom to sennen (*2. Timoteus 2,26*)?

II. Wuarom sull wie Gott Jehuarsom sennen?

A. Gott velangt Jehuarsom

Daut Volkj Gottes em Oolen Tastament wort emma wada oppjefodat, dee Jeboote Gottes to hoolen.

- **Froag 6:** Wuato wuat daut Volkj Israel en *5. Mose 10,12-13* werkjlich oppjefoddad? Woone Enstalunk velangt Gott von sien Volkj?

Aus Christen lew wie noh dem Nieen Tastament nich meea unja dem Mose Jesaz (*Reema 10,4*). Dannoch es daut Teema „Jehuarsom“ uk fa ons wichtich. Daut rieekjt nich, daut Wuat Gottes bloos to hieren. Wie motten daut uk en dee Dot omsaten (*Jakobus 1,22; Reema 1,5*).

Reema 16,19

Woo jehuarsom jie sent, haft aulemaun jehiet.

B. Jehuarsom es een ütdruck von onse Leew to Gott

Gott, dee Voda, well ons Bastet. Wiels hee ons leeft (*1.Johanes 3,1*) ordent hee bloos aun, waut goot fa ons es en hee vebitt bloos, waut schlacht fa ons es. Aus Gotteskjinja kjenn wie dem Voda em Himmel voll vetrüen.

2. Johanes 6

Daut es woo wie ons goot sent, wie hoolen siene Jebooten. Daut es daut Jeboot wont jie von Aunfank aun jehieet haben en wuano jie lewen sellen.

Onse Leew to Gott sull ons wichtichsta Grunt senne, am to jehorchen. Achte Leew wiest sikj enne Rachte Dot, soo aus Jehuarsom. Wan wie Jesus nich jehorchen, died wie doamet aun, daut wie am uk nich leewen (*Johanes 14,24*).

► **Froag 7:** Woo kjenn wie no *1. Johanes 5,2-3* onse Leew to Gott toom ütdruck brinjen?

► **Froag 8:** Woone Vespreakjnise haft Jesus en *Johanes 14,21-23* deejanje jejeft, dee siene Jeboote hoolen en am leewen?

C. Jehuarsom es dee eensje wieetvolle Lewens meajlichkjeit

Wie sent nich üt ieejna Krauft en dee Loag, ons Lewen soo to jestaul-ten, woo Gott daut haben well. Hee haft ons erschauen, doamet wie met am lewen en dee Woakjen doonen, dee hee fa ons reedjemoakt haft. Wan wie am nich jehorchen, vepaus wie daut Ziel von ons Lewen.

Efeesa 2,10

Doadersch, daut wie met Christs Jesus vebunjen sent, haft Gott ons niejeschauen en in eenen Staunt vesat, daut wie goodet doonen kjennen. Nü sell wie uk doano lewen..

► **Froag 9:** Met woone Foljen mott wie reakjnen, wan wie dee Aunwiesunge Gottes nich achten (*Efeesa 5,6*)?

D. Opp Jehuarsom rüt dee seajen Gottes

Dee schlachte Folgen von Onjehuarsom sent seea groot. Aundasch rüt opp dem Jehuarsom vele Vespreakjnise Gottes. Dee moaken daut Lewen rikj, froo en wieetvoll.

- **Froag 10:** Woone Vespreakjunge haft Gott dee Menschen en Juda jejeft, wan see am jehuarsom sent (*Jeremia 7,23*)?

III. Wuarenn sull wie Jehuarsom sennen?

Dee Missions-opdrach, den Jesus siene Jinja jeef, enhelt daut hanjewen to dee Menschen, den Roop en dee Nofolj en daut belieren von Freschbekjieede (*Mateus 28,18-19*). Waut oba sellen dee Jinja lieren? Daut jinkj Jesus nich auleen om eene Lia vemeddden von Weeten. Daut Ziel von dee Lia Jesu wia, daut siene Jinja uk daut omsaten, waut hee an jesajcht haft.

- **Froag 11:** Nan eenje Jeboote, dee Jesus siene Jinja jejeft haft!

A. Waut haft Jesus ons oppjejeft to doone?

Wie haben en dee Evangelien miere Red von Jesu, dee ons wiesen, waut hee von ons verlangt. Eenje Punkte sullen hia besondasch erwent woaren.

1. Busse doonen

Dee wichtichsta Jehuarsomschrett fa dee onbekjieede Menschen es, sikj to bekjieren, waut uk foaken met „Busse doone“ ewasat wuat. Toom Gloowen aun Jesus to komen bruckt dee Jehuarsom Gott jeajen-ewa. Dee Wunsch von Paulus wia, daut Menschen aus nichjüdische Velkja sikj Gott em Jehuarsom unjastallen (*Reema 15,18*).

Daut es dee ütdrekjliche Welle Gottes, daut aule Menschen dee Woarheit erkjanen, Busse doonen en jerat to woaren (*1. Timoteus 2,4*).

Mateus 4,17

**Von dee Tiet aun funk Jesus aun to predjen en to sajen:
Kjieet om, wiels daut Himmelrikj es dicht bie.**

Markus 2,17

- **Froag 12:** Woone Jeboote finj wie en *1. Johanes 3,23*?

2. Gott von gaunzen Hoaten leewen

Mateus 22,37-38 Hee sed to am: Dü saust den Harrn, dienen Gott, met dien gaunzet Hoat goot sennen, en met diene gaunze Seel, en met aul diene Jedanken. 38 Dit es daut jratste en ieeste Jeboot.

Wea Gott von gaunzen Hoaten leeft, haft kjeene aundre „Jetta“ en sien Lewen (2. Mose 20,3).

Gott sajcht von sikj em Oolen Tastament, daut hee *dee Ieeschta en dee Latsta* es (Jesaja 41,4; 44,6; 48,12). Jesus betieekjend sikj krakjt soo (Openboarunk 1,11.17; 2,8). Doaweajen sull hee uk den **Ieeschten** Plauz en ons Lewen haben.

Openboarunk. 22,13 Ekj sie daut A, en daut O, dee Aunfank en daut Enj, dee Ieeschta en dee Latsta.

Jesus, dee aus Ieeschta von dee Doodje oppjestonen es, sull emma den Ieeschten Plauz kjrieejen (Kolossa 1,18).

► **Froag 13:** Waut bediet daut fa mie, daut Gott aun dee Ieeschte Sted en mien Lewen steit (vgl. Psalm 27,8)?

3. Sienen Neakjsten werkjlich Leewen

Mateus 22,39 En daut tweede Jeboot es met dit jlikj: Dü saust dienen Noba jrod soo goot sennen aus die selft.

Onse Leew toom Neakjsten sull uk gaunz kloare bewiesen haben (Lukas 10,30-37; Johanes 13,4-5).

► **Froag 14:** Em Goodet doonen sull wie nich meed wuaren. Woone Persoonen sullen no Galata 6,10 een besondren Wieet haben?

4. Daut Owentmol fieren

Mateus 26,26-28 Aus see eeten, neem Jesus daut Broot, dankt doafea en bruak daut en jeef siene Jinja daut en sed: Nemt en Et; dit es mien Kjarpa. 27 En hee neem een Kuffel Wien, en aus hee doafea jedankt haud, jeef hee an daut en sed: Drinkjt aula doavon, 28 wiels dit es mien Bloot en den nieen Bunt, daut fa vel vegoten woat, daut an kjennen dee Sinden vejeft woaren.

► **Froag 15:** Woone Bediedunk haft daut Owentmol (1. Korinta 11,24-26)? Aun waut erinnat, daut Broot en daut Kuffel?

5. Hopninjsvollet Jebed

Mateus 7,7-8

Froacht, en jünt woat jejeft woaren. Sieekjt, en jie woarn finjen. Klopt aun, en jünt woat opjemoakt woaren. 8 Wiels wea doa frajcht, kjricht; en wea doa sieekjt, finjt; en wea aunklopt, fa dem woat opjemoakt.

Daut Jebed es dee wichtichste oppgow von dee Christen. Dua sull kjeen Dach vegonen, aun dem wie nich gaunz bewusst, tiet fa den Harn enjeriemt haben.

► **Froag 16:** Wuafea sull wie drinjent *1. Timoteus 2,1* beden?

6. Jewen

Mateus 5, 42

Wan die wea om waut prachat, dan jeff am daut, en saj den nich auf, dee sikj von die waut lieen well

2 Korinta 9,7

Een jieda saul daut, waut hee sikj em Hoat veajenomen haft, met Freiden jewen en nich bemott. Gott es dee goot, dee met Freid jewen.

Wan ons gaunzet Lewen Gott jehiet, jehiet am uk ons Jeld, onse Tiet en onse Krauft. Daut sull ons nich schwoafaulen, von onsen Vemieejen waut fa den Harn auftojewen.

► **Froag 17:** Met woone Beloonunk doaf deejanja reajnen, dee jieren jeft (*Markus 9,41, vjl. Lukas 6,38*)?

7. Daut Evangelium vekjindjen

Markus 16,15-16

Hee sed to an: Got en dee gaunze Welt nenn en predicht aule Menschen daut Evangelium. 16 Wea doa jleeft en jedeept woat, woat seelich woaren; wea oba nich jleeft, woat vedaumt woaren

Jesus haft ons jeboden, daut Evangelium wiedatodroaken en aule Velkja to bringen. Daut kaun aul en ons enjsten bekauden kraunz aurfangen. Jieda von ons es doato oppjefoddat.

► **Froag 18:** Waut velangt Jesus von deejanje, dee am nofolkjen (*Markus 1,17*)?

8. Daut Rikj Gottes aun dee ieeschte Sted saten

Mateus 6,33

Oba sieekjt daut ieeschte no Gott sien Rikj en no siene Jerajchtichkjeit. Dan woa jie daut aundre uk aula kjrieen

Jesus trock omhea en predicht daut Evangelium vom Rikj Gottes (*Luka 8,1*). Am wia daut een Aunligjen, daut Menschen en dit Rikj nenkomen (*Lukas 13,23-24*). Dee Jeheemnise vom Rikj Gottes vejlikjt hee jieren met Jlikjnise.

► **Froag 19:** Wuaropp sull ons Blekj jerecht sennen (*2. Korinta 4,18*)?

B. Wiedre Stekjen von Jehuarsom

Üt dee zolrikje Steden, dee oppjerieecht woaren kjennen, sullen hia bloos eenje jenannt woaren.

1. Ons Omgank met dee Bibel

Kolossa 3,16

Lot Christus sien Wuat rikjlich mank jünt wonen. Belieet en halpt eena den aundren en aule Weisheit. Sinjt von een dankboaret Hoat Psalmen en Jeistliche Leeda, Gott to ieren.

Dee Bibel es Gottes Botschoft. Wie kjenne dee uk aus een Breef aun ons betieekjnen. Wan wie bejeistat doabennen lesen, woa wie Gottes Wellen emma beta kjanenlieren en een jeseajendet Lewen fieren.

► **Froag 20:** Waneea les ekj dee Bibel? Hab ekj fauste Tieden doafea enjeplont? Woonen Rüm sull daut Wuat Gottes en mien Lewen ennemen (*Josua 1,8*)?

2. Ons Ensauz en dee Jemeent

1. Petrus 4,10

Een jiedra saul siene Gow, dee hee jekjreajen haft brucken den neakjsten toom gooden to deenen, aus een Vewaulta, dee met Gott siene Jnodengowen trü omjeit

Gott well, daut siene Kjinja sikj vesaumlen, Jemeenschoft unjaren-aunda haben en eenaunda deenen. Wie sullen ons Christsenne nich aus Eenzelrana jestaulten (*Aposteljeschicht 2,42*).

► **Froag 21:** Wuato wua wie en *Hebrea 10,25* oppjefoddat?

3. Dee deachliche Oabeit

Efeesa 4,28 Wea met stelen jeplocht es, saul doamet opphieren en oabeyden gonen en opprechtich met siene Henj sien Broot vedeenen, en soo vel, daut hee waut haft, dee to jewen, dee nuscht haben.

Aul em Paradies hauden dee ieeschte Menschen wieetvolle Oppgowen. See sullen den Goaden Eden bebüen en bewoaren (1. Mose 2,15).

Dee deachliche Oabeit oba uk dee weakjliche Rüdach erfellen dem Wellen Gottes fa ons Lewen (2.Mose 23,12). Doabie sull wie nich Fül sennen, bie dem, waut wie doonen (Spricha 6,6).

► **Froag 22:** Woone ennaliche Enstalung halpt ons, onse Oabeit jieren to doonnen (Kolossa 3,23)?

4. Dee Omgank met ons Kjarpa

Wie vesorjen ons Kjarpa met Noarunk en fleajen dem (Efeesa 5,29). Wiels wie den Kjarpa von Gott jekjreajen haben, well wie den uk to siene lea ennsaten.

Reema 12,1 Breeda, wiels Gott soo vel Jnod en Metleet aun jünt bewesen haft, ermon ekj jünt, uk jüenen Kjarpa Gott to jewen aus een heiljet, lewenjet Opfa, daut Gott aunnemen kaun. Lot daut jün jeistliche Gottesdeenst sennen.

► **Froag 23:** Wuarom es een Jehuarsoma Omgank met ons Kjarpa wichtich(1. Korinta 9,27)?

5. Poatnawol

2. Korinta 6,14 Lot jünt nich toopspaunen met soone waut nich jleewen. Wiels waut kaun Jerachtichkheit met Ojjerajchtichkheit to doonen haben? Ooda woo kaun Licht met daut diestre Jemeenschoft haben?

Uk bie dee Poatnawol es daut wichtich, no Gottes Wellen to froagen. Daut kaun fa eenen Christen nich racht sennen, eenen onjleewenden Poatna to befrieen.

► **Froag 24:** Nan eenje wiedre Stekjen, en dee Gott ons Jehuarsom verlangt!

IV. Praktische schred tom Jehuarsom

A. Kjan Gottes Aunwiesunge

Psalm 119,11

Ekj hool dien Wuat em Hoat, daut ekj nich jeajen die Sindjin woa.

Derch dee Bibel belew wie den Wellen Gottes fa ons Lewen. Dee es soo aus een Licht en dee Nacht, daut ons den Wajch bedacht (*Psalm 119,105*). Wie motten dee lesen, om siene Aunwiesungen to erkjannen. Bütadem well wie opp dee auldoagsche, perseenliche hanwiesunken vom Heiljen Jeist achten.

B. Entwekjel dee rachte enstalunk toom Jehuarsom

Johanes 4,34

Jesus sed to an: Mien Eten es daut, daut ekj dem sienen Wellen doo, dee mie jeschekjt haft, en sien Woakj verechten doo.

Dee Leew to Jesus es dee rechtje ennaliche Enstalunk, dee wie bruken, om Gott jehuarsom senne to kjennen. Wea Jesus leeft, recht sikj jieren no dem, waut hee jesacht haft (*Johanes 14,23*). Wie sullen daut to onse Reajel moaken, den erkjanden Wellen Gottes *gaunz, fuaz en jieren* to erfellen.

C. Nemm Gottes Krauft en Aunspruch

Johanes 15,5

Ekj sie dee Wienstüd, en jie sent dee Ranken. Wea en mie blift en ekj en am, dee brinjt vel Frucht. Onen mie kjenn jie nuscht doonen.

Ütieejna Krauft kjenn wie Gott nich jehuarsom sennen. Wan wie oba enj met Jesus vebungen bliewen, wuat siene Krauft en ons wirkjen en ons reed moaken, een jeheilichtet en jehuarsomet Lewen to fieren.

Jehuarsom

Waut es „Jehuarsom“?

- A. **Unjaordnunk unja eene Macht**
Hebrea 11,8
Jakobus 4,7
- B. **Eene friewelje Entscheidunk** *Reema 6,17*
- C. **Eene bennaschte Ennstalunk**
Psalm 40,9
 - Waut vesprakt Jesus deejanje, dee siene Jeboote hoolen [*Johanes 15,10-11*]

Wuarom sull wie Gott Jehuarsom sennen?

- A. **Gott velangt Jehuarsom**
Reema 1,5; 16,19
- B. **Jehuarsom es een Ütdruck onse Leew to Gott**
2. *Johanes 6*
- C. **Jehuarsom es dee eensje sennvolle Lewensmeajlichkeit**
Efeesa 2,10
- D. **Opp Jehuarsom rüt dee Seajen Gottes**
Jeremia 7,23

Wuarenn sull wie Jehuarsom sennen?

Waut haft Jesus ons oppjeft to doonen?

- 1. **Busse doonen** – *Mateus 4,17*
- 2. **Gott leewen** – *Mateus 22,37-38*
- 3. **Sienen Nekjsten leewen**
– *Mateus 22,39*
- 4. **Daut Owendmol fieren**
– *Mateus 26,26-28*
- 5. **Jebed** – *Mateus 7,7-8*
- 6. **Jewen** – *Mateus 5,42*
- 5. **Daut Evangelium bezejien**
– *Markus 16,15-16*
- 6. **Daut Rikj Gottes aun dee ieeschte Sted saten** – *Mateus 6,33*

Wiedre stede von Jehuarsom

- 1. **Ons Omgank met dee Bibel**
Kolossa 3,16
- 2. **Ons Ensauz en dee Jemeend**
1. *Petrus 4,10*
- 3. **Dee deachliche Oabeit**
Efeesa 4,28
- 4. **Dee Omgank met ons Kjarpa**
Reema 12,1
- 5. **Poatnawol**
2. *Korinta 6,14*

Goode schred toom Jehuarsom

Kjan Gottes Aunwiesungen

Psalm 119,11

Endwekjel dee rachte Enstalunk toom Jehuarsom

Johanes 4,34

Nemm Gottes Krauft en Aunspruch

Johanes 15,5

Deep denkjende Froagen

1. Schriew ütwendich opp : *Johanes 14,21*
2. Waut bediet „Jehuarsom“?
3. Woone Enstalunk dem Jehuarsom jeajenewa sull wie haben?
4. Woarom wurscht dü Gott Jehuarsom sennen?
5. Woone Trobbels brinjt dee Onjehuarsom met sikj?
6. Nan eenje Seajnunge, dee Gott deejanje vesproaken haft, dee am Jehuarsom sent.
7. Woont es daut jratste en wichtichste Jeboot ewahaupt (*Mateus 22,37-38*)?
8. En woone Lewensloag verlangt Gott ons Jehuarsom?
9. Waut bediet daut fa ons, toieescht no dem Rikj Gottes to trachten (*Mateus 6,33*)?
10. Woo lia wie daut, Jehuarsom to senne?



© phmorth - istockphoto.com

**Gott lat dee Vesieekjunge en ons Lewen to,
oba hee lajcht ons niemols meea oop, aus
wie droagen kjennen.**

Aunfajchtungen

Jieda Christ woat en Aunfajchtungen komen, en kaun doaderch en groote Schwierichkeiten jeroden. Doamet wie een jlekjeljet Christenlewen fieren kjennen, mott wie lieren, met Aunfajchtungen rechtich omtogonen. Gott well ons fa Aunfajchtungen bewoaren, dee onse Krauft ewastieen, en ons Krauft jewen, dee Vesieekjungen goot to bejeajnen.

„Daut haft jünt batnü bloos menschliche Vesieekjunge jetroffen. Gott oba es trü; hee woat nich toloden, daut jie ewa jün Vemieeen vesocht woat, oba hee woat tojlikj met dee Vesieekjunge uk daut Enj schauffen, soodaut jie dee vedroagen kjennen.“ – 1. Korinta 10,13

I. Waut sent Aunfajchtunge?

Daut dietsche vestendnis „Vesieekjunk“ en „Aunfajchtunk“ betieekjnen beid daut selwe. Daut griechische Wuat, „peirazo“ fa „vesieekjen“ haft doajeajen twee Bediedungen:

A. „Dee veschiedenheit von een jejewden Motstock reizen “

Met „Aunfajchtunk“ meen wie aulsoo dee proow, jeemaunt von een Motstock auftobrinjen. Doamet es daut jankren to eene Sind jemeent, daut een Mensch speat.

Jakobus 1,14-15

Oba een Mensch woat vesocht wan hee von siene ieejne beese Lost metjereten woat. 15 Wan dee beese Lost sikj faujesat haft, woat dee Sind jebuaren. En wan dee Sind jedonen es, brinjt see den Doot.

► **Froag 1:** Von woon „Motstock“ well dee Vesieekjunk ons aufbrinjen (2. Tessonionicha 2,15)?

Toom rajchten Verstentnis: Dee Aunfajchtunk selfst es noch kjeene Sind, kaun oba to Sind fieren.

B. Jeemaunt oppe Proow stalen / jeemaunt proowen

Wan daut Wuat „vesieekjen“ en dee Bibel em Senn von „proowen“ ooda „opp dee Proow stalen“ jebrukt woat, woat daut em Auljemeen en doano ewasat. Eenje Biespels doatoo sent:

Psalms 26,2

**Unjasieekj mie, oo Harr, en proow mie üt;
unjasieekj mien Hoat en uk miene Jedanken**

2 Korinta 13,5

C. Openboarunk 2,2

► **Froag 2:** Waut bediet 1. Mose 22,1ff en dise Bejewenheit?

II. Steden von Aunfajchtungen

Daut es dem Soton doaraum to doonen, ons to faul to bringen. Doawejen sull wie weeten, en woone Lewensloag wie besondasch stoakj vesucht woaren.

1. Johanen 2,16

**Wiels aules waut en dise Welt es, jeltjierich sennen,
hinjaraun sennen no waut dee Uagen jankat en sikj
groot doonen, daut staumt nich vom Voda. Daut es
von dise Welt.**

Dee dree en 1. Johanen 2,16 jenande Aufschnett-**Fleescheslost, Uagenlost, Stolt** – jebrukt dee Soton emma wada, om ons to Faul to brinjen. Uk Jesus woat en aul dise dree Steden vesucht.

► **Froag 3:** Bitte les Lukas 4.1-13 en finj rüt, woo dee Vesekjungen em Lewen Jesu werkjlich ütleeten en woo Jesus dee wadastunt.

- Dee Fleescheslost (*Lukas 4,1-4*):
- Dee Uagenlost (*Lukas 4,5-8*):
- Stoltheit (*Lukas 4,9-13*):

► **Froag 4:** Bitte les 1. Mose 3,6 en finj doarüt, opp dee dree jenande Steden von Aunfajchtunge uk doa to finjen sendt. Wan jo, en waut fa Stekjen.

- Dee Fleescheslost:
- Dee Uagenlost:
- Stoltheit:

A. Fleeschelost (Kjarpalichet Velangen)

Dee Woakjen vom Fleesch woaren en (*Galata 5 19-21*) jenant.

Aun dise Sted Sull wie foljendet weeten:

- Eten en Drinkjen sent Gowen Gottes, dee wie jeneeten kjennen. Dee kjennen oba uk ütjriesen en Freten en Süpen (*Reema13,13*).
- Rü en scheengonen sent von Gott jewullt. Doarom haft hee t.B. den sewenden Dach aus Rüdach enjesat. Fülheit doajejen es nich von Gott jewullt (*2. Tessalonicha 3,10*).
- Daut Jeschlachtslewen es een Jeschenkj Gottes, daut en dee Ehe sienen Plauz haft. Büta dee Ehe fiet daut Jeschlachtslewen to Onzucht, (*Spricha 6,25*)

B. Uagenlost (Bejierichkeit von dee Uage)

To dee Uagenlost jehieet secha uk dee Jiez. En dee Tieden Jebooten woat ons veboden, daut Hüs, dee Frü, den Kjnacht, dee Kjeakjsche, dee Rinda, Esel, ooda irjentwaut aundret, daut onse Metmenschen jehieet, to jankren (*2. Mose 20,17*). Uk Jesus warnt ons:

Lukas 12,15

Dan sed hee to an: Siet veasechtich, paust opp daut jie nich jiezich woaren; daut Menschenlewen henjt nich duavon auf, daut hee vel besetten deit.

Achan leet sikj derch daut, waut hee sach, vefieren.

Josua 7,20

Dan sed Achan to Josua: Daut es soo, ekj hab mie aun dem Harrn, Israel earen Gott, vesindicht. En dit es waut ekj jedonen hab: 21 Ekj sach mank daut Kjrichskaptol eenen dieren Mauntel en 200 Selwastekja en eene Goltstang, waut een haulwet Kilo wuach. Ekj kunn daut nich wadastonen en neem mie daut. Dü woascht daut aula en mien Zelt unjajeschoaft finjen; en daut Selwa licht daut unjaschte.

Uk hia jelt: Gott jeft ons schmoke Tietelje sachen, domet wie dee brucken kjennen. Weajen, ons bejieren, en "Uagenenlost" kaun daut eene Jefoa fa ons bedieden.

► **Froag 5:** Woo go wie rechtich met onse Tietelje sachen om (*1. Timoteus 6,8*)?

Dee Jankaja Aunblekj eene Persoon von een aundret Jeschlacht es krakjt soo Sind (*vjl. Mateus 5,28*). Hiob haft doaweajen een Bund met siene Uagen jeschlotten, daut hee kjeene Junkfrü met een Jank-ajen Blekj bikjikjen well (*Hiob 31,1*).

C. Huachmoot

Dee Ütdruck Huachmoot es enj vebungen met Stolt en Ooltnesichkkeit.

Spricha 16,5

Dee Harr kaun dee stolte nich vedroagen, gaunz secha woaren dee nich onen jestroft wajchkomen

2. Timoteus 3,2

Menschen woaren vel von sikj selft hoolen, nom Jelt henjaraun sennen, sikj selfst huachholen, jeajenaun sennen, Lastren, dee Elren nich jehorchen, ondankboa, onheilich sennen.

Wie strewen jieren no Aunerkanunk en Macht. Jesus doajeajen kaum nich, om sikj deenen to loten, oba om ons to deenen (*Markus 10,45*).

D. Wiedre Meajlichkeiten

Daut jeft meea Steden, dee ons to Vesieekjunk woaren kaun:

- onse ieejne Jedanken (*Mateus 5,19*)
- dee Spott von Nichtchristen (*Lukas 9,26*)
- Errlieren, Redensoaten (*Kolossa 2,8*)
- Vefoljunk, Lieden, Krankheit (*Reema 8,35*)

Dee Soton weet uk om onse besondere Schwakheit, dee hee jieren nuzt, om ons to Faul to brinjen. Doarom mott wie Waka senne, en met Aunfajchtungen reakjnen.

III. Dee senn von dee Aunfajchtunge

Aunfajchtunge en Proowstekja jewen ons dee Jeleajenheit, daut wie ons en onsen Gloowen derchschlonen kjennen. Dee Ajchtheit von onsen Gloowen woat sootosajen aufjeproof, waut ons to goodalatst Aunerkanunk en lea enbrinjt, wann Jesus wadakjemt (*1. Petrus 1,6-7*).

Uk wan ons daut schwoafelt, sull wie ons ewa Aunfajchtunge freien. Derch dee woa wie jeformt en kjennen aun dee Lieden Christi deelhaben.

1. Petrus 4,12-13

Leewe Frind, wan dee Vesieekjungen derch dee jie gonon motten, uk fiaheet woaren, doaweajen seet daut nich soo aun aus wan jünt waut bütajeweelichet, passieet, daut es bloos om jünen Gloowen opp dee Proow to stalen.¹³ Freit jünt leewa, wiels derch soone Vesieekjungen woa jie Christus siene Liedenspoatna. En dan woa jie nohea uk dee Freid haben aun siene Harlichkkeit deeltomen, dee dan verendach kjemt, wan Jesus komen woat.

► **Froag 6:** Woone Folgen brinjen Aunfajchtungen verendach, wan wie ons en an derchschlonen (*Jakobus 1,2-4.12*)?

IV. Dee Heakunft von dee Aunfajchtungen

Komen Aunfajchtungen von Gott?

Jakobus 1,13

Wan een Mensch vesocht woat, saul hee niemols sajen, daut Gott am vesieekjt. Gott kaun nich toom beesen vesocht woaren, en hee vesieekjt uk kjeenem

Gott vesieekjt ons nich toom Beesen, oba hee kaun Aunfajchtungen too-loten, om onse Trüheit to proowen. Soo wort t.B. Jesus vom Jeist en dee Wiltinis jefieet, wua hee vom Diewel vesocht wort (*Lukas 4,1-2*).

Üt woone Kjwal komen dee Aunfajchtungen, dee ons von Gott wajchbringen wellen?

A. Dee Soton

Dee Soton es stendich bemieecht, ons to dee Sind to vefieren. Daut see wie vom ieeschten Buak enne Bibel aun bat han to Openboarunk. Doaweajen woat hee uk dee *Vesieekja* jenant (*Mateus 4,3; 1.Tessalonicha 3,5*). Besonda Freschbekjieede sent siene aunfajchtunge besondasch ütjeleewat, oba uk dee ervoarne Jleewende bliewen nich veschoont.

1. Petrus 5,8

Siet derchjedocht en waka, wiels jün Jeajna, dee beesa Fient, schlikjt sikj rom aus een brellenda Leiw en sieekjt no wem, den hee verieten kaun.

► **Froag 7:** Waut erfoa wie en *Johanes 8,44* ewa den Soton?

B. Daut Fleesch

Met dem ütdruck „*Fleesch*“ kaun nü eenmol ons Kjarpa jemeent sennen.

Oba foaken woat daut Wuat „*Fleesch*“ aus eene Jemeeschoft fa dee menschliche Schwakheit en fa sien sindhautet Lewen jebrukt.

Toom leichtren Vestentnis woat dee ütdruck „*Fleesch*“ en niemootsche ewa-satunk met aundret vestentnis wadajeft soo t.B. „*menschliche Natua*“, „*menschliche Selftsucht*“, „*Fleescheljet Velangen*“ ooda „*ieejna Janka*“.

Galata 5 17

Wiels daut Fleesch velangt jrod daut, waut dee Jeist nich well, en dee Jeist well daut, waut daut Fleesch nich well.

1 Petrus 2, 11

Jakobus 1,14

► **Froag 8:** Woont sent dee Woakje vom Fleesch (*Galata 5,19-21*)?

► **Froag 9:** To woon Ziel fieet een Lewen em Fleesch (*Reema 8,13*)?

Wie sullen ons nich meea von onse ieejene sindje Natua vom „Fleesch“ bestimmen loten, oba vom Heiljen Jeist (*Reema 8,9*).

C. Dee „Welt“

Johanes 15,19

Wan jie noch von dise Welt wieren, wudd dee Welt daut eaje goot sennen. Nü sent jie oba nich von dise Welt, wiels ekj jünt doa rüt jewelt hab, en doaweajen kaun dee Welt jünt nich lieden.

1. Johanes 2,15

Siet nich hinjaraun no daut waut dee Welt aunto-beeden haft. Wea dee Welt en eare Lost jieren haft, en dem es nich dee Leew vom Voda

Met dem ütdruck „Welt“ es en dee Bibel nich emma onse leed jemeent. Dee bruckt daut Wuat „Welt“ uk fa Menschen, dee Gott nich kjannen, ooda fa dee onjettliche Ordnunk en dise Welt.

Dee „Welt“ vesieejt dee Jleewende Menschen duahan to bringen, dee sindje Jewanheiten en siene Omjeajent wada aantonemen Doaweajen kaun dee Frindschoft met dise Welt aus Fientschoft jeajen Gott betejenet woaren (*Jakobus 4,4*).

► **Froag 10:** Waut betieekjent dee Jemeeschoft von een Christ to dee Welt (*Reema 12,2*; *1. Johanes 5,4*)?

V. Vejewunk jekjreajen

Wan wie aus Christen een erfeldet Lewen fieeren wellen, passieet doch emma wada, daut wie ons dee Vesiekjunk hanjewen en dan en Sinde faulen.

1. Johanes 1,8

Wan wie sajen, wie haben kjeene Sind, dan lieej wie ons selfst waut vea en haben dee Woarheit nich en ons.

Jakobus 3,2

Doaweajen mott wie weeten, woo wie dee Aunfajchtungen rechtich bejeajnen en dee Vejewunk von dee Sinden en Aunspruch nemen kjennen.

Zwakjvolle Schred toom Sindenvejewunk:

A. Dee Sinde erkjanen

Psalm 32,3-4

Aus ekj miene Sind stelhoolen wull, stend ekj den dachewa doarunja, daut ekj schia omkjeem. 4 Dach en Nacht drekt mie diene schwoare Haunt; miene Krauft veschwunk mie aus en dee Sommahett

David haud siene ieejne Sinde erkjannt, en dee kjwelden am. Sien Jewessen kloagd am aun. Wan dü eene Dot aus Sind erkjannt hast, mottst dü uk doato stonen.

B. Dee Sinde Bekjanen

Psalm 32,5

Dan bekjand ekj die miene Sind, en dakjt kjeen orrajcht meea too. Ekj sed: Ekj well den Harrn mien Vegonen bejanen, en dan vejeeftst dü mie miene Sindenschult.

Bedd em Jebed Jesus om Vejewunk dee Sinde en wenj die bewust von dee auf.

► **Froag 11:** Waut woa wie erlwen, wan wie em Jebed Jesus onse Sinde bekjannen (1. Johanes 1,9)?

C. Dee Vejewunk em Gloowen annemen

Nodem wie Jesus om dee Vejewunk onse Sinde jebet haben, mott wie dee Vejewunk dee Sinde em Gloowe en Aunspruch nemen (Reema 5,1-2).

Reema 3,22

Daut es Gott siene Jerajchtichkeit, dee hee aul dee jwen deit, dee aun Jesus Christus jleewen.

- Daut kaun aun dise Sted behelplich senne, eene Veheetunk en dee Bibel to lesen (t.B. 1. Johanes 1,9).
- Dank Gott fuaz fa dee Vejewunk, dee hee die nü derch Jesus Christus jeschenkt haft (1. Tessalonicha 5,18).
- Bie onbewuste begone Sinde, derw wie met dee bestendje Reinjunk derch Jesu Bloot reakjnen, wan wie em Licht lewen (1. Johanes 1,7).

D. WiedreSchred

- Wan dü jeemaund ojjerajcht behandelt ooda beleidicht hast, sie reed, die to entschuljen.
- Wan dü jeemaund schoden aunjerecht hast, sie reed, den Schoden to ersaten (*gootmoaken*).
- Wan dü weajen dise Sach kjeenen Fred finjst, sieekj eenen Seelsorja opp.
- Droag eene Laust nich lang met die rom, oba brinj dee soo schwind aus meajlich en Ordninj.
- Go wada mootich aun dee Oppgow, dee Gott die jejeft haft.

VI. Siech ewa Aunfajchtunge

Gott lat zwoa dee Vesieekjunge en ons Lewen to, oba hee lat niemols meea to, aus wie droagen kjennen (*1. Korinta 10,13; 2. Petrus 2,9*).

- **Froag 12:** Jesus wort vesucht soo aus wie, oba hee sindijd nich. Woone Bediedunk haft dise Tautsach fa ons Omgang met Vesieekjunge (*Hebrea 2,18; Hebrea 4,15-16*)?

A. Kjan dee biblische Aunwiesunge

Psalms 119,11

Ekj hool dien Wuat em Hoat, daut ekj nich jeajen die Sinjen woa.

- **Froag 13:** Woone Meddel brukt Jesus, om dee Vesieekjunge vom Diewel to wadastonen (*Mateus 4,4*)?

B. Sie Waka

1. Petrus 5,8

Siet derchjedocht en waka, wiels jün Jeajna, dee beesa Fient, schlikjt sikj rom aus een brellenda Leiw en sieekjt no wem, den hee verieten kaun.

1. Korinta 16,13

Wie derwen nich meenen, daut wie irjentwan dee Aunfajchtungen jeajenewa jeschizt senne woaren. Foaken erfoaren Jleewende een Grooten velust, wiels see nich met Aunfajchtungen reakjnen.

- **Froag 14:** Wuarenn hant dee Jinja vesajcht, aus see met Jesus em Goaden Getsemane wieren en hee an oppjefoddat haud: „Bliedt hiea en woakt met mie!“ (Mateus 26,40)?

C. Meid Weaj to dee Vesieekjunk

Wie motten veasechtich senne, daut wie ons nich derch onbiblische Aunsechten metrieten loten, onsen fausten Staunt velieeren en schlieslich to Faul komen (2. Petrus 3,17).

Spricha 4,14-15 **Go nich opp dee gottloose earen Stich, doo nich soo aus dee schljachte doonen.15 Lot dee toch en go nich den Wajch, hool die duavon wajch en go wieda.**

Spricha 1,10

- **Froag 15:** Waut kjenn wie doonen, om met jewesse aunjachtungen goanich jeajenewa to woaren (Psalm 1,1; 2. Timoteus 2,22)?

D. Bed om Siech

Mateus 26,41 **Woakt en bet, daut jie nich en Vesieekjunk faulen. Dee Jeist es wellich, oba daut Fleesch es schwak**

Daut Jebed haft eene entscheidende Bediedunk, wan daut duarom jeit, Siech ewa Aunjachtungen to haben. Doabie sull wie nich bloos om den ieejen Siech, oba uk om den Siech em Lewen aundren to beden.

- **Froag 16:** Woon Jebetsaunligjen haud Paulus fa dee Jleewende en Efeesa (Efeesa 3,16)?

E. Wadastone

Jakobus 4,7 **Aulsoo, unjastalt jünt Gott. Stalt jünt jeajen den beesen Fient, dan woat hee von jünt veschwinjen.**

Wan wie erkjant haben daut dee Soton ons aunjriepen well, mott wie am bewusst en soofuz wadastonen. Bie besondere hoade Aunjachtungen kaun daut needich senne, dee diestre Macht direkjt auntsprekjen en dee em Nomen Jesu Christi to jebeeden, von ons wachtoonen (Mateus 16,23; Aposteljeschicht 16,18).

- **Froag 17:** Wuamet kjenn wie dee brennende feilen von Soton aufwearen (Efeesa 6,16)?

Aunfajchtungen

Waut sent Aunfajchtungen

Daut griechische Wuat „peirazo“ fa „vesieekjungen“ haft twee Bediedungen:

- „Toom aufbliewen von eenen jejewden Motstock reizen“
Jakobus 1,14-15
- „Waut ooda jeemaunt opp dee Proow stalen/jeemaunt aufproowen“
2. Korinta 13,5

Steden von Aunfajchtungen

1. Johanes 2,16

- Fleeschelost (kjarpalichet Velangen)
- Ugenlost (jankren von dee Uagen)
- Stolt
- Wiedre Meajlichkeiten:
 - Spott (*Lukas 9,26*)
 - Errierasch (*Kolossa 2,8*)
 - Vefoljunk, Lieden (*Reema 8,35*)

Heakunft von dee Aunfajchtungen

Dee Soton

1. Petrus 5,8

Daut „Fleesch“

Galata 5,17

Dee „Welt“

Johanes 15,19

Vejewunk Jekjreajen

Dee Sinde erkjannen

Psalm 32,3-4

Dee Sinde bekjannen

Psalm 32,5

Em Gloowen aunnemen

Reema 3,22

1. Kjann dee biblische Aunwiesungen

Psalm 119,11

2. Sie waka

1. Petrus 5,8

5. Wadastonen

Jakobus 4,7

Siech ewa Aunfajchtungen

3. Meid Weaj too Vesieekjunk

Spricha 4,14-15

4. Bed om Siech

Mateus 26,41

Deep denkjende Froagen

1. Schriew ütwendich opp: *1. Korinta 10,13*
2. Waut bediet „*Vesieekjunk*“?
3. En woone Lewensloag jeft daut Vesieekjungen?
4. Woone Steden von Aunfajchtungen woaren en *1. Johanes 2,16* jenannt?
5. Wuahea komen dee Aunfajchtungen?
6. Wuarom es den Soton soo seea duarom bemecht, ons en dee Sind to schmieten?
7. Haben Aunfajchtungen uk eenen gooden Zwakj? Wan jo, woonen?
8. Waut sull wie doonen, wan wie derch Aunfajchtungen en Sinde jefoolen sent?
9. Woo kjenn wie dee Aunfajchtungen jewennend bejeajne?
10. Woone Bibelsted kunn die en Tiede bie dee Aunfajchtungen eene besondre Help sennen?



© SinderStock - istockphoto.com

Aun dee Woakjen Gottes, besondasch aun
dee Schepfunk, kaun jieda erkjanen, daut
daut een aulmajchtjen Gott jeft

Gott Kjanen en Leewen

To dee Gruntfroagen vom Lewen jehieet dee Froag no Gott: „Wea es hee? Woo lia ekj am kjanen? Woo sull miene Jemeeschoft to am ütseenen?“

Wea vesiekjen well, Gottes wissenschaftlich üttoforschen, woat ewa eenje wichje Erkjantnise nich rütkomen. Wea doajeajen dee Bibel studiet, woat Gott kjanenlieren, woo hee werkjlich es.

I. Wea es Gott?

Wie kjennen Gott kjanenlieren, daut hee sikj selft ons openboat haft. Wan wie vesieekjen, Gott bloos derch Nodenkjen, Denkjoaten, Tovestunen ooda Jefeelen üttoforschen, woa wie opp faulsche Weaj jeroden.

► **Froag 1:** Waut wudd wie ewa Gott weeten, wan wie dee Bibel nich hauden?

Wan wie Gott kjanenlieren wellen, woo hee werkjlich es, woa wie rechtich jefieet, wan wie beachten, woo hee sikj en dee Bibel openboat. .
Waut erfoa wie doa ewa am?

A. Gott es dee schepfa

Wiels Gott dee Schepfa ooda dee Jrinda von aules es, waut doa left, es hee eensichoatich .

2. Mose 20,11

En sas Doag muak dee Harr den Himmel en dee Ieed, daut Mea en aules waut dua bennen es. En aum sewenden Dach reiwde hee sikj. Doaweajen seajend hee den Sabat en heilijde den.

Psalm 102,26

Em aurfank leidsd dü dee Ieed den Grunt, en diene Henj haben den Himmel jemoakt.

En dee Psalmen woat Gott foaken aus dee schepfa, en aus dee Harrscha veajestalt, dem dee Iea en Aunbedunk traft (*Psalm 8,1-5; Psalm 19,1-7*).

► **Froag 2:** Woone Bediedunk haft dee wertlichkjeit, daut Gott ons Schepfa es, fa onse Gloowen?

B. Gott es dee Hechsta

Ewa aule selfstjemoakte Aufjetta, ewa aule huachaunjseene Harschoften en ewa aule Machten en dee himmlische Welt, Troont Gott aus dee Hechsta. Kjeena es hecha aus hee, en kjeena es am jlikj.

1. Mose 14,18-20

En Melchisedek, dee Kjennich en Salem, brocht Broot en Wien. Hee wia een Priesta fa dem hechsten Gott.19 Dee seajend Abram en sed: Mucht dee hechsta Gott, dee den Himmel en dee Ieed jemoakt haft, die seajnen.20 Wie lowen den hechsten Gott dee die diene Jeajna en diene Macht jejeft haft. En Abram jeef Kjennich von Salem een Tieendel von aules waut hee met trigj jebrocht haud.

Psalm 50,14

Psalm 91,1

► **Froag 3:** Waut sull wie doano *Psalm 46,11* erkjanen?

C. Gottes „Jehova“

Daut jeft en dee Bibel eenje hundat Nomes ooda Aungowen fa Gott, t.B. Dee „Hechsta“, dee „Aulmachtja“ wuabie den Gottesnomen „Jehowa“ dee wichtichsta es. Dee Jüden haben disen Nomen üt Ieaforcht nich ütjesproaken en hilden dee Betiekjnunk „Adonai“ = „Harr“ vea. En dee Luther ewasatunk woat dee Nome „Jehowa“ met „HARR“ wadajejeft.

Dee Erkjlearunk fa den Nomen „Jehowa“ finj wie en:

2. Mose 3,14

En Gott sed to Moses: Ekj sie, dee ekj sie. En hee sed: Soo saust dü to dee Israeliten sajen: „Ekj sie“, haft mie no jünt jeschekjt.

Daut ütsajen „Ekj sie, dee ekj sie!“ (ooda: „Ekj wua senne, dee ekj sennen woa“) wiest opp Gottes eewjet Doasennen han. Hee es dee, dee emma es, dee Lewendja. Hee es one Aunfank en one Enj. Hee es eewich.

- **Froag 4:** Uk Jesus stald sikj met dee Wieed „Ekj sie ...“ vea. Nann eenje von sojenande „Ekj-sie“ Wieed (t.B. *Johanes 6,35; 8,12; 10,9. 11; 14,6; 15,1*)?

D. Ieejenschoften Gottes

Wan wie dee Froagen beantwuaten wellen, wea Gott es, dan kjenn wie von siene Ieejenschoften en von sien Wirkjen vetalen. Eenje Ieejenschoften Gottes sullen hia jenannt woaren.

1. Gott es eewich

Psalm 90,2

Eea dee Boaj verendach jebrocht worden, ooda eea dü dee Ieed en dee Welt heastalsd, best dü Gott en aule Eewichkjeit

1. Timoteus 6,16

2. Gott es aulweetent

- Hee sitt aules aun jiedrem Uat (*Spricha 15,3*).
- Hee weet aules ewa sikj selfst (*1. Korinta 2,10-11*).
- Hee weet aules ewa ons (*Mateus 10,29-31*).
- Hee weet, waut meajlich jewast wia en sennen wudd (*1. Samuel 23,10-13; Mateus 11,21-24*).
- Hee kjant dee Vegonheit, Jeajenwuat en Tokunft (*Jesaja 42,9; 46,9-10; Aposteljeschicht 15,17-18*).
- Hee weet om aule Jedanken, Wieed en Woakjen (*Psalm 139,2-4*).

- **Froag 5:** Wuaweajen es daud fa mie een Troost, daud Gott mie aulaweajen sitt en met aul miene Weaj bekaunt es?

3. Gott es aulaweajen

Psalm 139,5-7

Dü best von aule Sieden rom mie, en helst diene Haunt ewa mie. 6 Soone Erkjantnis es too wundavoll; fa mie en daud es too huoch; ekj kaun daud nich bejriepen. 7 Wua kaun ekj hangonen, dienen Jeist loostowoaren; wua han flichten, üt diene Jeajenwuat to komen?

Jeremia 23,24

4. Gott es Aulmachtich

Psalm 115,3

Oba ons Gott es em Himmel; hee deit waut hee well.

Reema 4,20-21

5. Gott es Heilich

Psalm 22,4

En doch best dü jekjreent aus dee Heilja; dü best dee, den Israel loft.

Jesaja 6,3

6. Gott es Leew

1. Johanes 4,16

Wie haben daut enjeseenen en jleewen daut, daut Gott ons goot es. Gott es leeftolich, en wea en dise Leew left, left en Gott, en en dem blift Gott.

1. Johanes 4,10-11

► **Froag 6:** Woone wiedre leejeschofte Gottes finj wie en dee Bibel?

II. Wuahea kjan wie Gott?

Aule Menschen haben eene jewesse Mot aun Weeten ewa Gott, wiels Gott selfst sikj eant openboat haft. Woo openboat hee sikj ons?

A. Bibel

Derch dee Bibel lia wie Gott kjanen. Hee haft dee Schriewasch von dee Bibel soo jelenkjt, daut see daut oppjeschrewen haben, waut dem Wellen Gottes paust. Wan wie dee Bibel ütforschen, lia wie Gott kjanen, woo hee es (*vjl. Hebrea 1,1-2a*).

2. Timoteus 3,16

Aule Schreft von Gott jejeft, es wietvoll ons to belieren, ons üttobetren, ons tracht towiesen, en ons to unjarechten, woo racht to lewen.

► **Froag 7:** Wuaropp wiest dee Bibel han (*Johanes 5,39*)?

B. Schepfunk

Reema 1,19-20

Waut eena von Gott weeten kaun, weeten see, wiels Gott haft an daut weeten loten 20. Von don aus Gott dee Welt jemoakt haft, es siene eewje Krauft en Gott-heit, dee verhea nich to seenen wia verendach jekom-en en to vestonen, derch daut waut hee, jeschaufen haft, soo daut see kjeene Entschuldjunk haben.

Aun dee Woakjen Gottes, besondasch aun dee Schepfunk, kaun jieda erkjanen, daut daut eenen aulmachtjen Gott jeft.

- **Froag 8:** Woone Bootschoft woat ons derch dee Stierns en dee gaunza Stiernhimmel vemeddelt (*Psalm 19,2-4*)?

C. Jesus Christus

Kolossa 2,9 Daut es soo, en Christus wont aules waut Gott es gaunz werkjlich.

Gott wort en Jesus Christus Mensch en kaum opp dise leed. Derch am lia wie den lewendjen en woaren Gott kjanen.

Johanes 14,9

Jesus sed to am: Ekj sie nü aul soo lang bie jünt, en dü kjanst mie nich, Filippus? Wea mie jeseenen haft, haft uk den Voda jeseenen. Woo kaust dü dan noch sajen: Wies ons den Voda?

Jesus predijd ons nich bloos dee Woarheit, oba hee es selfst dee Woarheit (*Johanes 14,6*).

- **Froag 9:** Wuaraun erkjanden aula, dee em Schepp wieren, daut Jesus dee Sehn Gottes es (*Mateus 14,32-33*)?

D. Jefeel

Jieda Mensch besett een bennaschtet Weeten om daut Doasenn-en Gottes. Dit von Gott enjewe de ennalichet Weeten kaun aus „bennaschtet jefeel“ betieekjent woaren.

Johanes 1,9

Daut wia daut woarhaufte Licht, daut fa aule Menschen schient, dee en dise Welt nenkomen.

Liera 3,11

Dee Bibel prooft kjeenmol daut Doasennen Gottes to bewiesen, oba see jeit emma von siene unjahault üt, en kjindicht Strof fa deejanjen aun, dee Gott liejen en veachten.

Reema 1,21

En wan see Gott uk kjanden, see jeewen am nich de Iea aus Gott, en haben am nich jedankt. See jeewen sikj en ea denkjen met vekjieede Jedanken auf, soo daut daut diestre en ea onvestendjet Hoat, ewahaunt neem.

- **Froag 10:** Wuaderch woat daut ennaliche Weeten om Gott, (*Jefeelen*) em Menschen vedunkelt (*Reema 1,28*)?

E. Jeschicht

Gott haft derch dee Profeeten foaken Erkjlearungen ewa daut Jeschekj von dee Israelite en dee Velkja om eant rom jemoakt. Daut komen dise Profezeiungen es emma een Tieekjen fa daut harschen en Aulmacht Gottes.

2. Mose 14,4

En ekj wua den Kjennich eene hoade Enstalunk jewen, en hee woat jünt hinjaraun joagen. Oba ekj woa mie derch dem Kjennich en siene gaunze Armee veharlichen, soo daut dee Egipta daut woat kloa woaren, daut ekj dee Harr sie. En see deeden daut soo.

Hesekiel 36,23

Derch daut Haundlen Gottes aun daut Volkj Israel sull siene Ieea ver dee Velkja groot woaren. Gott well, daut dee Nichjüden weeten, daut hee dee Harr es.

- **Froag 11:** En waut fa Stekjen jript Gott en dee ranende Jeschicht enn. (*Aposteljeschicht 17,26*)?

F. Wunda

- 1. Kjennichs 18,24** Lot dee Baals Profeeten den Nomen von earen Gott aun-roopen, en ekj woa den Haren sienen nomen aunroopen. En dan lot wie den, dee met Fia auntwuaten woat, Gott sennen. En daut gaunze Volkj sed: Jo, daut es racht.

Tiekjens en Wunda deenden foaken aus jewaulje Veastalunk vone Macht Gottes. Wunda passieeden to tiet em Oolen Tastament, to tiet Jesu, to tiet dee Apostel en dee passieren vondoag.

- **Froag 12:** Woonen Zwakj sulle dee Wunda erfellen, dee Jesus deed (*Johanes 20,30-31*)?

G. Perseenliche Erfoarunk

Jieda, dee Jesus Christus en sien Lewen oppjenomen haft, haft doamet eene perseenliche Erfarunk met am jemoakt (*Johanes 8,36; 14,27*).

Daut es eent von dee wichtichste Erfoarungen ewahaupt. Doarewa sull wie emma wada perseenliche Erfoarungen met onsen Harrn moaken.

► **Froag 13:** Nan eenje perseenliche Erfoarunk, derch dee die dee Jeajenwuat ooda Leew Gottes besondasch dietlich jewoarden es!

III. Dee Dree-eenichkjeit Gottes

Dee Bibel liet ons, daut et bloos eenen Gott jeft.

2. Mose 20,2-3

Ekj sie dee Harr jün Gott, dee jünt üt
Egipten, üt dee Sklowarie, jebrocht hab.
3. Jie derwen kjeen Gott haben büta mie.

5. Mose 6,4

Horcht, jie Israeliten: Dee Harr, en dee
Harr auleen, es ons Gott.

Jesaja 43,11

A. Bediedunk dee Dree-eenichkjeit Gottes

Obzwoa daut bloos eenen Gott jeft, openboat hee sikj ons en dreefacha Wies. Wie lieren Gott kjanen aus ...

- Gott, den Voda,
- Gott, den Sehn,
- Gott, den Heiljen Jeist.

Aule dree – Voda, Sehn en Heilja Jeist –
entwekjlen eene Eenheit: Gott!

Dee ütdruck „Dree-eenichkjeit“ kjemt nich
en dee Bibel vea. Dee Lia von dee Dree-
eenichkjeit (*Trinitet*) woart to aunfank vom

3. Joahundat von dem Kjoakjenschreftstala

Tertullian (150-220 n. Chr.) jepreacht, en uk von dem bediedenden
Kjoakjenvoda Augustin (354-430 n. Chr.) vetreden.

Dee Dree-eenichkjeit Gottes es een grootet jettlichet Jeheemnis,
daut wie weda vestonen noch ütvorschen kjennen. Luther sed doato:
„Onsen Bereakjnen, Fleescheljen en Wissenschoflichen Jesatzen finjen ewa
Gott kjeen jebruck.“



B. Wichtje Bibelsteden em toophank Dree-eenichkeit Gottes

Daut Jeheemnis von dee jettliche Dree-eenichkeit woat ons em Oolen Tastament ieescht aulmelich openboat. Daut Níee Tastament ret dietlich von Gott aus Voda, Sehn en Heilja Jeist. Fa dee dree Openboarungswies Gottes woat uk jieren dee ütdruck „*Persoon*“ jebruht.

Wua es von aule dree „*Persoone*“ dee Gottheit de Red?

1. Bie dee Doop Jesu

En *Mateus 3,13-17* woat von dee Doop Jesu berecht.

- Wea leet sikj von Johanes em Fluss deepen?
- Wea kaum en Jestault eene Düw opp Jesus rauf?
- Wea sed üt dem Himmel: „*Dit es mien leewa Sehn, aun dem ekj Wooljefaulen hab*“?

2. Em Missionsbefel

Mateus 28,19

Dan got nü no dee Velkja von dee Welt en moakt an to Lieelinja en deepst an en den Nomen von dem Voda, von dem Sehn en von dem Heiljen Jeist.

3. Em Seajen

2. Forinta 13,13

Mucht onsem Harrn Jesus Christus siene Jnod en Gott siene Leew en dem Heiljen Jeist siene Jemeenschoft met jünt aula sennen! *Amen*.

4. Biem komen vom Heiljen Jeist

Johanes 14,16

En ekj woa den Voda froagen, en dee woat jünt eenen aundren Treesta jewen, dee eewich bie jünt bliewen woat.

5. Bie dee Schepfunk dee Welt

1. Mose 1,1

Aum Aunfank muak Gott Himmel en Ieed.

1. Mose 1,2

En dee Ieed haud noch kjeen Jeschekj en kjeen Lewen, en ewa daut deepe Wota wia aules stock diesta. En Gott sien Jeist beweajd sikj ewa daut Wota.

Kolossa 1,16

Derch am muak Gott aules waut em Himmel en oppe Ieed jemoakt worde es, waut to seenen es en waut nich to seenen es, auf Troonen, Rejierungen, Harschoften en Jewaulten, daut es aules derch am en fa am jemoakt

6. Bie dee Erleesunk von dee Menschen

Johanes 3,16

Gott siene Leew fa dise Welt es soo groot, daut hee sienen eensjen Sehn jeef, daut aul dee, dee aun am jleewen, nich veloren gonen, oba daut eewje Lewen haben.

Johanes 3,5

Jesus sed: Ekj saj die dee Woarheit: Wea nich derch Wota en Jeist jebuaren woat, kaun nich en daut Gottesrikkj nenn komen!

Johanes 10,17

Mien Voda es mie doawejen goot, wiels ekj mien Lewen hanlaj, om daut wada to nemen.

7. Bie dee Heiljunk von Christen

Johanes 17,17

Heilj an en dee Woarheit, dien Wuat es dee Woarheit.

1. Korinta 6,11

En soone sent eenje von jünt jewast. Oba nü sent jie rein jewoschen, jie sent jeheilicht, jie sent jeracht jeworden derch den Nomen von onsem Harn Jesus Christus en derch den Jeist von onsem Gott.

8. Wiedre Bibelsteden tom jettlichen Dree-eenichkjeit

Reema 14,17-18; 15,16.30; 1. Korinta 12,4-6; 2. Korinta 1,21-22; Efeesa 2,19-22; 3,5-7.14-17; Titus 3,4-6; Judas 20-21

Daut es wichtich to beachten, daut dee Voda, dee Sehn en dee Heilja Jeist eene werkjliche Eenheit bilden.

► **Froag 14:** Waut sed Jesus ewa siene Jemeenschoft to Gott, dem Voda (*Johanes 12,44-45; vjl. Johanes 8,19; 14,9-11*)?

► **Froag 15:** Waut weet wie ewa dee Vebindunk tweschen Gott en dem Heiljen Jeist (*2. Korinta 3,17*)?

IV. Gott es ons Voda

Een Voda es em wuatlichen Senn jeemaunt, dee Kjinja jezeicht haft. Jeweenlich es hee dan uk dee Optrakja en Vesorja fa siene Kjinja.

Em wiedren Senn kaun daut Wuat „Voda“ opp Menschen aunjewant woaren, dee vodaliche Veantwuatunk ewanomen haben, t.B:

- een Vesorja dee Oame, dee Wetfrües en Weisen (*Hiob 29,16*).
- een Harrscha (*1. Samuel 24,12*).
- een Priesta (*Rechta 17,10*).
- een Profeet (*2. Kjennichs 13,14*).

Em Nien Tastament kjenne uk deejanje, dee aundre tom Gloomen jefiet haben, aus earen jeistlichen Voda aunjeseene woaren (*1. Korinta 4,15; Filippa 2, 22; Filemon 1, 10*)

A. Wems Voda es Gott?


1. Gott es dee Voda Jesu Christi

Efeesa 1,3

Ons Harr Jesus Christus sien Gott en Voda sull doafea jeloft woaren, daut hee ons, aus Himmelsbirja, aul dee jeistliche Seajnungen jeschonken haft.

Jesus ret foaken von Gott aus sienem Voda (*Johanes 5,17-18; 6,44; 10,25.29; 14,2*).

Dee Jemeenschoft tweschen Gott, dem Voda, en sienem Sehn es kjeen natieedlicha Voda-Sehn-Veheltnis. Jesus es nich derch siene Jeburt en Betlehem to Gottes Sehn jeworden, oba hee es Gottes Sehn von Eewichkjeit hea.



► **Froag 16:** Wua wia Jesus, eea dee Welt jemoakt wort (*Johanes 17,5*)?

2. Gott es dee Voda Israels

2. Mose 4,22

Dü woascht dem Kjennich sajen: Soo haft dee Harr jesajcht: Ierael es mien ieeschtjebuarna Sehn

Jeremia 31,9

Dee woaren oppem Trigjwajch hielen, en ekj woa an treesten en leiden. Ekj woa an no Wotastreem wiesen, en opp eenen jleien Wajch fieren, daut see sikj nich vestaupen. Ekj sie je Israel sien Voda, en Efraim es mien ieeschtjebuarna Sehn.

Wan Gott Israel ea Voda es, wia sikj daut Volkj foaken nich bewust, wiels bloos eenzelne betieekjenden am soo (*Jesaja 63,16*).

► **Froag 17:** Waut velangd Gott von sien Volkj? Woo sullen see am nanen (*Jeremia 3,19*)?

3. Gott es dee Voda von aule Jleewende

Wiels Gott dee Schepfa en Vesorja von aule Menschen es, sent aule Menschen siene Jeschepfe, oba nich aule sent Kjinja Gottes.

Derch den Sindenfaul es dee kontakt von Menschen to Gott vebroken, en daut brukt eene niee, jeistliche Jeburt, om een Kjint Gottes to woaren (*Johanes 1,12-13; 3,3*).

1. Johanes 3,1

Seet, waut dee Voda ons fa ne Leew bewesen haft, daut wie Gott siene Kjinja jenant woaren. Dee Welt kjant ons nich, wiels see am nich kjant.

► **Froag 18:** Woon Vearacht haft een Kjint Gottes (*Galata 4,7*)?

B. Waut bediet dee Vodaschoft Gottes fa ons?

Ons heakommlichet Vodabilt stemmt nich onbedinjt met dem vone Bibel awareen. Woo beschrift dee Bibel dee Jemeeschoft von himlischen Voda to ons?

1. Dee Voda haft ons leef

Johanes 16,27

Dee Voda selft es jünt goot. Hee es jünt goot, wiels jie mie goot sent en jleewen, daut ekj von Gott jekomen sie

► **Froag 19:** Woone Bediedunk haft daut fa mie, daut Gott mie leeft (*1. Johanes 3,1; vjl. Reema 5,8*)?

2. Dee Voda beschenkt ooda beloont ons

Mateus 6,1 Seet jünt vea, daut jie jün fromm sennen nich doar-opp ver Menschen eewen, daut jie wellen jeseenen sennen, dan hab jie von jün Voda em Himmel aul met kjeenen Loon to reakjnen.

► **Froag 20:** Waut jeft ons Gott jieren (*Jakobus 1,5*)?

3. Dee Voda sorcht fa ons

Mateus 6,26 Kjikt no dee Veajel enne Loft. Dee seien nich en arnten uk nich en saumlen nuscht en dee Stalinj, en jün Voda em Himmel foodat dee doch. Sent jie nich meea wiet aus dee

► **Froag 21:** Om waut sull wie ons kjeene Sorjen moaken (*Mateus 6,25; 10,19*)?

4. Dee Voda vejeft Sinde

Mateus 6,12 Vejeff ons onse Schult, soo aus wie dee vejewen, dee sikj aun ons veschulcht haben.

5. Dee Voda erhiet Jebeda

Mateus 18,19 En ekj saj jünt uk dit: Wan twee von jünt sikj hia oppe leed eenich woaren, om waut to bedden, dan woat mien Voda em Himmel jünt daut jewen.

6. Dee Voda haft Metleet

Lukas 6,36 Doawejen habt erboarmen, jrod soo aus jün Voda erboarmen haft.

7. Dee Voda ertrakjt ons

Hebrea 12,6-7 Wem dee Harr goot es, dem trakjt hee trajcht, en brukt Schleaj bie jiedren Sehn, den hee oppnemt. 7 Nemt daut aun aus belierunk! Gott behaandelt jünt soo aus Sehns. Wua es een Sehn, den dee Voda nich stroft en trajchthalpt ?

C. Onse Jemeenschoft tom Voda

1. *Johanes 1,3 b*

... en onse Jemeenschoft es met Gott den Voda en met sienen Sehn Jesus Christus.

Wiels Gott ons Voda es en goot fa ons sorcht, well wie opp siene Leew rechtich auntwuaten.

- **Froag 22:** Woo sitt dee Jemeenschoft von een Gotteskjint to sien himlischen Voda üt (*Reema 8,15; vjl. Galata 4,6*)?

Dee Voda well, daut wie ...

- **am aunbeden.**

Johanes 4,23-24 Oba dee Tiet kjemt, en es nü aul, daut dee woarhaaftje Aunbeda den Voda em Jeist en in dee Woarheit aunbeden woaren. No soone Aunbeda sieekjt dee Voda. 24 Gott es Jeist, en dee am aunbeden, motten am em Jeist, en en dee Woarheit aunbeden.

Efeesa 3,14

- **am dee Iea jeben.**

Filippa 2,11

... En aule Tungen sellen to Gott siene Iea bekjanen, daut Jesus Christus Harr es.

Filippa 4,20

- **am danken.**


Efeesa 5,20

En dankt en aules emma Gott, den Voda, fa aules en Jesus Christus onsen Harrn sienen Nomen.

Kolossa 1,12

Kolossa 3,17

Gott kjanen en Leewen



leejenschoften Gottes

Gott es ...

eewich
Psalm 90,2


aulweetent
Psalm 139,2-4

aulaweajen
Psalm 139,5-7

aulmajchtich
Psalm 115,3

heilich
Psalm 22,4

Leew
1. Johanes 4,16



Dee Dree-eenichkjeit

Waut bediet dee Dree-eenichkjeit Gottes?

Wie lieren Gott kjanen aus Gott, den Voda, Gott, den Sehn, Gott, den Heiljen Jeist.

Daut jeft bloos eenen Gott:
2. Mose 20,2-3; 5. Mose 6,4

Bibelsteden

- Doop Jesu *Mateus 3,13-17*
- Missionsbefel *Mateus 28,19*
- Seajen *2. Korinta 13,13*

Gott es ons Voda

Wems Voda es Gott?


- Dee Voda Jesu Christi *Efeesa 1,3*
- Dee Voda Israels *2. Mose 4,22*
- Dee Voda aule Jleewende *1. Johanes 3,1*

Bediedunk fa ons

- Dee Voda haft ons leef *Johanes 16,27*
- Dee Voda sorcht fa ons *Mateus 6,26*
- Dee Voda ertraktj ons *Hebrea 12,6-7*

Deep denkjende Froagen

1. Schriew ütwendich opp: *1. Johanes 3,1*
2. Woon Wajch, Gott kjanentolieren, fieet nich tom Ziel?
3. Woo wurscht dü een sas joaschet Kjint dee Froag „*Wea es Gott?*“ beauntwuaten?
4. Woone Ieejenschoften Gottes kjan wie üt dee Bibel?
5. Uk een onbekjieeda Mensch kaun – wan hee well – eenjet von daut Doasenne vom aulmachtijen Gott woanemen. Woo haft Gott sikj ons jeopenboat?
6. Waut bediet dee Ütdruck „*Dree-eenichkheit Gottes*“?
7. Nan twee Bibelsteden, met dee de Dree-eenichkheit Gottes belajcht woaren kaun!
8. Wems Voda es Gott?
9. Wonne Bediedunk haft dee Vodaschoft Gottes fa ons?
10. Woo kaun onse Jemeenschoft to Gott, dem Voda, deepa woaren?



© jcomp - stockadobe.com

Met sienem Doot aum Kjriez betold
Jesus Christus fa onse Schult, dee wie to
Gott haben.

Jesus Christus

– ons Heiland en Harr –

Jesus es nich bloos dee bekaundeste Perseenlichkheit von dee Jeschichte, oba uk dee bediedenste. Aun dee Stalunk, dee jeemaunt to Jesus Christus ennemt, entscheit sikj sien eewjet Heel. Wie lesen en *Johanes 3,36*:

„Wea aun den Sehn jleeft, dee haft eewjet Lewen; wea oba dem Sehn nich jleeft, dee woat daut Lewen nich seenen, oba dee Oaja Gottes blift opp am.“

Doaweajen es daut wichtich, kloare Auntwuaten opp foljende Froagen to jenen: Wea es Jesus Christus? Waut haft hee fa ons jedonen? Woo kjenn wie eene perseenliche Jemeenschoft to am kjreejen?

I. Wea es Jesus Christus?

Jesus stalt siene Jinja dee Froag: „Fa wem hool jie mie?“ Doaropp auntwud Petrus kort en pausent:

Mateus 16,16

.....Dü best dee Christus, den lewendjen Gott sien Sehn!

► **Froag 1:** Wautvone Auntwuaten kjree wie vondoag von onse Metmenschen opp dee Froag, wea Jesus es?

A. Jesus es Gottes Sehn

Aun vele Steden en dee Schreft woat Jesus aus „*Sehn Gottes*“ betieekjent (*t.B.: Mateus 4,3; 8,29; 14,33; 26,63*).

Jesus bekjant sikj doato, Gottes Sehn to senne en ret von Gott aus sien Voda.

Johanes 1,18

Kjeena haft Gott jeemols jeseenen. Oba sien eensja Sehn, dee Gott es, en gaunz dicht biem Voda es, dee haft ons aules von am vetalt

- **Froag 2:** Nan eenje Biespels üt dem Lewen Jesu, dee behaupten, daut hee werkjlich Gott es (*Markus 2,5; Lukas 6,8a; 1. Petrus 2,22*)?

Dee Krauft em Lewen Jesu wia een Tieekjen fa siene Frind, daut hee werkjlich dee Sehn Gottes es.

Ewa waut ooda ewa wem haft Jesus Macht?

- **Mateus 4,1-11:** Jesus wadastunt dee Sinde.
Hee haft Macht ewa dee Vesieekjungen.
- **Mateus 8,23-27:** Jesus steld den Storm.
Hee haft Macht ewa dee Natuajewaulten.
- **Markus 5,1-20:** Jesus heeld eenen Besetnen.
Hee haft Macht ewa dee Demonen. (beese Jeista)
- **Lukas 5,12-14:** Jesus heelt eenen Leprakranken.
Hee haft Macht ewa dee Krankheiten.
- **Lukas 7,11-15:** Jesus wuak den Jugentlichen von Nain vom Doot opp.
Hee haft Macht ewa den Doot.

Daut Lewen Jesu wia eenseloatich. Uk dit es een Hanwies doaropp, daut hee Gottes Sehn es.

- Siene Jeburt wia eenseloatich.
- Sien Deenst wia eenseloatich.
- Sien Stoawen wia eenseloatich.
- Sien Oppstonen wia eenseloatich.
- Siene Himmelfoat wia eenseloatich.

B. Jesus es Sehn vom Menschen

Jesus betieekjent sikj selfst seea foaken aus „*Sehn vom Menschen*“ ooda „*Menschensehn*“ (*Mateus 8,20; 9,6; 10,23; 11,19; 12,8.32.40; 13,37.41; 16,13*)

Markus 10,45

Soogoa dee Menschensehn kjeem nich, om sikj bedeenen to loten, oba om to deenen, en sien Lewen to jewen vele loostokjeepen.

Dee ütdruck „*Menschensehn*“ wiest doaropphan, daut Jesus werkjlich Mensch jeworden es. Hee haft dee Harrlichkeit biem Voda veloten, om

en siene gaunze Jestault Mensch to woaren, one doabie siene Gottessehnschoft opptojewen.

► **Froag 3:** Waut jeef Jesus opp, endem hee aus Mensch opp dise leed kaum (*Filippa 2,6-7*)?

Dee foljende Bejewenheiten bestedjen, daut Jesus werkjlich Mensch wia:

- **Lukas 2,7:** *Jesus wort aus Mensch jebuaren.*
- **Lukas 2,51:** *Jesus unjastalt sikj siene Elren.*
- **Markus 6,3:** *Jesus lieed aus Holtoabeida.*
- **Johanes 11, 35:** *Jesus hield.*
- **Mateus 8,24:** *Jesus schleep.*
- **Markus 11,12:** *Jesus haud Hunga.*
- **Johanes 19,28:** *Jesus haud Darscht.*
- **Johanes 19,30:** *Jesus storf.*

C. Jesus es ewich Gott

En *Hebrea 1,8* wuat von Jesus jesajcht:

„Dien Troon, o Gott, blift von Eewichkjeit to Eewichkjeit.“

Fa dee Metmenschen Jesu, wia hee nich einfach to vestonen, daut Jesus werkjlich lewd, eea hee en Bethlehem jebuaren wort. Obzwoa Johanes eea jebuaren wort aus Jesus (*Lukas 1,26*), ret hee von Jesus:

Johanes 1,15 *Johanes zeijd von am en sed gaunz lüd: No mie woat komen, dee aul ver mie wia, wiels hee wia eea aus ekj.*

► **Froag 4:** Woo vehilden dee Jüden sikj, aus Jesus eant sed:
„Eea Abraham wia, sie ekj!“ (*Johanes 8,57-59*)?

Krakjt soo, aus dee Voda en dee Heilja Jeist Gott sent, es uk dee Sehn woara Gott. Daut jeit üt *Johanes 1,1* em verüt:

Johanes 1,1 *Aus aules aunfunk, wia daut Wuat, en daut Wuat wia bie Gott, en waut Gott wia, wia daut Wuat.*

Jesus stalt sikj selfst Gott jlikj (*Johanes 10,30; 14,7-9*).

Johanes 5,18

Dan vesochten dee Jüden noch soo vel meea, am doot to moaken, nich bloos wiels hee den Sabat jebroaken haud, oba wiels hee sed, daut Gott sien Voda wia, en sikj selfst Gott jlikj stald.

Jesus wort uk aun aundre Steden en dee Bibel aus Gott betieekjent (*Reema 9,5; 2. Petrus 1,1; 1. Johanes 5,20*).

Wiels Jesus Christus Gott es, traft am uk Aunbedunk en wie derwen met onse Bedden no am komen (*vjl. Johanes 14,14; Filippa 2,10; Hebrea 1,6*)

Mateus 14,33

Dee waut em Boot wieren, kjeemen en beden am aun en seden: Dii best woarhaftich Gott sien Sehn

► **Froag 5:** Woo sull wie den Sehn Gottes ieren (*Johanes 5,23*)?

D. Jesus es dee eensja Rada

Daut Wuat „Heiland“ bediet „Rada“. Jesus wort ons Rada, endem hee fa onse Sinde aum Kriez opp Golgatha storf.

1. Johanes 4,14

En wie haben daut jeseenen en reden duavon, daut Gott sienen Sehn jeschekjt haft, dee Welt ea Heilant to sennen.

Apostelj. 5,30-31

Onse Staumvodasch ea Gott wuak den Jesus vom Doot opp, den jie derch dem kriezjen doot muaken.³¹ Den haft Gott erhowen bie sikj to rachte Haunt een Leida en Heilant to sennen, Israel bat dua to brinjen daut see omkjieren en an dee Sinden vejeft woaren.

Derch sienen Doot aum Kriez betold hee onse Schuld. Gott naum dit Opfa aun en wuak Jesus tom Lewen. Nü vejeft hee aulem dee Schuld, dee em Gloowen no am komen en am aus sienen perseenlichen Rada aunnemt. Hee erleest an en jeft an daut Racht, Gottes Kjint to woaren.

► **Froag 6:** Jeft daut büta Jesus eenen aundren Nomen en dise Welt, derch den wie uk jerat woaren kjennen (*Aposteljeschicht 4,12*)?

E. Sien Nome

Reema 1,7

....Mucht jie dee Jnod en den Fred von Gott onsem Voda en von dem Harn Jesus Christus haben!

1. Dee Betieekjnunk „Harr“

Apostelj. 10,36 Dit es dee Predicht, dee Gott dee Kjinja Israel jeschekjt haft, en daut hee an den Fred predjen leet derch Jesus Christus, dee ewa aules Harr es.

Daut Wuat „Harr“ kaun jebrukt woaren fa een Ieejendeema, een Wieet en fa den, dem Veierunk tragt. Jesus es ons Harr!

► **Froag 7:** Waut bediet en Wertlichkheit, daut Jesus dee Harr uk ewa deejanjen es, dee am nich aunjenomen haben (*Filippa 2,9-11*)?

2. Dee Nomen „Jesus“

Mateus 1,21 En see woat eenen Sehn to Welt brinjen, den saust dü Jesus nanen, wiels hee woat sien Volkj von eare Sinden raden.

„Jesus“ es dee Nome vom menschjewordnen Sehn Gottes. Daut es dee Nome, dee ewa aule Nomes es (*Filippa 2,9*).

Die Bediedunk:

„Jesus“ = „Gott rada“ ooda „Heel Jehova“ ooda „Hee, dem sien Heel Jehova es“.

► **Froag 8:** Woone jewaultje Krauftwirkjunge ligjen en dem Nomen „Jesus“ (*Aposteljeschicht 4,12; Reema 10,13; Johanes 14,13-14*)?

3. Dee Tietel „Christus“

Apostelj. 9,22 Oba Saul wort stoakja en stoakja, en predijd soo kloa to dee Jüden en Damaskus daut Jesus dee Christus es, daut see nich jeajen am stonen kunnen

„Christus“ es dee griechische Ewasatunk vom hebreischen Wuat „Maschiach“ („Messias“) en bediet „Jesaulwda“.

– „Jesus“ es dee Leachstonenda nomen von Sehn Gottes.

– „Christus“ doajeajen es siene Majestet Titel.

► **Froag 9:** Woone Nomes ooda Betieekjnunk woaren fa Jesus bütadem jebrukt? Waut bedieden dee fa ons aus Christen?

II. Lewestieden von Jesus Christus

A. Dee Tiet ver Jesu komen en dee Welt

Aul em Oolen Tastament woat daut Komen Jesu aun miere Steden aunjekjindicht. Den ieeschten – noch waut vedakjten – handiedunk es aul en *1. Mose 3, 15*.

1. Mose 3,14-15

En Gott dee Harr sed to dee Schlang: Wiels dü dit jedonen hast, woa ekj die bestrofen. Von aule Tieren woascht dü daut eensje sennen, dee oppem Buck krüpen mott, en dü wuoscht leweslank motten Ieed freten.¹⁵ Dü en dee Frü woaren jünt fientlich sennen, en jüne Nokomen woaren sikj nich lieden kjennen. Hee woat die dien Kopp vewunden, en dü wuascht am dee Hak vewunden.

► **Froag 10:** Woon ütdruck steit en *1. Mose 3,15* fa Jesus?

Wiedre Hanwiese em Oolen Tastament opp Jesus:

- Hee saul een Nokomen Davids senne (*2. Samuel 7,12-16*).
- Hee saul en Betlehem jeburen woaren (*Micha 5,1*).
- Hee woat om onse Sinde wellen lieden en stoawen (*Jesaja 53,3-9*).
- Daut Passalaum es een bilticha Hanwies opp den stalvetretenden Doot Jesu Christi: *2. Mose 12,5; Hebrea 9,14*.

► **Froag 11:** Waut weet wie von Jesus bütadem ewa dee Tiet, verdem hee Mensch jeworden es (*Johanes 1,3; 8,58; 17,24*)?

B. Dee Jeburt Jesu

Dee Sehn Gottes wort derch den Heiljen Jeist jezeicht (*Mateus 1,18-20*) en von Maria en Betlehem ca. 4 v. Chr. jebuaren (*Mateus 2,1*).

To dee Tiet wia Augustus Kjeisa em Reemischen Rikj (*31 v. Chr. – 14 n. Chr.*) en Herodes Kjennich en Jerusalem.

► **Froag 12:** Wuarom es Jesus Christus Mensch jeworden (*1. Johanes 3,5; 3,8; Hebrea 2,17*)?

C. Dee Jugenttiet Jesu

Dee Evangelien jeben ons kjeene Volkomne Beschriewunk von Jesus. Ewa siene Jugenttiet woat ons bloos een eensjet Veakomen berecht, nemlich sien ieeschta Besucch en Jerusalem em ella von 12 Joa (*Lukas 2,40-52*). Hee haud uk Breeda en Sestren (*Mateus 13,55-56*).

► **Froag 13:** Waut kjenn wie von siene Jemeenschoft to siene Elren lieeren (*Lukas 2,51*)?

D. Dee effentliche Oabeit Jesu

Jesus wia onjefea 30 Joa oolt, aus hee met siene effentliche Wirkjsomkheit aunfunk (*Lukas 3,23*). Sien effentlicha Deenst dieed onjefea dree Joa. Wie weeten von dree oppenaunda foljende Joaren Passafast, dee Jesus wearent siene Wirkjsomkheit meterleft haft:

1. Fast: *Johanes 2,13*
2. Fast: *Johanes 6,4*
3. Fast: *Johanes 11,55; 12,1; 13,1*

► **Froag 14:** Nan eenje wichtje Bejewenheiten üt dem Deenst Jesu opp dee leed (woo t.B. siene Lia ewa daut Rikj Gottes, dee Ermonunk dee Jinja, en Wunda doten)!

E. Daut Lieden en Stoawen Jesu

Keene aundre Erfoarungen üt dem Lewen Jesu woaren so omstendlich berecht woo daut Lieden, Stoawen en daut Oppstonen Jesu Christi (*Mateus 26-28*).

Daut Stoawen Jesu unjascheet sikj en vele Punkte von dem Stoawen aundre Menschen.

Waut woat bie sienem Stoawen soo besondasch?

- Hee profezeid sien Stoawen en sien Oppstonen aul em Verüt aun (*Mateus 16,21*).
- Hee gauf sien Lewen friewellich han (*Johanes 10,17-18*).
- Derch sien Stoawen worden dee profeetische ütsajen em Oolen Tastament erfelt (*Lukas 22,37*).
- Sien Stoawen aum Kjriez es een Bewies fa dee Leew Gottes to ons (*1. Johanes 4,10*).

- Bie dem Stoawen Jesu passieeden eenmolje Tieekjens: Dee Sonn veditstad sikj, dee Gardien em Tempel reet von bowen bat unjen entwei, dee Ieed Bebbad, Steena spoolden sikj, Jrewa muaken sikj op en vele Kjarpasch von dee vestorwne Heiljen worden oppjewakjt (*Mateus 27,50-53; Lukas 23,44-46*).

Wuarom wia daut Stoawen Jesu aum Kjriez ewahaupt needich?

- Wiels Gott weajen siene Jerajchtichkjeit onse Sinde rechten en ons bestrofen mott (*Reema 2,3.12*).
 - Wiels Jesus derch sienen Doot onse Sinden stalvetretend opp sikj neem (*Reema 5,9.10*).
 - Jesus roopt aum Kjriez: „daut es volbrocht!“ (*Johanes 19,30*)
- **Froag 15:** Woone Bediedunk haft daut Lieden en Stoawen Jesu fa soone, dee aun am jleewen (*Reema 5,8-9; Efeesa 1,7*)?

F. Daut Oppstonen Jesu

Von daut Oppstonen Jesu woat ons en aule veea Evangelien berecht (*Mateus 28; Markus 16; Lukas 24; Johanes 20*). Jesus es werkjlich oppjewakjt. Dee Jinja kunnen am seenen, met am reden en met am jemeen-som Eten (*Lukas 24,38-43*).

Uk wan daut Oppstonen von soo maunche Jeajnasch vom Gloowen aunjetwiewelt woat, jeft daut doch vele bewiese doafea, daut Jesus Christus werkjlich von dee Dooje Oppjestonen es.

En *1. Korinta 15,1-8* woaren ons dree wichtje Handiedunge jenannt:

- Dee Erfoarungsbewies: Varsch 1-2
- Dee Schreftbewies: Varsch 3-4
- Dee Zeijenbewies: Varsch 5-8

Daut Oppstonen Jesu von dee Doodje es een Bewies doafea, daut Gott daut Opfa Jesu aunjenomen haft en Jesu Radungswoakj jeltich es (*Reema 4,25*).

► **Froag 16:** Wuarom es Jesus von dee Doodje oppjestonen (*Lukas 24,46; 1. Petrus 1,3*)?

► **Froag 17:** Woone Folgen woat daut fa ons haben, wan Christus nich von dee Dooje oppjestonen wia (*1. Korinta 15,14-19*)?

G. Dee Himmelfoat Jesu

Aul 40 Doag no Jesus sien Oppstonen funk dee Himmelfoat Staut (*Aposteljeschicht 1,3*). Von dise Bejewenheit woat en *Markus 16,19-20; Lukas 24,50-53; Aposteljeschicht 1,4-11* berecht.

Aposteljeschicht 1,9

En aus hee dit jesajcht haud, sagen see daut hee ver an oppjehowen wort, en eene Wolkj neem am wajch, daut see am nich meea seenen kunnen.

Dee Himmelfoat Jesu wia needich, om den Heiljen Jeist no ons to schekjen (*Johanes 16, 5-7*).

► **Froag 18:** Waut deed Jesus aus hee nom Himmelfoa (*Markus 16,19; Hebrea 9,24*)?

H. Dee oppjehowna Jesus

Gott, dee Voda, haft met dee Himmelfoat sienen Sehn groot jemoakt, endem hee Jesus den Plauz to siene Rachte (*Markus 16,19*) en eenen Nomen jejeft haft, dee bediedenda es aus jieda aundra Nomen.

Filippa 2,9-11

Doaweajen haft Gott am uk huach jehowen en am eenen Nomen jejeft, dee ewa aule Nomes steit. 10 Em Nomen von Jesus sellen sikj aule Kjneen em Himmel en opp dee Ieed bieeen. 11 En aule Tungen sellen to Gott siene Iea bekjanen, daut Jesus Christus Harr es.

Wearent Jesus em Himmel es, es hee tojlikj oba uk bie siene Jinja oppe Ieed (*Mateus 18,20; 28,20*), jo, hee wont soogoa derch sienen Heiljen Jeist en ons (*Reema 8,9-11*).

► **Froag 19:** Woon Aumt haft Jesus nü (*Efeesa 1,22-23*)?

► **Froag 20:** Waut deit Jesus fa ons no siene Himmelfoat (*Johanes 14,1-3; Hebrea 7,25*)?

I. Daut Wadakomen Jesu

Jesus Christus wuat wadakomen. Doaropp weesen dee Enjel han, nodem Jesus en den Himmel oppjenomen worden wia.

Aposteljeschicht 1, 11 **Dee Enjel seden: Jie Mana von Galilea, wuarom sto jie hia en kijkje nom Himmel? Dis Jesus, dee von jünt em Himmel nenn jenomen wort, woat krakjt soo trigjkomen, aus jie am haben seenen nom Himmel foaren**

- Met daut Wadakomen Jesu jeit dee Tiet fa dise Welt to Enj (*Mateus 24,3*). Dan kjemt daut Weltjerecht (*Openboarunk 20,11-15*).
 - Gott woat eenen nieen Himmel en eene niee leed moaken (*Openboarunk 21,1-22,5*).
 - Deejanje, dee nü aul aun Jesus jleewen, woaren dan bie Gott en dee eewje Harrlichkeit sennen. Oba deejanje, dee nich en *daut Lewens-buok* oppjeschrewen sent, wacht dee eewje Kwol em Fiasee (*Openboarunk 20,15*).
- **Froag 21:** Woo woat Jesus wadakomen (*Openboarunk 1,7*) ?

III. Christus es ons Huagapriesta

Hebrea 8,1-2

Dee Hauptsach, dee wie to sajen haben, es dit: Wie haben eenen Huagenpriesta, dee em Himmel bie dem Aulmajchtjen sien Troon aun dee rajchte Sied sett. 2 Deent doa aus Huagepriesta em Aulaheilichsten, em woaren Aunbedaungszelt, daut Gott selfst oppjestalt haft, en nich een Mensch.

Dee Huagapriesta – woo wie am üt dem Oolen Tastament kjannen–wiest aul biltlich opp Jesus Christus han.

To siene Oppgowe jehieeden, dee Veseenungsofpa fa siene ieejne Sinde (*3. Mose 4,3-12*) en uk fa daut Volkj (*3. Mose 4,13-35*) to brinjen. Eenmol em Joa aum grooten Veseenungsdach darf dee Priesta met daut Bloot vom Opfa en daut Aulaheilichste, en daut Heilje Zelt gonen, om dee Radunk fa daut gaunze Volkj to bewirkjen (*3. Mose 16,1-34*).

Jesus Christus brocht kjeenen Boll en kjeen Schop soo aus een irdischa Huagepriesta aus Opfa doa. Hee jeft sikj selwst aus Opfa fa ons han (*Hebrea 9,27-28*). Dit Opfa es jeltich fa aule Tieden en brukt nich jieda Joa wadaholt to woaren (*Hebrea 9,25-26*).

Jesus es aus Mensch dee selfsje Vesieekjungen bejeajent soos wie uk, oba one doabie en Sind to faulen. Doaweajen kaun hee onse Schwakheite vestonen en met ons metfeelen. Wie derwen em vetrüen no am komen (*Hebrea 4,15-16*).

Wiels Jesus Christus ons Huagapriesta es, es hee ons:

A. Noaunbrinja

Daut Wuat „Priesta“ bediet uk „Norechta“. Hee es aulsoo jeemaunt, dee de Menschen dichbie Gott brinjt. Endem dee Priesta fa daut Volkj opfad, druach hee doatoo bie, Menschen met Gott to veseenen. Jesus erfelt fa ons dee Oppgow een Noaunbrinja.

Efeesa

Oba nü, es daut aundasch; nü sent jie Christen: Jie wieren wiet auf, oba nü sent jie derch Christus Jesus sien Bloot gaunz noaun jebrocht

B. Vemedla

Bloos Jesus es en dee Loag, dee Vebindunk tweschen Gott en dee Menschen wada heatostalen. Hee muak dee Veseenunk en es toom Vemedla jeworden.

1. Timoteus 2,5

Hebrea 9,15

Wiels doa es een Gott, en doa es een Vemedla, dee tweschen Gott en Menschen steit: Dee Mensch Christus Jesus

C. Vetreda

Aus Kjinja Gottes kjenn wie en Sinde faulen. Doaweajen bruck wie Jesus aus ons Vetreda biem Voda. Wie kjenne met onse Schuld no am komen en hee vejeft ons dee jieren.

1. Johanes 2,1

Leewe Kjinja, ekj schriew jünt dit, daut jie von dee Sind wajch bliewen. Wan oba doch wea sindjen sull, dan hab wie Jesus Christus, dee onen Sind es, en dee bie Gott den Voda fa ons enstonen deit.

Hebrea 7,25

- **Froag 22:** Wua en waneea sat Jesus sich fa ons enn? Woone Enlichkjeiten finj wie hia fa een irdischen Huagapriesta em Oolen Tastament (*2. Mose 28,12; Hebrea 9,24*)?

Jesus Christus

Wea es Jesus Christus?

A. Jesus es Gottes Sohn

Johanes 1,18

B. Jesus es Sohn von Menschen

Markus 10,45

C. Jesus es ewich Gott

Johanes 1,1; 5,18

D. Jesus es dee eensja Rada

1. *Johanes 4,14*

- Nan eenje Bejewenheiten üt dem Lewen Jesu, dee bestedjen, daut hee werkljich Gott es (*Markus 2,5; Lukas 6,8a; 1 Petrus 2,22*)!
- Waut jeef Jesus opp, endem hee aus Mensch opp dise leed kaum (*Filippa 2,6-7*)?

A Dee Tiet ver Jesu Komen en dee Welt 1. Mose 3,14 - 15

B Dee Jeburt Jesu

Mateus 1, 18 - 20

C Dee Jugendtiet Jesu

Lukas 2, 40 - 52

D Dee effentliche Oabeit Jesu

Lukas 3, 23

E Daut Lieden en Stoawen Jesu

Mateus 26 - 28

E. Sien Nomen

Reema 1,7

1. Dee Jemeenschoft „Harr“

Aposteljeschicht 10,36

Daut Wuat „Harr“ kaun jebrukt woaren fa den, dem Veierunk traft.

2. Dee Nomen „Jesus“

Mateus 1,21

„Jesus“ = „Gott rat“ ooda „Heelt Jahwes“ ooda „Hee, sien Heil Jahwe es“

3. Dee Titel „Christus“

Aposteljeschicht 9,22

„Christus“ es dee griechische Ewasatunk daut hebreischen Wuat „Maschiach“ („Messias“) en bediet „Jesaulwda“.

F. Daut Oopstonen Jesu

1. *Korinta 15, 1- 18*

G. Dee Himmelfoat Jesu

Aposteljeschicht 1, 4-11

H. Dee huach hewunk Jesu

Filippa 2, 9- 11

I. Daut Wadakomen Jesu

Aposteljeschicht 1, 11

Enja üt dem Lewen Jesu Christi

Christus es ons Huagapriesta

Noaunbrinja

Hebrea 8,1-2

Efeesa 2,13

Vemedla

1. *Timoteus 2,5*

Vetreda

1. *Johanes 2,1*

Deep denkjende Froagen

1. Schriew ütwendich opp: *Markus 10,45*
2. Nan twee Bibelsteden, dee wiesen, daut Jesus werkjlich Gott es!
3. Waut bediet dee Nomen „*Jesus Christus*“?
4. Oppzwoa Jesus woara Gott es, wort hee Mensch. Wuaraun erkjan wie, daut Jesus gaunz en goa Mensch wia?
5. Daut Komen Jesu en dee Welt wort aul em Oolen Tastament aunjekjindicht. Nan twee Hanwiese opp Jesus Christus üt dem Oolen Tastament!
6. Wan en wua wort Jesus jebuaren?
7. Woone Bediedunk haft daut Lieden en Stoawen Jesu fa aule, dee aun am jleewen?
8. Wuahea weet wie jeneiw, daut Jesus von dee Doodje oppjestonen es?
9. Wua es Jesus no siene Himmelfoat?
10. Woone Oppgow erfeld Jesus aus Huagepriesta fa ons?



© egyptianaherko - stockphoto.com

**Derch dee Jeajenwuat vom Heiljen Jeist
wuat ons Lewen oppjefrescht en jestoakjt.**

Dee Heilja Jeist

– siene persoon en sien woakj –

Wie lewen em Tietella vom Heiljen Jeist. Von Pinkjsten wirkjt dee Heilja Jeist en eene gaunz besondere Wies opp dise leed. Hee es dee, dee ons Krauft jeft, en een vollstenjet en erfeldet Lewen fieren kjennen.

„Wiels jie nü Sehns sent, haft Gott den Jeist siene Sehns en jüne Hoaten jeschekjt, dee roopen: Abba, Voda!“ Galata 4,6

- **Froag 1:** Woone Bediedunk haft dee Heilja Jeist fa die perseenlich? Woo wirkjt sikj siene Jeajenwuat opp dien auldoagschet Lewen üt?

I. Wea es dee Heilja Jeist?

Dee Heilja Jeist es nich eene onperseeliche Krauft, een onkloara Schauten ooda een onbestemmboaret „Jewesset“, oba hee es Gott.

A. Dee Heilja Jeist es Gott

Dee Gottheit den Heiljen Jeist erkjan wie doaraun, daut hee den Nomen Gott draicht en jettliche Ieejenschoften besett.

1. **Dee Nomen fa den Heiljen Jeist wiest opp siene Gottheit han.**
Dee Betieekjnunk fa den Heiljen Jeist sajcht ons vel doarewa wea hee es, woone Ieejenschoften hee besett en woone Oppgowen hee woanemt.

► **Froag 2:** Les dee foljende Bibelsteden en unjastriekj dee Nomes fa den Heiljen Jeist, dee opp siene Gottheit hanwiesen!

- | | |
|------------------|--|
| 1. Mose 6,3 | <i>En dee Harr sed: Ekj woa dem Mensch nich opp emma lewen loten, hee es doch Fleesch. Ekj woa am 120 Joa lewen loten!</i> |
| 2. Chronik 15,1 | <i>Dee Jeist Gottes kjeem opp Asarja, den Sehn Odeds .</i> |
| Hiob 33,4 | <i>Gott sien Jeist haft mie jemoakt; dee, dee aule Macht haft, püst mie daut Lewen en.</i> |
| Jesaja 11,2 | <i>Opp dem woat dem Harrn sien Jeist komen, een Jeist met Weisheit en Vestentnis, een Jeist met Rot en Krauft, een Jeist dee dem Harrn kjant en am iheet;</i> |
| Jesaja 61,1 | <i>Gott dem Harrn sien Jeist es opp mie jekomen, daut ekj daut doonen kaun, wuatoos dee Harr mie jesaulft haft.</i> |
| Mateus 10,20 | <i>Wiels daut sent nich jie, dee doa reden, oba jün Voda sien Jeist, dee derch jünt ret.</i> |
| Sacharja 12,10 | <i>Ekj woa dan ewa David siene Nokomen en dee Lied en Jerusalem eenen Jeist ütjeeten,</i> |
| Johanes 14,16-17 | <i>En ekj woa den Voda froage, en dee woat jünt eenen aundren Treesta jeben, dee ewich bie jünt bliwen woat. Daut es dee Jeist, dee Woarheit es, den dee Welt nich kjriien kaun.</i> |
| Reema 8,9 | <i>Oba jie sent nich em Fleesch, jie sent em Jeist, wan Gott sien Jeist werklich en jünt wont. Wan oba irjentwea nich Christus sien Jeist haft, dee es dan uk nich von dee sienje.</i> |
| Galata 4,6 | <i>En wiels jie nü Gott siene Sehns sent, haft hee ons sien Sehns sien Jeist en daut Hoat jejeft, dee am aunroopt aus Voda, leewa Voda.</i> |
| Efeesa 1,17 | <i>...daut dee Gott von onsen Harrn Jesus Christus, dee Harrliche Voda, jünt mucht den Jeist von Weisheit en Ensecht schenken, am beta kjanen to lieren.</i> |

► **Froag 3:** Woonen Nomen fa den Heiljen Jeist jeft daut bütadem?

Reema 8,15

2. Korinta 4,13

2. *Timoteus 1,7*

Hebrea 10,29

1. *Petrus 4,14*

2. **Dee Ieejenschoften vom Heiljen Jeist wiesen doaropp han.**
Wiels dee Heilja Jeist Gott es, trafen aule Ieejenschoften Gottes uk opp den Heiljen Jeist to. Uk dee Heilja Jeist es ...

- aulaweajen: *Psalm 139,7*
- aulmajchtich: *Sacharja 4,6*
- aulweetent: *1. Korinta 2,10*
- eewich: *Hebrea 9,14*

► **Froag 4:** Woone besondere Ieejenschoft von den Heiljen Jeist woat en *Reema 15,30* jenant?

B. Dee Heilja Jeist es „Persoon“

Dee Heilja Jeist es kjeen auljemeena Nomen fa dee Krauft Gottes, oba dee kaun uk aus „*Persoon*“ betieekjent woaren.

1. **Dee Heilja Jeist besett dee wichtichste Aundiedungen eene Persoon.**

Dee kaun denkjen, feelen, reden en hieren. Dee haft jrodsoo aus eene Persoon eenen Wellen.

Denkjen:

1. Korinta 2,11

Wea von dee Menschen weet, waut een Mensch denkt, büta sien Jeist, dee en am es? Jrod soo weet uk eensich Gott sien Jeist waut Gott denkjen en feelen deit.

Feelen:

Efeesa 4,30

Beleidicht Gott sien Jeist nich. Wiels dee Jeist es Gott sien Tieekjen, daut hee ons ieejent, dee Garantie, daut dee Dach kjemt, daut wie hia rüt jerat woaren.

Wellen:

1. Korinta 12,11

Oba aul dit wirkjt een en deeseljwa Jeist, en deelt eenem jiedren doano too, aus hee daut well.

Reden:

1. *Timoteus 4,1* Dee Jeist sajcht seea dietlich, daut en dee latste Tiet eenje vom Gloowen auffaulen woaren en sikj aun errfiende Jeista en Lieren hoolen, dee vom Soton staumen.

Hieren:

- Johanes 16,13* Oba wan dee Jeist, dee Woarheit es, komen woat, dee woat jünt de volle Woarheit lieren. Hee woat nich von sikj selfst reden. Hee woat bloos daut reden, waut hee jehieet haft, en woat jünt sajen, waut noch komen saul.

- **Froag 5:** Dee Haundlung vum Heiljen Jeist wies krakjt opp siene Persoon han. Woone Haundlung finj wie en *Johanes 14,26* en *Aposteljeschicht 8,29*?

2. Dee Heilja Jeist kaun aus eene Persoon behaandelt woaren

Dee Heilja Jeist kaun ...

- jelastat woaren: *Mateus 12,31*
- beluagen woaren: *Aposteljeschicht 5,3*
- betriept woaren: *Efeesa 4,30*
- beleidicht woaren: *Hebrea 10,29*

II. Dee Tieekjens fa den Heiljen Jeist

Dee foljende Tieekjens fa den Heiljen Jeist halpen ons, beta to vestone, wea dee Heilja Jeist es.

A. Dee Düw

- Mateus 3,16* En sooboolt aus Jesus jedeept wia, kjeem hee ütem Wota rüt, en dan muak sikj dee Himmel ewa am op, en hee sach Gott sien Jeist, soo aus eene Düw rauf komen en sikj opp am saten.

Johanes 1,32

Dee Düw, erinnat ons aun dee Saunftmoot en Reinheit vom Heiljen Jeist.

- **Froag 6:** Fa woone Ieejenschoft es dee Düw besondasch bekaunt (*Mateus 10,16*)?

B. Daut lewendje Wota

Johanes 7,38-39

Wea aun mie jleeft, soo aus dee schreft sajcht, üt dem sien bennaschtet woaren lewendje Wotast-reem ranen. 39. Hee died doamet opp den Jeist han, den dee, dee aun am jleewden, nohea kjrieen sullen. Wiels dee Heilja Jeist wia noch nich dua, wiels Jesus noch nich veharlicht worden wia.

Derch dee Jeajenwuat vom Heiljen Jeist woat ons Lewen jestoakjt en oppjefrescht. Jesus erkjlead dee Samaritafrü, daut deejanje, dee von daut Wota drinkjt, daut hee jeft, niemols meea Darscht kjricht (*Johanes 4,14*).

- **Froag 7:** Waut passieet, wan Wota opp driejet Launt jegoten woat (*vjl. Jesaja 44,3*)?

C. Daut Eelj

Eelj wort te Tiet em Oolen Tastament jebruckt, om Kjennichs, Priestasch en Profeeten to saulwen en an doamet to heiljen en ea Aumt entosaten (*t.B. 3. Mose 8,12*).

1. Samuel 16,13

En Samuel neem den Huarn met dee Eelj, en saulwd David doa en, aus hee doa mank siene Breedada wia. En den Harrn sien Jeist beweest sikj en Krauft opp David von dem Dach aun. En Samuel jinkj trigj no Rama

- **Froag 8:** Jesus wort met dem Heiljen Jeist jesaulft (*Lukas 4,18*). Woone Bediedunk haft dise Saulwunk fa den Deenst von Jesus (*Aposteljeschicht 10,38*)?

Aul deejanje, dee aun Jesus jleewen, worden krakjt soo met dem Heiljen Jeist jesaulft (*2. Korinta 1,21-22*).

- **Froag 9:** Woone Bediedunk haft fa ons aus Christen dee Tautsach, daut wie met dem Heiljen Jeist jesaulft worden (*1. Johanes 2,20.27*)?

D. Daut Fia

Lukas 3,16

Johanes sed to an aula: Ekj deep jünt met Wota, oba doa woat eena komen dee stoakja es aus ekj, jeajen dem ekj daut nich wieet sie, daut ekj am dee Schoo oplees. Dee woat jünt met dem Heiljen Jeist en met Fia deepen.

Aum Pinjstdach, aus dee Heilja Jeist ütjegoten wort, kaume sechtboare Tungen soo aus von Fia, dee sikj vedeelden en opp aulem von eant saden (*Aposteljeschicht 2,1-4*). Gott selfst woat aus een vetarendet Fia betieekjent (*Hebrea 12,29*).

► **Froag 10:** Woone Bediedunk haft daut Fia en *Lukas 12,49*?

E. Daut Stampel

2. Korinta 1,22

Hee haft ons fa sikj jestampelt. Hee haft ons sienen Jeist en ons Hoat jejeft aus eene Garantie fa daut waut noch komen saul.

Dee Jüden brucken daut Stampel fa den Aufschluss von een Vetrach. Een Kjeepbreef wort veseajelt. Dit deent aus Bestedjunk doatoo, daut dee Kjeepa dee rajchtschulja Ieejendeema es (*Jeremia 32,9-11*). Fa ons bediet dee Veseajlunk Jeltichkjeit en Jewessheit von onse Radunk (*Efeesa 4,30*).

► **Froag 11:** Waneea woa wie met dem Heiljen Jeist jestampelt (*Efeesa 1,13*)?

F. Dee Birj

2. Korinta 1,22

Hee haft ons fa sikj jestampelt. Hee haft ons sienen Jeist en ons Hoat jejeft aus eene Garantie fa daut waut noch komen saul

Wea een Birj jekjreajen haft, woat daut fa daut Rechtje entüschén wellen. Een Birj deent aus Garantie en jeft Sechaheit.

► **Froag 12:** Waut woat ons derch den Emfank vom Heiljen Jeist garantiet (*Efeesa 1,14*)?

III. Daut Wirkjen vom Heiljen Jeist en dee Heilsjeschicht

A. Dee Tiet von Oolen Tastament

Dee ieeschte Erwenunk vom Heiljen Jeist hab wie aul em ieeschten Kapitel en dee Bibel (*1. Mose 1,2*). Soomet wia dee Heilja Jeist aul aun dee Schepfunk bedeelecht (*Hiob 33,4*).

Dee Heilja Jeist muak eenselne Persoone reed fa bestemde Oppgowen.

- **Froag 13:** Bitscheen unjastrikk en dee foljende Varsch, waut dee Heilja Jeist deed ooda, waut dee Auntwuat von sien Wirkjen wia!

2. Mose 31,3 *Ekj hab am met Gott sienen Jeist jefelt, daut hee fehich en weis es dee Oabeit jeschekjt wiedatosten.*

4. Mose 14,24 *Bloos mienen Deena Kalep well ekj en daut Launt brinjen, waut hee unjasocht haft wiels en am een aundra Jeist es en hee mie trü nojefolcht es, en siene Nokomen sellen daut ennemen.*

Richta 3,10 *Dem Harrn sien Jeist kjeem opp am, en hee wort Rechta en Israel en jinkj toom Kaumf. En dee Harr jeef Kuschan Rischatajim, den Kjennich von Mesopotamien, en siene Jewault, soo daut hee dem Kjennich von Mesopotamien trigjschlönen kunn.*

1. Samuel 11,6 *Aus hee daut hieed, kjeem Gott sien Jeist en Krauft opp am, en hee wort seea doll.*

Dee Heilja Jeist kaun uk wada von eene Person wajchgone (vgl. Psalm 51,13)

1. Samuel 16,14 *Nü kjeem daut, daut dem Harrn sien Jeist Saul veleet. En een beesa Jeist vom Harrn kjeem en juach am Foarcht en.*

Ver Pinjsten wirkjt dee Heilja Jeist majchtich opp dise leed. Oba Jesus wees doaropp han, daut noch waut Jratret passieren wudd.

No dee „Veharlichunk“ Jesu sullen aula den Heiljen Jeist kjrieen, dee aun am jleewen (Johanes 7,39). Dee Veharlichunk Jesu betrakjt sikj opp sien Aufschluss von sien Erleesungswoakj en sien Trigjkomen no sienem himlischen Voda (Johanes 12,16. 23.31).

B. Dee Tiet vom Evangelien

1. Em Lewen Jesu

Wua finj wie daut Wirkjen von Jeist em Lewen Jesu?

1. Jesus wort vom Heiljen Jeist jezeichnet.
Lukas 1,35

2. Jesus wort vom Heiljen Jeist jesault en doamet fa den Deenst reedjemoakt. *Lukas 4,18*
3. Jesu Wirkjen passieed en dee Krauft vom Heiljen Jeist. *Lukas 4,14*
4. Daut Reden Jesu passieed en dee Krauft vom Heiljen Jeist. *Johanes 6,63*
5. Sien Oppstonen passieed derch den Jeist Gottes. *Reema 8,11*

2. Em Lewen von dee Jinja Jesu

Dee Jinja Jesu neemen aun twee Bunden deel: aum oolen en uk aum nieen Bunt. Ver Pinjsten (*Aposteljeschicht 2,1-13*) wia eare Jemeen-schoft tom Heiljen Jeist vejlikjboa met dee Tiet von Oolen Tastament.

- Johanes dee Deepa wees doaropp han, daut Jesus siene Jinja met dem Heiljen Jeist deepen woat (*Johanes 1,33*).
- Jesus jeef siene Jinja Volmacht, aule oppgowen to doonen, dee eant ewajeft wieren (*Mateus 10,1*).
- Jesus treesd siene Jinja, endem hee eant vespruak, no sienem Wachgonen den Heiljen Jeist to schekjen (*Johanes 15,26*).

C. Dee Tiet von Pinjsten

Dee Tiet von Pinjste, woat uk aus daut Tietella vom Heiljen Jeist betieekjent. Dit Tietella funk aun met dem Pinjstwunda (*Aposteljeschicht 2,1-13*). Gott haft dee Veheetungen üt dem Oolen Tastament en dee Bekauntmoakungen Jesu woa jemoakt, en sien Heiljen Jeist opp dise leed jeschekjt.

Von dise Tiet wont dee Heilja Jeist en aule wadajebuarne Menschen (*Reema 8,9; 1. Korinta 3,16*). Dit es dee entscheidenda Unjascheet tweschen dem Wirkjen von Heiljen Jeist em Oolen en em Niesen Tastament.

- **Froag 14:** Wua wont dee Heilja Jeist nü? Woo woat dis Uat betieekjent (*1. Korinta 3,16*)?

IV. Dee Oppgowen vom Heiljen Jeist

Woo wirkjt dee Heilja Jeist nü en onse Tiet?

A. Hee veharlicht Jesus

Johanes 16,14

Hee woat mie veharliche. Hee woat vom mienjen nemen, en jünt daut sajen en diedlich moaken.

Dee Heilja Jeist stalt sikj nich selbst en den Meddelpunkt, oba wiest emma wada opp Jesus han (*vjl. Aposteljeschicht 2,32-36*).

► **Froag 15:** Woo wiest sikj dee Heilja Jeist bie dee Deepunk Jesu (*Mateus 3,16*)?

B. Hee moakt ons reed tom Zeichnis

Aposteljeschicht 1,8

Oba wan dee Heilja Jeist ewa jünt komen woat, woa jie Krauft kjrieen, en jie woaren miene Zeijen sennen, en Jerusalem, en gaunz Judea en Samaria en ewa dee gaunze Welt!

Wie derwen doamet reakjnen, daut dee Heilja Jeist ons Moot en uk dee rechtje Wieed jeft, wan wie aundre von Jesus wiedasajen (*vjl. Mateus 10,20*)?

► **Froag 16:** Waut bezejden dee Apostel en *Aposteljeschicht 4,33*? Woo bezejden see dise Tautsach?

C. Hee ewafieet Sinden

Johanes 16,8

En wan dee komen woat, woat hee dee Welt dee Uagen opmoaken ewa waut Sind es en waut Jerajchtichkjeit es en ewa waut Jerecht es.

Dee Heilja Jeist moakt dee Menschen ea bennaschtet Uag op, soodaut see erkjanen, wuarenn eare Sind besteit (*Johanes 16,9*). Daut es eene wichtje Bedinjunk fa eenen Mensch, om jerat to woaren.

► **Froag 17:** Waut belewden dee Toohiera von Petrus aus see siene Predicht aum Pinjstdach hieden (*Aposteljeschicht 2,37*)?

D. Hee bewirkt dee wadajeburt

Johanes 3,5-6

Jesused: Ekj saj die dee Woarheit: Wea nich derch Wota en Jeist jebuaren woat, kaun nich en daut Gottes rikj nenn komen. 6 Waut vom Fleesch jebuaren woat, es Fleesch, en waut vom Jeist jebuaren woat, es Jeist

Dee Heilja Jeist bringt dee Wadajeburt ewadel en moakt ons reed to een jeistlichet Lewen (vgl. Titus 3,5).

► **Froag 18:** Waut mott een Mensch doonen, om wadajebuaren to woaren (Johanes 1,12-13) ?

E. Hee schenkt Heilsjewessheit

Dee Jewessheit onse Raduk es opp dree Stendasch oppjestalt:

- daut Wut Gottes (1. Johanes 5,13-14).
- dee Gloowen (Johanes 3,16).
- dee Heilja Jeist (Reema 8,16)

F. **Froag 19:** Woo bestedicht ons dee Heilja Jeist, daut wie Gottes Kjinja sent? Waut von Meddel bruckt hee doato (Efeesa 6,17)?

F. Hee jeft Siech

Galata 5,16

Ekj saj jünt soo: Waundelt em Jeist, dan woa jie daut nich doonen, wuano daut Fleesch jelesten deit.

Daut Lewen aus Christ kjenn wie nich üt ieejna Krauft fieren.

Dee Heilja Jeist moakt ons fehich, soo to lewen, aus Gott daut jefelt.

► **Froag 20:** Wuamet doaft deejanja reakjnen, dee soo left, aus dem Jeist daut jefelt (Galata 6, 8)?

G. Hee wirkjt Frucht

Galata 5,22-23

Den Jeist siene Frucht es Leew, Freid Fred, Jedult, Frindlichkjeit, gootjesonnen sennen Gloowen, Jeli-dichkjeiten Selfstbeharschunk. 23 Jeajen soone es daut Jesaz nich.

Dee Frucht vom Heiljen Jeist wiest sikj em Lewen von eenen Christen. Daut sull ons Wunsch sennen, daut dise Frucht rikjlich en onsen Lewen to seenen es.

► **Froag 21:** Woo moot wie lewen, doamet ons Lewen Frucht brinj (Johanes 15,5)?

H. Hee schenkt Gowen

Dee Jeistliche gowen sent bestemde Ieejenschoften, dee wie fa den Deenst em Rikj Gottes bruken (Reema 12,4-8). Kjeen Christ haft aule Gowen, wiels dee Heilja Jeist deelt aulem daut Sienje to soos hee well (1.Korinta 12,7-11).

► **Froag 22:** Woonen Zwakj erfellen dee veschiedne jeistliche Gowen (1. Korinta 14,12)?

I. Hee halbt ons em Jebed

Efeesa 2,18

Derch Jesus hab wie aule beid derch eenen Jeist den Wajch no dem Voda.

Galata 4,6

En wiels jie nü Gott siene Sehns sent, haft hee ons daut Hoat jejeft, dee am aunroopt aus Voda, leewa Voda!

Dee Heilja Jeist well ons halpen, Gott to veharlichen en soo to beden, soos Gott daut jefelt. Wiels Jesus fa ons storf, derw wie aula, aus Jüden ooda Heiden, „en eenem Jeist“ nom Voda komen (Efeesa 2,18).

► **Froag 23:** Woo kjemt dee Heilja Jeist ons em Jebed to Halpen (Reema 8,26)?

J. Hee leit ons

Johanes 16,13

Oba wan dee Jeist, dee Waarheit es, komen woat, dee woat jünt dee volle Waarheit lieren.

Dee Heilja Jeist leit ons, doamet wie Jesus beta kjanenlieren (1. Johanes 2,20). Oba hee well ons uk en gaunz rechtje Loag leiden (Aposteljeschicht 13,4; 16,6).

► **Froag 24:** Woon Meddel brukt dee Heilja Jeist jieren, om ons to leiden (Efeesa 6,17)?

Dee Heilja Jeist

Wea es dee Heilja Jeist ?

Dee Heilja Jeist es Gott

1. Dee Nomes fa den Heiljen Jeist wiesen opp siene Gottheit han
Jesaja 61,1 Reema 8,9
2. Dee Ieejenschoften vom Heiljen Jeist wiesen opp siene Gottheit han *Psalm 139,7 1. Korinta 2,10 Hebrea 9,14*

Dee Heilja Jeist es „Persoon“

- Denken: *1. Korinta 2,11*
- Feelen: *Efeesa 4,30*
- Wellen: *1. Korinta 12,11*
- Reden: *1. Timoteus 4,1*
- Hieren: *Johanes 16,13*

Tieekjens fa den Heiljen Jeist

1. **Dee Doop**
Mateus 3,16
2. **Daut lewendje Wota**
Johanes 7,38-39
3. **Daut Eelj**
1. Samuel 16,13
1. Johanes 2,20.27
4. **Daut Fia**
Lukas 3,16
5. **Daut Stampel**
2. Korinta 1,22
6. **Dee Birj**
2. Korinta 1,22
 - Waut wort ons derch den Emfank vom Heiljen Jeist vesechat (*Efeesa 1,14*)?

Daut wirkjen vom Heiljen Jeist en dee Heilsjeschicht

Dee Tiet em Oolen Tastament
2. Mose 31,3; Richta 3,10

Dee Tiet dee Evangelien
Lukas 4,14.18

Dee Tiet von Pingsten
Reema 8,9; 1. Korinta 3,16

Dee Oppgown vom Heiljen Jeist

- | | |
|---|---|
| A. Hee veharlicht Jesus
<i>Johanes 16,14</i> | F. Hee jeft Siech
<i>Galata 5,16</i> |
| B. Hee befehicht ons tom Zeijen
<i>Aposteljeschicht 1,8</i> | G. Hee wirkjt Frucht
<i>Galata 5,22-23</i> |
| C. Hee ewafieet Sinden
<i>Johanes 16,8</i> | H. Hee schenkjt Gowen
<i>Reema 12,4-8</i> |
| D. Hee bewirkjt dee Wadajeburt
<i>Johanes 3,5-6</i> | I. Hee halbt ons em Jebed
<i>Galata 4,6</i> |
| E. Hee schenkjt Heilsjewessheit
<i>Reema 8,16</i> | J. Hee leit ons
<i>Johanes 16,13</i> |

Deep denkjende Froagen

1. Schriew ütwendich opp: *Jesaja 11,2*
2. Nan eenje Nomes, dee opp dee Gottheit vom Heiljen Jeist hanwiesen!
3. Woone Ieejenschoften besett dee Heilja Jeist?
4. Wuaraun erkjan wie, daut dee Heilja Jeist nich eene onperseeliche Krauft, oba dee dredde „*Persoon*“ dee jettliche Dree-eenichkjeit es?
5. Waut meent Jesus met den „*Streemen lewendjet Wota*“ en *Johanes 7,38-39*?
6. Woone Bediedunk haft dee Jewessheit met dem Heiljen Jeist fa ons Christ sennen?
7. Wuarenn besteit dee Unjascheet tweschen dem Wirkjen vom Heiljen Jeist to Tiet vom Oolen Tastament en to onse Tiet?
8. Waut weet wie ewa daut Wirkjen vom Heiljen Jeist em Lewen Jesu?
9. Wuaweajen wirkjt dee Heilja Jeist em Lewen von dee onjleewende Menschen?
10. Woo wirkjt dee Heilja Jeist em Lewen von eenen wadajeburenen Christen?



Photo by Annie Spratt on Unsplash

Dee Heilja Jeist jeft ons Krauft,
om Siech ewa dee Sind to erlewen
en om von Jesus wiedatosajen.

Daut Siechrikje Lewen

Een Lewen en dee Krauft vom Heiljen Jeist

Daut sull dee Wunsch von een jiedren Christ sennen, een frooet en erfeldest Lewen met Jesus Christus to fieren. Dit es nich üt ieejna Krauft meajlich, oba bloos derch den Heiljen Jeist. Doaweajen well wie am erlauben, met siene Krauft en onsem Lewen to wirkjen.

„Gott oba saul Jedankt, dee ons den Siech jeft derch onsen Harrn Jesus Christus!“ – 1. Korinta 15,57

I. Waut es een Volstenjet Lewen?

Daut Christennen, wan daut rechtich vestonen woat, es nich een Jesecht vetrakjen. Daut es uk nich aunjetieekjent von bloos Schwierichkeiten ooda Trigifaulen, wiels Gott haft ons en dee Bibel groosoatje Veheetunge fa een Erfeldest Lewen jejeft.

► **Froag 1:** Woone Moakjmolen sullen diene Meenunk no daut Lewen von een Christ betieekjen?

A. Daut es een Lewen en Ewafluss

Johanes 10,10

Een Stela kjemt bloos, om to stelen, to schlachten en enne Grunt to brinjen. Ekj sie jekomen, daut Lewen to brinjen, en daut see daut vollopp haben sellen.

Aus dee groota Hoad es Jesus om siene Schop besorcht. Hee kjant dee Jefoaren en well eant duavea bewoaren. Hee fieet en foodat dee. Hee weet, waut dee brucken, en well eant vesorjen en eant aules rikjlich jewen.

► **Froag 2:** Woone Veendrunge brinjt daut Lewen, daut Jesus ons schenken well, met sikj (*Mateus 7,7; Johanes 14,27*)?

B. Daut es een Lewen em Siech ewa dee Sind

Aus Kinja Gottes sent wie nich meea Kjnajchts von dee Sind (*Johanes 8,34*). Wie sent uk kjeen Spelbaul von onse Losten en Liedenschoften. Dee Sind kaun nich meea ewa ons harschen!

Reema 6,12

Doaweajen lot dee Sind nich en junen stoafflichen Kjarpa harschen, daut jie nich doonen motten wuano dee Sind jelesten deit

Reema 6,14

Dee Sind saul nich ewa jünt harschen kjennen, wiels jie sent nich unja daut Jesaz, oba unja dee Jnod

Wan dee Jeist Gottes ons Lewen bestemmen doaf, jeft hee ons Krauft, daut sindje Velangen en ons to wadastonen (*Galata 5,16*).

Soolang aus wie opp dise leed lewen, woa wie metunja en Sind faulen. Doaweajen mott wie weeten, woo wie emma wada nie dee Vejewunk en Aunspruch nemen kjennen.

► **Froag 3:** Woo kjenn wie dee Vejewunk dee Sinde derch daut Bloot Jesu emma wada nie erfoaren (*1. Johanes 1,7-9*)?

► **Froag 4:** Nan eenen Wajch, woo wie dee Sinde wirkjsom wadastone kjennen (*2. Timoteus 2,22*)?

C. Daut es een Lewen, daut aunjedonen es met Krauft

Aposteljeschicht 1,8

Oba wan dee Heilja Jeist ewa jünt komen woat, woa jie Krauft kjrieen, en jie woaren miene Zeijen sennen, en Jerusalem, en gaunz Judea, en Samaria, en ewa dee gaunze Welt.

Dee Krauft vom Heiljen Jeist es needich, doamet ...

- wie Siech ewa dee Sind haben,
- wie Jesus ver dee Menschen bezeijen kjennen (*1. Tessalonicha 1,5*) en
- dee Frucht vom Jeist en onsem Lewen sechtboa woat.

► **Froag 5:** Wuatoo befehicht ons dee Heilja Jeist? Woone ütwirkjungen von dee Krauft Gottes woaren en *Reema 15,13* en *Efeesa 3,16* jenannt?


D. Daut es een Lewen met Christus em Meddelpunkt

Galata 2,20

Ekj sie met Christus metjekriezicht. Daut sie ieejentlich nich meea ekj dee doa left, daut es Christus dee en mie left. Daut Lewen daut ekj hia em Fleesch lew, lew ekj em Gloowen aun Gott sienen Sehn, dee mie goot wia en sikj selft fa mie hanjeef.

Von onse Wadajeburt wont Jesus met sien gaunzet Rikjtom en ons (*Kolossa 1,27*). Von doahea sull daut erfelldes Lewen fa ons eene deachliche Erfoarunk sennen. Entscheident doafea es dee Froag: „Es Christus opp dem Troon en mienem Lewen?“

Dee foljende dree **Kullasch** stalen daut Lewen von dree Persoone doa: Daut **Kjriez** steit fa Christus en dee **Punkte** fa onse verschiedene Lewensloagen. **E** = Ego (ekj), **h** = dee Troon en mienem Lewen.




Dee unbekjieda Mensch

Christus es bütakaunt sien Lewen



Dee bekjieda Mensch

Sien Lewen woat von Jesus Christus bestemmt



Dee Fleeschliche Christ

Sien Ego (ekj) vesieekjt, Christus to vedrenjen

Woona von dee dree Kullasch stalt mien Lewen doa?

II. Wea kaun een erfelldet Lewen fieren?

Doamet wie een Lewen en dee Krauft vom Heiljen Jeist fieren kjennen, mott wie ...

- den Heiljen Jeist jekjreajen haben en
- von am erfelt sennen.

A. Dee Emfank vom Heiljen Jeist

1. Dee Emfank vom Heiljen Jeist passieet en dee Wadajeburt.

Dee Wadajeburt von een Mensch passieet derch den Heiljen Jeist. Doabie woat hee von aul siene Sinde jereinicht, dee Heilja Jeist nemmt en am Woning enn, en hee kjricht secha een nieet Lewen.

Johanes 3,5

Jesus sed: Ekj saj die dee Woarheit: Wea nich derch Wota en Jeist jebuaren woat, kaun nich en daut Gottesrikj nenn komen.

Titus 3,5

Daut wia nich, daut wie Jerachtichkjeits Woakjen opptowiesen hauden, daut wia üt sien ieejnet Metlieden. Wie worden doaderch niejebuaren, daut hee ons wosch en derch den Heiljen Jeist nieet Lewen jeef.

Daut Nee Tastament bestedicht ons, daut dee Heilja Jeist en aule bekjiede en wadajeburne Menschen wont.

Reema 8,9

Oba jie sent nich em Fleesch, jie sent em Jeist, wan Gott sien Jeist werkjlich en jünt wont. Wan oba irjentwea nich Christus sienen Jeist haft, dee es dan uk nich eena von dee sienje.

1. Korinta 3,16

Weet jie nich, daut jie Gott sien Tempel sent en daut Gott sien Jeist en jünt wont?

Wiedre Bibelsteden, dee dit bestedjen, sent: *Johanes 7,38-39; 14,16-17; Reema 8,10-11.14-15; 1. Korinta 6,19; 2.Korinta 1,21-22; Efeesa 1,13-14*

En dee Aposteljeschicht jeft daut sewen Berechte doarewa, woo Menschen den Heiljen Jeist jekjreajen haben:

Aposteljeschicht 2,1-3.38-41; 8,14-17; 10,43-45; 11,15; 15,8-9; 19,1-6

► **Froag 6:** Waut mott een Mensch doone, om den Heiljen Jeist to kjrieen?

2. Dee Heilja Jeist es eene Gow Gottes aun ons

Bie dee Wadajeburt hab wie dee Gow vom Heiljen Jeist jekjreajen. Krakjt soo, aus dee Vejewunk dee Sinde, daut eewje Lewen ooda ons Oawen em Himmel een Jeschenkj es, soo es uk dee Gow vom Heiljen Jeist een Jeschenkj aun ons. Wie habe dise Gow nich vedeent.

Apostelj. 2,38

Petrus sed to an: Kjieet om en lot jünt aula en Jesus Christus sienen Nomen deepen, daut jünt dee Sinden vejeft woaren. Dan woat Gott jünt den Heiljen Jeist schenkjen.

Apostelj. 8,20

Apostelj. 10,45

► **Froag 7:** Waneea kjrieejen dee Christen en Cesarea den Heiljen Jeist (*Aposteljeschicht 11,17*)?

3. **Een unjascheet tweschen dem Oolen en dem NienenTastament.** To Tiet vom **Oolen Tastament** kaum dee Heilja Jeist opp bestemde Menschen, om dee fa bestemde Oppgowen to befejen (*t.B. 1. Samuel 16,13*).

Em **Nienen Tastament** finj wie, daut dee Heilja Jeist von Pinjste en aule wadajeburne Christen wont (*Reema 8,15*). Jeemaunt, dee sikj bekjiet, woat met dem Heiljen Jeist veseajelt (*2. Korinta1,22; Efeesa 1,13; 4,30*).

4. **Dee Emfank vom Heiljen Jeist en dee Jeistestaufe**

Daut Wuat „deepen“ bediet soo vel aus „unjaducken“. Wem Jesus met dem Heiljen Jeist deept, dee kjricht aundeel aun dee jettliche Natua en woat met dee Krauft vom Heiljen Jeist reedjemoakt.

Mateus 3,11

Ekj deep jünt met Wota daut jie omkjieren. Oba dee waut no mie kjemt es stoakja aus ekj, dem ekj nich wiet sie dee Schoo to draagen. Dee woat jünt met den Heiljen Jeist en met Fia deepen.

Vejlikj: *Markus 1,8; Lukas 3,16; Johanes 1,33*

Daut ütjeeten en Deepen vom Heiljen Jeist, daut aun Pinjsten passieet, wort von Jesus selfst Verhea aunjekjindicht (*Lukas 24,49*):

Johanes 15,26

Wan dee Treesta komen woat, den ekj jünt vom Voda schekjen woa, dee Jeist, dee Waarheet es en vom Voda ütjeit, dee woat von mie zeijen.

Apostelj. 1,5

Wiels Johanes deept met Wota, jie oba sellen om een poa Doag met den Heiljen Jeist jedeep woaren.

Dee verhea Bekauntmoakunk Jesu, jinkj aum Pinjsdach en Erfellunk. Von disem Dach aun habe dee Menschen daut emma wada erleft, daut see den Heiljen Jeist kjriien, wan see Jesus ea Lewen aunvetrüden.

Apostelj. 11,15-16 En aus ekj aunfunk to an to reden, foll dee Heilja Jeist opp an, soo aus dee em Aunfank opp ons foll.16 Dan foll mie bie, waut dee Harr jesajcht haud: Johanes deept met Wota, oba jie sellen met dem Heiljen Jeist jedeept woaren.

► **Froag 8:** Waut passieed doano *1. Korinta 12,13* derch dee Jeistestaufe?

B. Daut Erfeltsenne met dem Heiljen Jeist

Doamet wie een Lewen en dee Krauft vom Heiljen Jeist fieren kjennen, mott wie den Heiljen Jeist jekjreajen haben en von dem erfelt sennen.

1. Jieda Christ sull met dem Heiljen Jeist erfelt sennen

Daut es Gottes Wellen, daut jieda Christ sikj emma wada met dem Heiljen Jeist erfellen lat.

Efeesa 5,18 En bedrinkjt jünt nich aun Wien, wuaderch jie dee konntroll ewa jünt selbst velieren, oba woat voll vom Heiljen Jeist.

En dee Aposteljeschicht les wie aun acht Steden, daut Menschen met dem Heiljen Jeist erfellt worden, ooda erfellt wieren (*Aposteljeschicht 2,4; 4,31; 6,5; 7,55; 9,17; 11,24; 13,9.52*).

► **Froag 9:** Waut hauden dee Christen en Jerusalem (*Aposteljeschicht 4,31*) doato biejedroacht, daut see nü met dee Krauft vom Heiljen Jeist erfellt worden?

► **Froag 10:** Dee Jinja en Antiochia worden von Freid, en vom Heiljen Jeist erfelt. En woone Loag passieed dit? Waut wia veroppjegenon (*Aposteljeschicht 13,50-52*)?

2. Woo kjenn wie met dem Heiljen Jeist erfelt woaren?

Wie finjen en dee Biebel kjeen Plon, aun dem wie ons hoolen sullen, om dee Krauft Gottes en onsem Lewen to erfoaren. Doaweajen sull aun dise Sted eenje Gruntsauza fa een jesundet jeistlichet Lewen jenant woaren.

a) Dee Hanjewunk von Lewen aun Christus

Reema 6,13 Lot dee Sind kjeene Jleda brucken, dee Ojjerachtichkheit to deenen. Jeft jünt leewa Gott han, aus soone dee vom Doot toom Lewen jekomen sent, en lot am jüne Jleda brucken, dee Jerachtichkheit to deenen.

Von onse Bekjierunk, jehiet ons Lewen werkljich Christus. Oba hia jeit daut om dee Froag: „*Sie ekj reed, ukvondoag mien Lewen gaunz Jesus Christus hantjewen?*“ Dit es eene Entscheidunk, dee wie emma wada niee to trafen haben.

► **Froag 11:** Woon stekj von ons Lewen sull wie Reema 12,1 Jesus Christus hanjewen?

b) Dee Reinjunk von dee Sind

Jesaja 52,11 Velot! Velot! Trakjt dort wajch. Schieet nuscht orreet aun. Komt wach von mank dee Velkja. Dee waut dem Harrn sien Jreetschoft droagen, moakt jünt rein.

Gott well reine „Jefessa“ en sienen Deenst brucken. Wie motten doaweajen met aul onse bewusste Sinde breakjen en ons doavon reinjen loten (*vjl. 1. Johanes 1,9*).

Gott velangt von ons Reinheit en aul onsen Lewensloagen:

- Reinheit en dee Jedanken: *Filippa 4,8*
- Reinheit en dee Wied: *Efeesa 4,25*
- Reinheit en dee Woakjen: *1. Tessalonicha 2,10*

c) Een Jebets Lewen fieren

Gott well, daut wie beden. En dee Bibel finj wie vele Oppfodrungen doato.

Lukas 22,40 En aus hee doahan kjeem, sed hee to an: Bet, daut jie nich en Vesieekjunk jeroden!

Aus dee Jleewende en Jerusalem jebet hauden, worden see mit dem Heiljen Jeist erfelt en predijden driest dee Bootschoft Gottes (*Aposteljeschicht 4,31*).

Uk vele Biespels üt dee Kjoakjen jeschicht bewiesen, daut Menschen, dee een siechrikjet Lewen en dee Krauft vom Heiljen Jeist jefiet haben, Bedasch wieren!

d) Em Jehuarsom to Lewen

1. Johanes 2,6 Wea doa bekjant, en Christus to sennen,
sull uk soo lewen aus Christus jeleft haft.

Daut Reed senne, jehuarsom to sennen, es eene wichtje Bedinjunk,
om met dem Heiljen Jeist erfellt to woaren. Ons Jehuarsom es uk
een Proowsteen onse Leew to Gott.

e) Dee Erfellunk em Gloowen en Aunspruch nemen

Johanes 7,38-39 Wea aun mie jleeft, soo aus dee Schreft sajcht, üt dem sien
bennaschtet woaren lewendje Wotastreeme ranen.³⁹
Hee died doamet opp den Jeist han, den dee, dee aun
am jleewden, nohea kjrieen sullen. Wiels dee Heilja
Jeist wia noch nich doa, wiels Jesus noch nich
veharlicht worden wia.

Derch den Gloowen aun Jesus hab wie dee Gow vom Heiljen Jeist
jekjreajen. Krakjt soo kjenn wie derch den Gloowen aun Jesus
dem Heiljen Jeist Rüm jewen, om en ons Lewen to wirkjen.

III. Woo wirkjt sikj daut Jeistliche Lewen üt?

Dee Heilja Jeist well dee Frucht vom Jeist (*Galata 5,22-23*) en onsem Lewen
wirkjen en ons jettliche Krauft jewen, doamet derch ons daut Rikj Gottes
en dise Welt jebüt woat (*1. Korinta 4,20*).

En *2. Timoteus 1,7* woaren foljende Wirkjungen vom Heiljen Jeist in onsem
Lewen jenannt:

2. Timoteus 1,7

**Wiels Gott jeef ons nich eenen Jeist dee ons forchtsom
moak, oba den Jeist von Leew en Krauf, en daut wie
ons selfst beharschen kjennen.**

A. Krauft

Dee Heilja Jeist jeft ons Krauft, om Siech ewa dee Sinde to erlewen, om
onse deachliche oppgowen to erfellen en om von Jesus wiedatosajen. Hee
es een Jeist von Krauft.

2. Korinta 10, 4

**Daut Jereetschoft daut wie toom kjamfen bruken, staumt
nich von dise Welt. Daut staumt von Gott, en doaweajen
haft daut eene Gotteskrauft en sikj.**

- **Froag 12:** Aun waut wiest sikj dee Krauft em Lewen von dee Apostel? En woonen aufschnett sent wie besoondasch opp dise jettliche Krauft aunjewesen (*Aposteljeschicht 4,33*)?

B. Leew

Dee Leew es daut wichtichste Kjantieekjen von een Christ.

Dee Heilja Jeist, dee een Jeist voll Leew es (*2. Timoteus 1,7*), moakt ons reed, unjarenaunda to leewen.

Johanes 13,34 Ekj jew jünt een nieet Jeboot, jie sellen jünt unjarenaunda goot sennen, krakjt soo aus ekj jünt goot jewast sie. Jüne Leew fa eenaunda saul jrod soo goot sennen, aus miene Leew fa jünt.

- **Froag 13:** Wuahea kjrie wie dee Fehichkkeit, to leewen (*Reema 5,5*)?


C. Belierunk, Venunft

Daut en *2.Timoteus 1,7* jebrukte Wuat fa belierunk kaun uk met Venunft ooda Selbstbeharschunk ewasat woaren. Wie bruken dise Erfoarunk, om ons Lewen to meistren en om den Wellen Gottes erfellen to kjennen.

1. Korinta. 9,26-27 Doaweajen ran ekj nich aus eena, dee nich weet, wua hee han well. Ekj kjamf uk nich met dee Füst, om Lajcha enne Loft to schlönen. 27 Ekj bedwinj mienen Kjarpa, daut dee mie jehorcht, daut ekj nich aundre predjen doo en selfst nich to brucken sie.

- **Froag 14:** Woo jinkj Paulus doano *1. Korinta 9,26-27* met sienen Kjarpa om?

Daut Erfolchrikje Lewen



Deep denkjende Froagen

1. Schriew ütwendich opp: *Johanes 7,38-39*
2. Nan twee Kjantieekjens von een siechrikjet Lewen!
3. Daut Lewen en dee Krauft vom Heiljen Jeist es jetieekjent von Siech ewa dee Sind. Dannooh woaren ons emma wada mol Sinde passieeren. Woo benem wie ons rechtich, wan wie en Sind jefollen sennt?
4. Wea kaun een siechrikjet Lewen fieren?
5. One den Heiljen Jeist es et onmeajlich, siechrikj to lewen. Waneea passieet dee Emfank von den Heiljen Jeist?
6. Jieda, dee den Heiljen Jeist jekjreaajen haft, sull uk met dem erfelt senne. Woone Bibelstede foddats ons doato opp?
7. En *Aposteljeschicht 4,31* les wie von Menschen, dee met dem Heiljen Jeist erfelt woaren. Waut hab jie doato biejedrocht?
8. Nan eenje bedinjunge, dee wichtich sennt, om bestenndich met dem Heiljen Jeist erfelt to senne!
9. Wuaraun licht daut, wan een Christ nich met dem Heiljen Jeist erfelt es?
10. Woo wirkjt sikj daut Erfelt senne met dem Heiljen Jeist, en ons Lewen üt?

Manfred Röseler

Bibelgrundkurs „Nieet Lewen met Jesus“ – Baunt 2

Dee Bibelgrundkurs „*Nieet Lewen met Jesus*“ dreit sikj aun Menschen, dee junk em Gloowen sent, en bitt eene plonmesje ewasecht ewa wichtje biblische Teemasch.



Baunt 2 es dee paussende Toosauz to dem vealijenden Kurs. Foljende twalf Teemasch woaren behandelt:

Mensch senne, soos Gott daut meent – Jesus bezeijen – Perseenliche Evangelisazion – Leid een Mensch to Christus – Jinjaschoft – Gowen entdakjen en ensaten – Frucht brinjen – Dee Bibel (Jrindunk, Veaschreften, derch den Jeist jejeft) – Bibelstudium – Owentmol – Doop – Den Wellen Gottes erkjannen.

192 Sieden, 12 Lekzionen

Jebungen, 17 x 24 cm, lenjdhan kalierich Bestal-Nr. 662447



Manfred Röseler

Bibelkurs Alpha en Omega

Fief wichtje Aunsechte vom Gloowen.

Veschauf die eenen Ewasecht ewa wichtje Teemasch üt dee Bibel! Entdakjt Auntwouaten opp Lewensfroage üt biblische Ütsechten! Jie kjennen disen Bibelgrundkurs entweda em Selbststudium ooda met aundre jemeensom en eene Grupp derchoabeiden.

80 Sieden, 5 Lekzionen

Paperback, 13,5 x 20,5 cm, lenjdhan kalierich Best.-Nr. 662522

Bruderhaund-Medien

Am Hofe 2, 29342 Wienhausen, Deutschland

Tel.: 05149 9891-0; E-Mail: info@bruderhand.de

bibelgrundkurs.brunderhand.de